



প্রকাশক—  
ডাক্তার মুখার্জী এণ্ড সন্স।  
৩নং নেবুবাগান বাইলেন, বাগবাজার,  
কলিকাতা।

৮২৫  
আন/জ

Uttarpara J. K. Public Library  
Gift No. 209801 Date 2/5/2012

B209801



শ্রীপুলিনবিহারী দে কর্তৃক মুদ্রিত।  
দি ফাইন প্রিন্টিং ওয়ার্কস,  
৩৪৭/১ নং অপার চিৎপুর রোড, কলিকাতা।

# উৎসর্গ

পরমারাম্য অগ্রজ—

চুণীলাল বন্দ্যোপাধ্যায়

যিনি আমার রচনার

বিশেষ পক্ষপাতী ও একান্ত অনুরাগী ছিলেন

প্রায় এক যুগ পূর্বে—

ফাঁর থিয়েটারে

আমার শেষ নাটকভিনয়েরও

যিনি শ্রেষ্ঠ সাক্ষী ছিলেন

আজ তাঁহার অভাব

মর্মে মর্মে উপলব্ধি করিয়া

তাঁহারই অচ্ছেদ্য স্মৃতির উদ্দেশে

আমার এই নাটকখানি

উৎসর্গ করিয়া

কতকটা তৃপ্তি ও শান্তিলাভ করিতেছি ।



## ভূমিকা

বহুদিন পরে,—এক প্রকার নূতন নাট্যকাররূপেই নাট্যশালার সংশ্রবে আসিয়া, নবরচিত ‘জাহাঙ্গীর’ নাটকের ভূমিকা লিখিতে বসিয়া, বঙ্গীয় নাট্যশালার মধ্যযুগের সংস্কারক ও পরিচালক স্বনামখ্যাত স্বর্গগত অমরেন্দ্রনাথ দত্তের স্মৃতি মনে জাগিয়া উঠিতেছে। মনে পড়িতেছে—ভাগ্য-বিপর্যয়ের পর, তিনি যখন নাট্য-সাধনা-কল্পে পুনরায় কৰ্মক্ষেত্রে অবতীর্ণ হন, তখন আমারই প্রথম রচনা ‘বাজীরাও’ তাঁহার নূতন নাট্যশালার প্রথম ও প্রধান নাটকরূপে নির্বাচিত হইয়াছিল এবং তাঁহার সৰ্বদিক প্রসারিণী প্রতিভা তাঁহাকে পুনরায় সৌভাগ্যলক্ষ্মীর বরপুত্ররূপে নাট্যজগতের শ্রেষ্ঠস্থানে অধিষ্ঠিত করিয়াছিল,—তিরোধানের দিন পর্যন্ত তাঁহার এই অপরায়েয় প্রতিষ্ঠা অক্ষুণ্ণ ছিল,—আর তাঁহার সংশ্রবে, তাঁহার নাট্যশালার নিজস্ব নাট্যকাররূপে, আমার রচিত পরবর্তী নাটকগুলিও প্রশংসিত ও জনপ্রিয় হইবার সমূহ অবকাশ পাইয়াছিল। আবার,—তাঁহার বিবোগের পর ঘটনাক্রমে আনাকেও ব্যথিত-হৃদয়ে নাট্যশালার সংশ্রব পরিত্যাগপূর্বক, বঙ্গের বাহিরে কার্যান্তরে লিপ্ত হইতে হইয়াছিল। এক যুগ পরে, বুঝিবা—আমার ভাগ্যাধিপতি বুদ্ধদেবের প্রেরণাতেই—পুনরায় নাটক রচনা ও রচিত নাটকখানিকে নাট্যশালার পাদপ্রদীপের পুরোভাগে প্রকাশ সম্ভবপর হইয়াছে,—এবং সঙ্কে সঙ্কে সেই প্রিয়দর্শন হৃদয়বান কৰ্মবীর অমরেন্দ্রনাথের চির-মধুর-স্মৃতি আমার মানস-পটে জাগিয়া উঠিতেছে।

এক যুগ অজ্ঞাতবাসের পর সৌভাগ্যক্রমে যে নাট্যশালার সংশ্রবে আমি আমার এই নূতন নাটকখানি লইয়া উপস্থিত হইয়াছি,—বর্তমানে যিনি তাঁহার পরিচালক,—দেখিতেছি তিনিও, বহুজনের ভাগ্যবিজড়িত একটি বিরাট নাট্যপ্রতিষ্ঠানের কর্ণধাররূপে গুরুতর দায়িত্ব লইয়া

নাট্যসাধনার নূতন ব্রতী,—এবং আমার এই নূতন নাটক ‘জাহাঙ্গীর’ তাঁহার নেতৃত্বাধীনে পরিচালিত নাট্যশালার প্রথম নূতন নাটক স্বরূপ গৃহীত হইয়াছে। আমি ঐহার নাম করিতেছি, তিনি আজ ‘মনোমোহন’ ধিয়েটারের নূতন কর্ণধার হইলেও, নাট্যজগতে তিনি চিরপরিচিত,—এই অসাধারণ প্রতিভাশালী কর্ম্মবীরের সর্বদিকপ্রসারিণী প্রতিভা ও নাট্যশালাসম্বন্ধীয় সর্ববিষয়েই অভিজ্ঞতা অভুলনীয়! নট না হইয়াও—নাট্য-কলা-সম্বন্ধে ইঁহার একনটোপযোগী নৈপুণ্য, নাটক-প্রযোজনায় অসামান্য কৃতিত্ব, দৃশ্যপট ও পোষাক পরিচ্ছদের পরিকল্পনায় ক্ষমতা, সর্বোপরি অসাধারণ অধ্যবসায় ও শ্রমশক্তি-দর্শনে আমি মুগ্ধ হইয়াছি। আমার এই নাটকখানি সকলদিক দিয়াই আজ যে জনসাধারণের প্রশংসা পাইয়াছে, তাহার মূলে এই দূরদর্শী শিক্ষিত-পটু অভিজ্ঞ কর্ম্মবীরের নিপুণ কর্ম্মশক্তি ও নিখুঁত সৌন্দর্য্যদৃষ্টির প্রভাব পূর্ণমাত্রায় বিদ্যমান। জগতে ঐহার প্রতিভার বরপুত্র বলিয়া প্রতিষ্ঠান্বিত হন, তাঁহার নামের বা যশের কাঙ্ক্ষাল নহেন, কিন্তু নাম ও যশঃ সাধারণ-ভাবেই তাঁহাদিগকে আশ্রয় করিয়া থাকে। সুতরাং আমিও, এই নিরব কর্ম্মীর নাম উল্লেখ না করিলেও, নাট্যাঙ্গুরাগী মাত্রেই উপরোক্ত কয়েক ছত্রেই তাঁহার পরিচয় পাইয়াছেন, তাহা বুঝিয়াও, আমার এই গ্রন্থের সহিত আমার আলোচ্য কর্ম্মবীর শ্রীযুক্ত প্রবোধচন্দ্র গুহ মহাশয়ের নামটি উল্লেখ করিবার প্রলোভন সম্বরণ করিতে পারিলাম না।

এই নাটকখানির আখ্যান-বস্তু প্রণয়নে ইতিহাসের গভীর মধ্যেই কল্পনা-সুন্দরীকে রক্ষা করিবার যথাসাধ্য প্রয়াস পাইয়াছি। বোম্বেটে পোর্তুগীজ-কারাগারে মোগল-মহিলা, আগরার দরবারে বাঙ্গালীর আত্মপ্রকাশ, যোধপুরাধিপতি যশোবন্ত সিংহের জাহাঙ্গীরের শাসনকালে আবির্ভাব ইত্যাদি—কয়েকটি ঘটনা-সম্বন্ধে পাঠকগণের মনে সংশয়ের অবকাশ উপস্থিত হওয়া অসম্ভব নহে। এ সম্বন্ধে আমার বক্তব্য এই যে,—

সাজাহানের সহধর্মিনী মমতাজমহলের সহচরী যে অপহৃত হইয়া বোম্বেটেকের হুগলীর কারাগারে নীতা হইয়াছিলেন, ইতিহাসে তাহার প্রমাণ আছে। এ সম্বন্ধে The Indian Texts Series, Edited under the supervision of the Royal Asiatic Society গ্রন্থে লিখিত আছে,—

“Some Portuguese sailed forth and seized two beloved female slaves of the Princess Taj-Mahal.\* \* \*”

আগরার দরবারে বাঙ্গালীর উপস্থিতিও বিষয়জনক নহে,—বাঙ্গালীর অস্তিত্বও যখন মোগল-যুগে ছিল, তখন বাঙ্গালীও যে মোগল-দরবার পর্য্যন্ত অগ্রসর হইতে সক্ষম হইতেন না, মোগলের সকল বিভাগেই বাঙ্গালীর অস্তিত্ব ছিল, তাহার যথেষ্ট প্রমাণ আছে। সুতরাং বাঙ্গালী নাট্যকারের পক্ষে, বাঙ্গালীকে সম্বর্ণপণে পরিহার না করিয়া—আখ্যান-বস্তুর অন্তর্গত করা বোধ হয় অস্বাভাবিক বা অপ্রাসঙ্গিক হয় নাই। যোধপুরের তরুণ রাজা যশোবন্ত সিংহ ও তাঁহার সহধর্মিনী রানী মহামায়ার প্রাথমিক চরিত্র এই নাটকে চিত্রিত হইয়াছে। বাদশাহ জাহাঙ্গীরের অভিষেকোৎসবে যোধপুরাধিপতি গজসিংহ আগরার দরবারে উপস্থিত ছিলেন। গজসিংহ সম্রাটের কার্যেই আত্মনিয়োগ করিয়া জাহাঙ্গীরের শাসনকালে যুদ্ধক্ষেত্রেই আত্মোৎসর্গ করিয়াছিলেন। মহারাজ যশোবন্ত সিংহ গজসিংহের পুত্র। ইনি বাদশাহ সাজাহানের রাজত্বকালে তাঁহার সাম্রাজ্যের স্তম্ভস্বরূপ ছিলেন। সুতরাং বাদশাহ জাহাঙ্গীর ও বাদশাহপুত্র সাজাহানের বিরোধকালে যশোবন্ত সিংহ যে শিশু ছিলেন না, ইতিহাসের অক্ষ ধরিয়া হিসাব করিলেও তাহার প্রমাণ পাওয়া যায়। যে মাড়বার নন্দদার যুদ্ধে সাজাদা সাজাহানের বিরুদ্ধে যুদ্ধ করিয়াছিলেন, সেই মাড়বারই উত্তরকালে বরাবর সাজাহানের সহায় ছিলেন। ইতিহাসের দিক দিয়া নাট্যকারের পক্ষে এই ইঙ্গিত যথেষ্ট।

সাহিত্যসম্রাট বঙ্কিমচন্দ্রের শ্রেষ্ঠ ঐতিহাসিক উপন্যাস দুর্গেশনন্দিনীর বিখ্যাত ‘ওসমান খাঁ’ যুবকরূপে উক্ত উপন্যাসে বর্ণিত হইয়াছেন, কিন্তু ইতিহাসের বর্ণনানুসারে প্রতিপন্ন হয়—নবাব কতুলু খাঁর মৃত্যুকালে ওসমান খাঁ শিশু মাত্র !—বয়ঃক্রমগত এই অসামঞ্জস্যে উপন্যাসের মর্যাদা ক্ষুণ্ণ হয় নাই, একথা বলাই বাহুল্য ।

এই নাটকখানির অভিনয় সাফল্যমণ্ডিত করিতে সর্বাস্তঃকরণে সহায়তা করিয়াছেন, মনোমোহনের অধ্যক্ষ-অভিনেতা স্বনামখ্যাত শ্রীযুক্ত সুরেন্দ্রনাথ ঘোষ ( দানীয়াবু ) ও নাট্য-বিদ শ্রীযুক্ত অবিলাসচন্দ্র মুখোপাধ্যায় মহাশয় । এজন্য আমি কৃতজ্ঞতার সহিত তাঁহাদিগকে আন্তরিক ধন্যবাদ জ্ঞাপন করিতেছি । কবিবর শ্রীযুক্ত নলিনীকান্ত মজুমদার মহাশয় ও সঙ্গীত-বিশারদ কবি নজরুল ইসলাম সাহেব দুইখানি গান রচনাপূর্বক সুর সংযোগ করিয়া দিয়াছেন । এবং দৃশ্যপটের পরিকল্পনার সহায়তা করিয়াছেন শিল্পীশ্রেষ্ঠ শ্রীযুক্ত চারু রায় ।

নাটকখানির মুদ্রন সম্বন্ধে আমার পরম হিতৈষী সুহৃদ নাট্যাঙ্গুরাগী ডাক্তার শ্রীযুক্ত দুর্গাপ্রসন্ন মুখোপাধ্যায় সকল দারীদ্র গ্রহণ করিয়া আমাকে অব্যাহতি দিয়াছেন । এজন্য আমি তাঁহার নিকট চিরকৃতজ্ঞ ।

উপসংহারে, মনোমোহন থিয়েটারের অভিনেতৃগণ যঁাহারা সর্বপ্রবৃত্তে এই নাটকখানির অভিনয়ে আত্মনিয়োগ করিয়াছেন, এবং যঁাহারা নেপথ্যে থাকিয়াও অভিনয়কে সুষ্ঠু করিতে নানাবিধে সহায়তা করিয়াছেন, তাঁহাদিগকে যথাযোগ্য নমস্কার ও আশীর্বাদ করিতেছি । ইতি ১০ই পৌষ, বড়দিন, ১৩৩৬

শ্রীমণিলাল বন্দ্যোপাধ্যায় ।



## প্রকাশকের নিবেদন

তৃতীয় অভিনয় রজনীর পর 'জাহাঙ্গীর' নাটকের মুদ্রন আরম্ভ হয়। ৭।৮ দিনের মধ্যে এরূপ একখানি বৃহৎ নাটক সর্বাকসুন্দর ও নিভুলরূপে ছাপিয়া বাহির করা সম্ভবপর নহে। তত্রাচ সুবিখ্যাত 'ফাইন প্রিন্টিং ওয়ার্কসে'র সুযোগ্য অধ্যক্ষ শ্রীযুক্ত পুলিনবিহারী দে মহাশয় এত অল্পসময়ের মধ্যে নাটকখানিকে ছাপিয়া বাহির করিয়া দিয়া আমাদেরকে কৃতার্থ করিয়াছেন।

পাঠকগণের নিকট নিবেদন এই যে, মুদ্রিত নাটকের কোনও কোনও দৃশ্যে দুই এক ছত্র বা সামান্য অংশবিশেষ 'নাট্যশালার অভিনয়ে যদি পরিত্যক্ত হইয়া থাকে, তাহা সময়-সংক্ষেপ-জনিত বলিয়াই যেন তাঁহারা অনুমান করিয়া লন। মফস্বলে যাহারা এই নাটকের অভিনয় করিবেন, তাঁহাদিগের পক্ষে কোনও অংশ পরিবর্তন করিবার আবশ্যিকতা নাই। এই সুদীর্ঘ নাটকের তৃতীয় রজনীর অভিনয়েও প্রায় সাড়ে পাঁচ ঘণ্টা সময় লাগিয়াছিল। নাট্যশালার বিধি অনুসারে পাঁচঘণ্টার মধ্যে অভিনয় সমাপ্ত করিবার জন্য অর্দ্ধঘণ্টার অভিনয় সংক্ষেপ করিতে স্থান বিশেষে কিছু কিছু বর্জনের হয় ত প্রয়োজন হইতে পারে। সুতরাং এজন্য তাঁহারা নাট্যশালার কর্তৃপক্ষগণকে দায়ী না করিলে আমরা বাধিত হইব।

সৌখীন নাট্য-সমাজে মণিবাবুর নাটকের আদর প্রচুর। সৌখীন নাট্যসমাজের চিরপরিচিত স্বনামখ্যাত বি, দাস ইতিমধ্যেই এই নাটকের পোষাক পরিচ্ছদ ও দৃশ্যপটাদির ব্যবস্থাবিধানে অবহিত হইয়াছেন। নাট্যোমাদী সমাজ এই সংবাদে প্রীত হইবেন সন্দেহ নাই।

মণিবাবুর অন্যান্য নাটক—বাজীরাও, অহল্যাবান্ধী, মাধবরাও, বাবাণসী, ব্রতউদ্ঘাপন, মরুভূবজ্ঞ, প্রভৃতি আমরা সরবরাহ করিয়া থাকি। অন্যান্য নাট্যকার ও ঔপন্যাসিকগণের গ্রন্থাবলীও যথানির্দিষ্ট দরে আমরা বিক্রয় করিবার ব্যবস্থা করিয়াছি।

বিনীত—

ডাক্তার মুখার্জী এণ্ড সন্স

৬নং নেবুবাগান বাইলেন,  
পোঃ বাগবাজার, কলিকাতা।



# নাটকীয় চরিত্ররাজী ।

## পুরুষগণ

জাহাঙ্গীর	...	...	ভারত সম্রাট ।
সাজাহান	}	...	ঐ পুত্রগণ ।
পারভেজ			
শারিয়ার			
মহাবৎ খাঁ	...	...	ঐ সেনাপতি ।
আসফ খাঁ	...	...	ঐ মন্ত্রী ।

( মুরজাঁহানের ভ্রাতা )

খাঁজাহান	...	...	মুরজাঁহানের অনুগত মনসবদার, পরে মালবের নবাব ।
যশোবন্ত সিংহ	...	...	মাড়বারের তরুণ মহারাজা ।
দারা	}	...	সাজাহানের পুত্রগণ ।
সুজা			
আ ওরঙ্গজেব			
কাশীম আলী	}	...	ঐ সৈন্যাধ্যক্ষ !
দরিয়া খাঁ			
সুন্দরলাল	...	( বাঙ্গালী যুবক )	ঐ বিশ্বস্ত অনুচর ।
হুমায়ূন	...	...	ঐ চর ।

বোধপুরীষর, সরদারগণ, আমীর, ওমরাহ, সৈন্যগণ, খোজাআবদুল, বার্তাবহ, রক্ষী, সৈন্যাধ্যক্ষগণ, রক্ষীগণ, নসীর বান্দা ।

## ক্রীগণ

শুরজাঁহান	...	...	ভারত সম্রাজ্ঞী ।
মমতাজ	( আমফ খাঁর কন্যা )	...	সাজাহানের বেগম ।
জাহানারা	...	...	ঐ কন্যা ।
সতী-উন্নিসা	...	...	মমতাজের সহচরী ।
লয়লী	...	শুরজাঁহানের পূর্বস্বামী সের আফ্‌কনের* ঔরসজাত	কন্যা ও শারিয়ানের বেগম ।
মহামায়া	...	...	বশোবন্তু সিংহের স্ত্রী ।
মণিজা	...	শুরজাঁহানের গুপ্ত বার্তাবাহিকা ।	( লয়লীর শৈশব-সহচরী )

বাঁদীগণ, নর্তকীগণ, রাঠোর কন্যাগণ, গ্রহরিণী ।

## নেপথ্যের চরিত্র

এই নাটকের আখ্যানবস্তু অস্তর্গত নেপথ্যে পরিকল্পিত কতিপয়

চরিত্র পরিচয়—

রস্তুম আলি—সাজাহানের অস্বারোহী সেনাদলের অধিনায়ক ।  
নস্রদার যুদ্ধে বিশ্বাসঘাতকতাপূর্বক সৈন্য মহাবৎ খাঁর সহিত  
যোগদান করে ।

আলি মহম্মদ—সাজাহানের মসবদার, অর্থ-সংগ্রহ-ছলে সাজাহান-  
পরিবারের অলঙ্কাররাশি আয়ত্তপূর্বক বিশ্বাসঘাতকতা করে এবং  
সাজাহানের ছুর্দিনে মউএর মুসাফিরখানায় বিদ্রম সাজাহানকে ধৃত  
করিবার প্রয়াস পায় ।

\* শুরজাঁহানের পূর্ব-স্বামীর প্রকৃত নাম—সের আফ্‌কন, —আফ্‌গান্‌ নহে ।

দরাব খাঁ—বিখ্যাত বায়রাম খাঁর পুত্র। বিজোহী সাজাহানের বিরুদ্ধে সম্রাট কর্তৃক প্রেরিত হইয়া সাজাহানের পক্ষাবলম্বন করে এবং সাজাহান বাঙ্গালা বিজয় করিয়া ইহারই হস্তে বাঙ্গালার শাসনভার অর্পণপূর্বক বঙ্গ বিহার হইতে সংগৃহীত নৌশক্তি ও গুরুভার সমর-সম্ভার সহ বারাণসীক্ষেত্রে তাঁহার সহিত যোগদান করিবার আদেশ দিয়া বঙ্গদেশ পরিত্যাগ করেন। সাজাহানের প্রস্থানের পরই দরাব খাঁ সাজাদা পারভেজের প্ররোচনায় সম্রাট-পক্ষে পুনরায় যোগদান করে এবং পারভেজ তাঁহার হইয়া সম্রাটের নিকট দরাব খাঁর প্রাণভিক্ষা চাহিয়া পত্র প্রেরণ করেন।

মৌএর দুর্গাধীপ রাজা জগৎসিংহ—নর্মদাযুদ্ধের পর ইনি সাজাহানকে সাহায্য করায়, সম্রাজ্ঞী জুরজাঁহান ইহার বিরুদ্ধে সৈন্য প্রেরণ করেন ; দুর্গাধীপ বন্দী হইয়া সম্রাজ্ঞীর নিকট মার্জনা প্রার্থনা করিয়া নিষ্কৃতি পান। রোটাঙ্গগড়ে সর্বস্বান্ত সাজাহান রুগ্ন ও বিপন্ন অবস্থায় মৌএর সীমান্তে আসিয়া এই সংবাদ প্রাপ্ত হন এবং পাছে তাঁহার পূর্ব উপকারী দুর্গাধীপ তাঁহার উপস্থিতিতে অপ্রস্তুত হন, তজ্জন্ম তাঁহার রাজ্যে প্রবেশ না করিয়া, মুসাফিরখানায় আশ্রয় গ্রহণ করেন। এই স্থানেই আলি মহম্মদ তাঁহাকে আক্রমণ করে।

ভীমসিংহ—মেবারের রাজপুত্র। ইনি সাজাহানের সহিত যোগদান করেন এবং নর্মদার যুদ্ধে নিহত হন।



উদ্বোধন-রজনীতে 'জাহাঙ্গীর' নাটকখানিকে সাফল্য-মণ্ডিত করিতে

যাঁহারা যথাশক্তি সহায়তা করিয়াছেন তাঁহাদের পরিচয়

নিম্নে বিবৃত হইল :—

অধ্যক্ষ	...	শ্রীসুরেন্দ্রনাথ ঘোষ (দানীবাবু) ।
সহকারী অধ্যক্ষ	...	শ্রীনির্মলেন্দু লাহিড়ী ।
সুর-সংযোজক	...	শ্রীরাধারমণ ভট্টাচার্য্য ।
নৃত্য-শিক্ষক	...	শ্রীভূপেন্দ্রনাথ চট্টোপাধ্যায় ।
হারমোনিয়াম বাদক	...	শ্রীচারুচন্দ্র শীল ।
বংশী বাদক	...	শ্রীনেপালচন্দ্র রায় ।
সঙ্গীতী	...	{ শ্রীবনবিহারী পাল । শ্রীমম্বথনাথ ঘোষ ।
স্মারক	...	{ শ্রীগোবর্দ্ধন পাল । শ্রীপাঁচকড়ি সান্ঠাল ।
জাহাঙ্গীর	...	শ্রীসুরেন্দ্রনাথ ঘোষ (দানীবাবু) ।
সাজাহান	...	শ্রীনির্মলেন্দু লাহিড়ী ।
যশোবন্ত সিংহ	...	শ্রীদুর্গাদাস বন্দ্যোপাধ্যায় ।
সুন্দরলাল	...	শ্রীমণীন্দ্রনাথ ঘোষ ।
আসফ খাঁ	...	শ্রীপ্রভাতচন্দ্র সিংহ ।
খাঁজাহান	...	শ্রীসতীশচন্দ্র চট্টোপাধ্যায় ।
পারভেজ	...	শ্রীব্রজেন্দ্র সরকার ।
মহাবৎ খাঁ	...	শ্রীগণেশ গোস্বামী ।
শারিয়ার	...	শ্রীবঙ্কিম দত্ত ।
কাফি খাঁ	...	শ্রীঅনিলকুমার বিশ্বাস ।

বোধপুরীদ্বয়

... { শ্রীহরিদাস ঘোষ ।  
শ্রীসুশীলকুমার বসু ।

দরিয়া খাঁ

... শ্রীকালীচরণ গোস্বামী ।

খোজা আবদুল

... শ্রীকালীপদ গুপ্ত ।

সৈন্তাগণ

{ শ্রীউপেন্দ্রনাথ চট্টোপাধ্যায় ।

সৈন্তাধ্যক্ষগণ

শ্রীমদনমোদন দত্ত ।

সরদারগণ

শ্রীকৃষ্ণধন কুণ্ডু ।

আমীর ওমরাহগণ

{ শ্রীপশুপতি চক্রবর্তী ।

খোজাগণ

শ্রীবৈষ্ণনাথ সেন ।

{ শ্রীকালীপদ চট্টোপাধ্যায় ।

শ্রীহরিদাস ঘোষ ।

শ্রীসুশীলকুমার বসু ।

শ্রীগোষ্ঠবিহারী ঘোষাল ।

শ্রীহিরণকুমার গোস্বামী ।

শ্রীসুকুমার চট্টোপাধ্যায় ।

মুরজাঁহান	...	শ্রীমতী শশীমুখী ।
হসিয়ার	...	শ্রীমতী ইন্দুবাল।
মমতাজ	...	শ্রীমতী উষাবতী ।
মণিজা	...	শ্রীমতী সরযুবাল।
মহামায়া	...	শ্রীমতী আশালতা ।
জাহানারা	...	শ্রীমতী শেফালিকা ।
লয়লী	...	শ্রীমতী নিরুপমা ।
বাদী	...	শ্রীমতী প্রমোদিনী ।
প্রহরিনী	...	শ্রীমতী কালীদাসী ।
দার	...	শ্রীমতী মলিনাবাল।
সুজা	...	শ্রীমতী প্রমীলাবাল।
আওরঙ্গজেব	...	শ্রীমতী আঙ্গুরবাল।
		শ্রীমতী সন্তোষকুমারী ।
		শ্রীমতী ফুল্লনলিনী ।
		শ্রীমতী মণিবাল।
		শ্রীমতী তারকবাল।
		শ্রীমতী পটলমণি ।
নর্তকীগণ		শ্রীমতী কমলাবাল।
রমণীগণ		শ্রীমতী রাধারানী ।
রাঠোর কন্যাগণ		শ্রীমতী বীণাপানি ।
		শ্রীমতী প্রমোদিনী ।
		শ্রীমতী কালীদাসী ।
		শ্রীমতী টিকুমণি ।
		শ্রীমতী সুশীলাবাল।



# জাহাঙ্গীর ।

## প্রথম অঙ্ক ।

### প্রথম দৃশ্য ।

আগরা—আম দরবার ।

[ সিংহাসনে জাহাঙ্গীর—সিংহাসনের বেষ্টনীর নিম্নে একাংশে একখানি আসন রক্ষিত ;—অপরাংশে আসফ খাঁ, খুরম(সাজাহান), মহাবৎ, খাঁজাহান, আমির, ওমরাহ ও সৈন্যধ্যক্ষগণ দণ্ডায়মান ]

জাহাঙ্গীর । সাহজাদা খুরম ! তোমার বীরত্বে আজ মোগল সাম্রাজ্য গৌরবিত । তুমি মেবারের দাক্ষিণ্য রাণাকে মোগলের মিত্রতার আবদ্ধ করেছ ; দুর্ধর্ষ পাঠান-বীর মালেক আশ্বরকে বিধ্বস্ত করে সমগ্র দাক্ষিণ্যত্ব বিজয় করেছ । তোমারই সর্ঘর্কনার জন্ত আমাদের এই বিশেষ দরবার । আমরা তোমাকে বিধিমতে পুরস্কৃত করব । এ পর্যন্ত এ দরবারে বাদসাহ-সিংহাসন সান্নিধ্যে কোনো সাহজাদা আসন পায় নি ! আজ থেকে তুমি আর খুরম নও ; তোমার সম্রাটদত্ত নাম—সাজাহান । ঈশ্বরের নিকট প্রার্থনা করি আমরা, তুমি তোমার নামের সন্মান ও গৌরব যেন রক্ষা করতে পারো । এ আসনে এস সাজাহান ।

সাজাহান । মহিমাময় সম্রাটের এ অসীম অনুগ্রহে নফর ধন্য হল ।

( সাজাহানের আসন গ্রহণ—নেপথ্যে বাত্মধ্বনি )

### শারিয়ারের প্রবেশ ।

শারিয়ার । জাঁহাপনা ! ( অভিবাদন )—( সাজাহানকে সম্রাট সান্নিধ্যে আসনোপবিষ্ট দেখিয়া বিশ্বয় প্রকাশ )

জাহাঙ্গীর । শারিয়ার ! এসো । ( শারিয়ারের বিস্মিতভাব লক্ষ্য পূর্বক )  
কিন্তু ওকি,—বিশ্বয়ে শুভিত হয়ে কি দেখছ ?

শারিয়ার । মোগল-দরবারে আজ হঠাৎ এ বৈচিত্র্য কেন জাঁহাপনা ?  
যা কখনো হয় নি, সম্রাটের আসনের পার্শ্বেই সাজাদা খুরম আসীন !

জাহাঙ্গীর । ওঃ বুঝিছি । কিন্তু শারিয়ার, সাজাদা খুরম আজ থেকে সাজাহান ! সাজাহান কথার অর্থ জান ত ? হাঁ,—আর মোগল দরবারের এই বৈচিত্র্য কেন ? তারও উত্তর শোনো,—মোগল সাম্রাজ্যের এই যুবরাজ, সত্যই এমন অঘটন সংঘটন করেছে, কোনো মোগল সম্রাট এ পর্য্যন্ত যা করতে পারে নি । এই সাজাহান গর্বিত মেবারকে মোগলের বাধ্য করেছে, সমস্ত দক্ষিণাত্যে মোগলের বিজয় পতাকা উড়িয়ে এসেছে ; তাই তার প্রতি এই বিচিত্র ব্যবহার ! বুঝলে ? এখন তোমার কি সংবাদ বল । কি মনে করে হঠাৎ তুমি সীমান্ত থেকে রাজধানীতে ফিরে এলে বিনা এত্তেলায় ?

শারিয়ার । আমি সম্রাট দরবারে এক দুঃসংবাদ নিয়ে এসেছি ।

জাহাঙ্গীর । কবির মুখে দুঃসংবাদ বড়ই ভয়ঙ্কর কথা ! ভাল, ভূমিকা না করে সংক্ষেপেই দুঃসংবাদটা বলে ফেলো, আমরা আশ্বস্ত হই ।

শারিয়ার । আমাদের সমস্ত সৈন্য কান্দাহারে বিধ্বস্ত হয়েছে ।

জাহাঙ্গীর । আপদ চুকে গেছে ।

মহাবৎ । সমস্ত সৈন্য বিধ্বস্ত ?

শারিয়ার। ফিরে এসেছে হাজারের কম, তোপখানা ধরা পড়েছে ;  
আর—

জাহাঙ্গীর। তোমার কবিতার দপ্তরখানা বেঁচে এসেছে তো ? যাও,  
এবার যমুনাপুলিনে বসে কান্দাহার মহাযুদ্ধের এক মহা কাব্য  
লিখতে আরম্ভ কর, আমি তোমাকে তার দু একটি উপাদানও  
সংগ্রহ করে দেব। তোমার কাব্যে বেশ প্রাজ্ঞতা ভাবে আঁকবে।  
মোগল-সাম্রাজ্য-সুন্দরীর চরণ দুখানি দক্ষিণাপথে—ভারত  
মহাসমুদ্র স্পর্শ করতে ক্রমশই এগুচ্ছে,—বড় বড় পাহাড় দুর্গ  
প্রদেশ সে যুগল পায়ের তাড়নায় কেঁপে উঠছে—ভয়ে বিশ্বয়ে  
সকলে কুর্নিশ করে তার পথ ছেড়ে দিচ্ছে,—আর সঙ্গে সঙ্গে  
ভারত-সীমান্তে—যেখানে এই সুন্দরীর চুলগুলো মেঘের মত  
ছড়িয়ে পড়েছে, আমাদের কুটুম্ব পারশ্বপতি, সেই চুল টেনে  
ধরে—কসে পয়জার মারছে ! কেমন কাব্য হবে বলত কবি ?

দরবাররক্ষীগণকে অতিক্রম পূর্বক

সুন্দরীলালের বেগে প্রবেশ।

সুন্দর। জাঁহাপনা—জাঁহাপনা—রক্ষা—ক্ষমা—অভয়—

( সত্যাহ সর্বলের বিশ্বয়গুঞ্জনধ্বনি—প্রহরীগণের চঞ্চল্য )

জাহাঙ্গীর। একি ! এয়ে আলোচ্য কাব্যের এক অপূর্ব পর্ব দেখছি হে !

সুন্দর। দিল্লীখরো বা জগদীখরো বা ! আমি সেই মহামহিমাময় দিল্লীখরের  
সম্মুখে ! হে সম্রাট ! দূর বাঙ্গালা থেকে আমি এসেছি—  
গুরুতর অভিযোগ নিয়ে !

আসফ। জাঁহাপনা ! একে বন্দী করতে আজ্ঞা হোক ;—এ ব্যক্তি  
সম্রাট দরবারের আদব কায়দা না মেনে—

সুন্দর। আপদে বিপদে আদব কায়দা না মানা ভুল হতে পারে—দোষ  
নয় ; ভুল ভগবানেরও হয়, আমি ত মানুষ।

জাহাঙ্গীর । সাবাস ! বেশ বলেছ বাঙ্গালী । ভাল, কি তোমার  
আজ্ঞী শুনি ?

সুন্দর । জাঁহাপনা ! দরবারের আদব কায়দার ত্রুটি আমার মার্জনা  
করতে আজ্ঞা হোক । নফরের নাম সুন্দরলাল ; নিবাস হুগলী ।  
সম্রাট ! আমি সুবে বাঙ্গলার এলেকায় হুগলীতে পর্তুগীজ  
বোম্বেটের কারাগারে বন্দী হয়েছিলাম ।

জাহাঙ্গীর । কি অপরাধে ?

সুন্দর । তা জানি না জাঁহাপনা ! নিত্যই শত শত বাঙ্গালী নরনারী  
বোম্বেটের কারাগারে বন্দী হয়,—কেন তা তারা জানে না ।  
বাংলা ছারখার করছে এই বোম্বেটের দল ;—বাংলার শাসন-  
কর্তা নিরব নিশ্চল ; বাঙ্গালী জানে—এই বুঝি তাদের  
বিধিলিপি । বিধির বিধানে আমিও বন্দী হয়েছিলাম ; আরো  
অনেকে হয়েছিল ; কিন্তু তাদের মধ্যে এমন এক বন্দিনী  
গিয়েছিল—যাঁর নাম শুনলে এই দরবার শুরু হবে ।

জাহাঙ্গীর । বটে—তবে তার নামটা প্রকাশ করে এখন আমাদের শুরু  
করত বাঙ্গালী !

সুন্দর । বলব সম্রাট ! তিনি সম্রাটেরই রঙ্গমহলের—এক মহিমময়ী  
নারী—

জাহাঙ্গীর । হুসিয়ার বেয়াদপ !

সুন্দর । জাঁহাপনার অভয়বানী পেয়ে—অপ্রিয় সত্য বলেছি । সেই  
রমণীকে উদ্ধার করবার জন্ত বোম্বেটের কারাগার থেকে পালিয়ে  
এসেছি—সম্রাটকে এই সমাচার দিতে । এই আগরা থেকেই  
বোম্বেটেরা তাঁরে ধরে নিয়ে গেছে ।

জাহাঙ্গীর । হুঁ ? তার নামটাও তোমার মুখে শুনি তাহলে !

সুন্দর । সাজাদী সতীউন্নিসা—

সাজাহান । সে কি !

জাহাঙ্গীর । আসফ খাঁ—

আসফ । সম্রাট ! মার্জনা করতে আজ্ঞা হয়—কিছুকাল হতে সতী-  
উন্মিসা নিরুদ্দিষ্টা—

সাজাহান । আমি এই রকমই একটা কিছু আশঙ্কা করেছিলাম । কিন্তু  
আমি আশ্চর্য্য হচ্ছি যে—মোগল-সম্রাটের পবিত্র হারেম থেকে  
পুরমহিলা নিরুদ্দিষ্টা হয়, আর—

জাহাঙ্গীর । • ব্যস্ত হয়ে না সাজাহান—আগে সব শুনতে দাও । আসফ  
খাঁ—এ সংবাদ এতদিন আমাকে জ্ঞাপন করা হয় নি কেন ?

আসফ । স্বয়ং নুরজাঁহান—

জাহাঙ্গীর । সম্রাজ্ঞী বল আসফ খাঁ—

আসফ । মার্জনা করবেন সম্রাট—সম্রাজ্ঞী স্বয়ং সে ব্যবস্থার ভার  
নিয়েছেন—

জাহাঙ্গীর । ব্যস্ত—তবে আর চাই কি ! স্বয়ং সম্রাজ্ঞী যে ভার গ্রহণ  
করেছেন, সে সম্বন্ধে আর কার কি করবার থাকতে পারে—

সাজাহান । মাফ করবেন সম্রাট—সম্রাজ্ঞী সতীউন্মিসার অনুসন্ধানের  
ভার গ্রহণ করেছেন শুনে—আমার আশঙ্কা আরো দৃঢ়তর হল !

জাহাঙ্গীর । কারণ ?

সাজাহান । কারণ প্রকাশ্য দরবারে বলবার নয়—

জাহাঙ্গীর । সে কি ! তোমার উক্তিতে স্পষ্টই প্রকাশ পাচ্ছে, তুমি  
সম্রাজ্ঞীর বিরুদ্ধে কিছু বলতে চাও । হয়, তুমি তোমার উক্তি  
প্রত্যাহার কর ; নচেৎ, তোমার যা বক্তব্য—এই প্রকাশ্য  
দরবারেই ব্যক্ত কর ।

সাজাহান । যে কারণেই হোক, পারশ্চের এক মহাসম্রাটবংশীয়া মহিলা—  
মোগল-অন্তঃপুরচারিণী—আজ বোধেষ্টের হস্তে বন্দিনী !—

সম্রাট !—বিজয়ীর যে পরিচ্ছেদে আগরায় পদার্পণ করেই দরবারে প্রবেশ করেছি—সেই পরিচ্ছেদেই আমার সর্ববিজয়ী সৈন্যদল নিয়ে আমি বাঙ্গালায় বোম্বটে দমন করতে চললেম। যুবক, আমার সঙ্গে এস—

জাহাঙ্গীর। সবুর ! সাজাহান—তুমি ভুলে যাচ্ছ এটা তোমার সুবেদারীর সদর নয়,—এ বাদশাহ জাহাঙ্গীরের দরবাব—

সাজাহান। সম্রাট—মার্জনা করবেন !—সত্যই এ যদি আগেকার সেই সর্বশক্তিমান আত্মনির্ভরপরায়ণ—বাদশাহ জাহাঙ্গীরের দরবার হত, তাহলে এত বড় একটা অনাচার—এমন একটা লজ্জাপ্রদ ব্যাপার—এ রাজধানীতে ঘটতে পারত না, কিম্বা—একজন বাঙ্গালী এভাবে মোগল-দরবারে এসে—তার সম্মানে আঘাত করবার অবকাশ পেত না।

জাহাঙ্গীর। তাহলে এ দরবারটা কার শুনি ?

সাজাহান। আপনি কি তা জানেন না সম্রাট ? আপনি না জানলেও, ভারতবাসী সকলেই জানে—কার তর্জনী সঙ্কেতে মোগল সাম্রাজ্য এখন পরিচালিত হচ্ছে ;—স্বয়ং সম্রাটও—গোস্তাফী মাফ করবেন—সেই তর্জনীর দাস ! নইলে, এই সতীউন্মিসার অন্তর্দ্বান দরবারে—অপ্রকাশ থাকত না, বা—এতদিন তার উদ্ধার সাধনে বিলম্ব হত না—

জাহাঙ্গীর। স্বয়ং সম্রাজ্ঞী যে ভার গ্রহণ করেছেন, তার সম্বন্ধে তোমার উক্তি অত্যন্ত অশ্রুয়। তুমি অযথা সম্রাজ্ঞীর কার্যে দোষারোপ করছ। দরবার জ্ঞাত আছেন যে, স্বয়ং সম্রাজ্ঞীই বিজয়ীপুত্রের অভ্যর্থনার এই বিপুল আয়োজন করেছেন, অথচ সম্রাট পুত্রই তাঁর প্রতি দোষারোপ করতে কুণ্ঠিত নন। সাজাহান—আমি

তোমার পুনরায় সাবধান করছি—হয়, তুমি তোমার উক্তি প্রত্যাহার কর, নচেৎ তোমার এ উক্তির জন্ত সম্রাজ্ঞী অভিযোগ উপস্থিত করলে—আমাকে শাস্তি বিচার করতে হবে।

[ বাতায়নের পরদা অপসারিত হইল  
নুরজাঁহান প্রকাশ পাইলেন ]

নুরজাঁহান। কিন্তু তার পূর্বে দরবারে আমি আমার কার্যের কৈফিয়ৎ দিতে চাই। সতীউন্নিসা আমারই আত্মীয়া, তার অপহরণ আমারই লজ্জার কারণ। এ লজ্জাব কথা অপ্রকাশ রাখতে আমিই আদেশ করেছিলাম। আজ ঘটনাচক্রে তা প্রকাশ পেলো। সম্রাটপুত্র হঠাৎ উত্তেজিত হয়ে আমার সম্বন্ধে অশ্রু ধারণা পোষণ করেছেন। সতীউন্নিসা বোম্বের হস্তে বন্দি, এ সংবাদও আমার নিকট অবিদিত নয়। তার উদ্ধারের যথাযোগ্য ব্যবস্থা আমি নিজেই করেছি।

জাহাঙ্গীর। শুনলে সাজাহান—বুঝতে পেরেছ তুমি শাস্তির যোগ্য !

নুরজাঁহান। উদ্ধৃত বিজয়ী বীরপুত্রের উপর বীরের কাম্য আরো কঠোর দায়িত্বের ভার তুলে দিন সম্রাট! ভাগ্যবান বীরের তাই উপযুক্ত শাস্তি।

জাহাঙ্গীর। অর্থাৎ—

নুরজাঁহান। সম্রাট! বীরপুত্র উদ্ধৃত হলেও, তার বীরত্বের জন্ত সে চিরদিনই শ্রদ্ধার পাত্র।—আপনার প্রিয়তম পুত্র—আমার জামাতা—এই সাজাদা শারিয়ার কান্দাহার শত্রুহস্তে তুলে দিয়ে, সমস্ত সৈন্যবল হারিয়ে ম্লানমুখে এ দরবারে ফিরে এসেছে। শত্রু হামছে ; তাদের উল্লাস আজ সাজাদা সাজাহানের বিজয়-গৌরবকেও ম্লান করে দিয়েছে। যদিও সাজাদা চিরদিন

আমাকে বিদ্বেষের চক্ষে দেখেন, কিন্তু আমি তাঁকে মোগল সাম্রাজ্যের ভবিষ্যৎ গৌরব ভেবে নেহের চক্ষেই দেখি। আজ এ দরবারে সাজাদার এ আচরণে আমি কিছুমাত্র ক্ষুব্ধ নই। সাজাদা সাজাহানের উপর আমার কোন অভিযোগ নাই।

জাহাঙ্গীর। নেহাঙ্গদের প্রতি ভারতসম্রাজ্ঞীর অসীম করুণার তুলনা নাই। সাজাদা সাজাহান! তুমি সত্যই ভাগ্যবান; তোমার প্রতি মহীয়সী সম্রাজ্ঞীর কি গভীর নেহ তা যেন অনুভব করতে অন্ধ ধারণার বশবর্তী হয়ো না বৎস! হাঁ, তাহলে এখন আর তোমার আকাঙ্ক্ষায় সম্মতি দিতে আমার আপত্তি নাই। এই বোম্বটেদের স্পর্ধা চূর্ণ করা অবিলম্বেই কর্তব্য বটে! ঐ সাহসী সংবাদদাতার নিকট সমস্ত তথ্য অবগত হয়ে সাজাদা সাজাহান, তুমি বাঙ্গালায়—

মুরজাহান। সম্রাট! আমার বক্তব্য যে এখনো সমাপ্ত হয় নি!

জাহাঙ্গীর। তাই নাকি! তাহলে ত সম্রাজ্ঞীর উক্তির উপসংহারটা আগেই আমাদের শুনে নেওয়া উচিত।

মুরজাহান। সাজাদা সাজাহানের খ্যাতিময় গৌরব যাতে আরো অধিকতর উজ্জ্বল হয়—তার উপায় করতে জাঁহাপনার আজ্ঞা হোক। সাম্রাজ্যের শ্রেষ্ঠ বীরের উপর তুচ্ছ দস্যুদলের ভার অর্পণ করলে তাঁর শৌর্যের অবমাননা হয়! শুধু তাই নয়,—বিনা কারণে বাঙ্গালার বর্তমান সুযোগ্য সুবেদার নবাব ইব্রাহিম খাঁকেও অকর্মণ্য সাব্যস্ত করা হয়। সাজাদার যখন আপত্তি, তখন সতীউরিসার উদ্ধারের দায়িত্ব আমি আর নিজে গ্রহণ করতে ইচ্ছা করি না। এ সম্বন্ধে বাঙ্গালার নবাবের উপর পরোয়ানা পাঠান হোক—যে অবিলম্বে বোম্বটেদের কবল থেকে সতীউরিসাকে উদ্ধার করে তাদের যথাযোগ্য শাস্তি



দেওয়া হয়। আর সাজাদা সাজাহান সম্বন্ধে আমার এই প্রার্থনা সম্রাট—এই বীরত্বাভিমानी পুত্র যে বিজয় পরিচ্ছেদে তুচ্ছ বোম্বটে দলনে বাঙ্গলায় যাচ্ছিলেন, সেই পরিচ্ছেদে সেই উদ্যমে এখনি তিনি কান্দাহারে বিজয়-অভিযান করুন। তাঁর এই অভিযানে আমি রত্ন খচিত তরবারি উপহার দিয়ে তাঁর সম্মান বর্দ্ধন করব।

[ পরদা পড়িয়া গেল ও মুরজাঁহান অদৃশ্য হইলেন।

জাহাঙ্গীর। দেখছ আসফ খাঁ, তোমার জামাতার কি সৌভাগ্য! চরম শাস্তির স্থলে কি চমৎকার পুরস্কার!

সাজাহান। হাঁ সম্রাট, চমৎকার পুরস্কারই বটে!

( জনৈক সুসজ্জিতা বাদী স্বর্ণপাত্রে তরবারি অনিয়া ধরিল )

বাদী। সাজাদা! সম্রাজ্ঞীর উপহার।

সাজাহান। ( তরবারি তুলিয়া লইয়া অবজ্ঞায় দূরে নিক্ষেপ করিলেন )

সাজাহান }  
শারিয়ার } ( স্ব স্ব তরবারি নিক্ষেপণ পূর্বক ) বেয়াদপ!

সাজাহান। আমি সাজাহান—( নিজ তরবারি প্রদর্শন পূর্বক ) এই আমার সম্রাটের দান; আমি এর সম্মান করি।

জাহাঙ্গীর। সাজাহান!

সাজাহান। সম্রাট! শুনেছি, সিংহাসনের এমন শক্তি আছে, যাতে বসলে বেহেশ্তের আলো চোখের ওপর পড়ে—অস্তদৃষ্টি ফুটিয়ে তোলে! সেই সিংহাসনে হে সম্রাট, আপনি আজ অধিষ্ঠিত! যদি আপনার অস্তদৃষ্টি সমস্ত জটিল রহস্য উদঘাটিত করতে অক্ষম হয়, তাহলে বুঝব—আপনি বেহেশ্তের আলো দেখেন নি। সম্রাট! আমার ঐ—এক কথা—আমি স্বয়ং বাঙ্গলায় যাব; কান্দাহারের চক্রান্তে আত্মনিয়োগ করতে আপাততঃ আমি অক্ষম।

জাহাঙ্গীর । কিলক্ষণ ! তাকি কখনো হতে পারে তীক্ষ্ণদৃষ্টি পুত্র ! এখন আমাদের পিতা পুত্রের কথা, তোমাকে পুত্র বলে সম্ভাষণ করছি । তুমি সাজাহান সম্রাট পুত্র ; স্মৃতিকাগার থেকেই স্বর্ণ চামচ মুখে দিয়ে সম্রাটের অনুগ্রহপুষ্ট ! শিক্ষা, আত্মপ্রতিষ্ঠা, শক্তির প্রসার, এক একটা প্রদেশের শাসন ভার—সম্রাট-পিতার দয়ার সহজেই করায়ত্ত্ব করেছ, এ সব পাবার জন্য কিছুমাত্র আয়াস স্বীকার করতে হয় নি ; সহায়হীন দরিদ্রের গৃহে জন্মগ্রহণ করে অসি মাত্র সহল করে যোর জীবন সংগ্রামের ভিতর দিয়ে যদি আজ এইখানে এসে উঠতে,—তাহলে সম্রাটের সামনে দাঁড়িয়ে এ স্পর্ধা তোমার পক্ষে শোভা পেত । মোগল সম্রাটের সর্বজয়ী সৈন্ত, অফুরন্ত অর্থ, বিশ্বব্যাপী প্রতিষ্ঠার আশ্রয় নিয়ে এ স্পর্ধা তোমার সাজে না সাজাহান ! বাঙ্গালায় গিয়ে বীরত্ব প্রকাশের ইচ্ছাটা—সম্রাট-পিতার সাহায্য ত্যাগ করে আত্মশক্তির সাহায্যেই করে দেখ না !

/ সাজাহান । সম্রাটের যদি এই ইচ্ছা হয়, তাহলে তাইই করব । মেহেরবান পিতা ! আপনার দেওয়া নাম, আর আপনার এই দান ( তরবারি দেখাইয়া ) এই ছুরের সাহায্যে শুধু বোম্বটে বিজয় কেন, আপনার এই সিংহাসন পর্য্যন্ত—

জাহাঙ্গীর । মুখ বন্ধ কর বেয়াদপ ! তোমার জ্যেষ্ঠ খস্রর শোচনীয় পরিণাম মনে করে স্তব্ধ হও । যে জাহাঙ্গীর গুণীর গুণ দেখে কোলে আদরে আশ্রয় দিতে জানে,—সেই আবার দোষ দেখলে, কোল থেকে তুলে—ঘাতকের তীক্ষ্ণ খড়্গের কোলে তাকে ছুঁড়ে ফেলতেও পারে—এটা যেন তোমার মনে থাকে ! আর আমার শেষ আদেশ শোনো,—তোমাকে কান্দাহারেই যেতে হবে—বাঙ্গালায় নয় । মোগল সাম্রাজ্যের গৌরব আগে ;

মোগল-হারেমের এক নগণ্য বাদীর জন্ত মোগল রাজকুমারের মস্তিষ্ক চালনার এখন কোন আবশ্যক নাই। বিবেচনার জন্ত তোমায় তিন দিন অবসর দেওয়া গেল। মনে রেখো সাজাহান— চতুর্থ দিনের উষায় সাজাহান চালিত মোগল-বাহিনী শারিয়ানের পরাজয়-অপমানের প্রতিশোধ নিতে কান্দাহার অভিযান করবে।

---

দ্বিতীয় দৃশ্য ।

রঙ্গমহলের চত্বর ।

বাঁদীগণ

গীত ।

রঙ্গমহলে গো রঙ্গমশাল মোরা

আমরা রূপের দিপালী !

রূপের কাননে আমরা ফুলদল

কুন্দ মল্লিকা শেফালি ( ওগো ! )

১ম।—

রূপের দেউলে আমি পূজারিনী

২য়।—

রূপের হাতে মোর নিতি বিকিকিনি

৩য়।—

নৌবতে আমি প্রাতে আশাবরী

৪র্থ।—

আমি সাজে কাঁদি ভূপালী !

( কোরাস্ ) রঙ্গমহলে গো ইত্যাদি—

৫ম।—

আমি সরম-রাজা চ'খের নেশা

৬ষ্ঠ।—

লাল সরাব আমি আঙ্গুব-পেশা

৭ম।—

আঁখিজলে গাঁথা আমি মতিমালা

সকলে।—

দীপাধারে মোরা প্রাণজালি ।

## তৃতীয় দৃশ্য !

আগরা—খাসমহল

আরাম আসনে জাহাঙ্গীর আসীন,

তাঁহাকে বেঁঠন করিয়া

জাহানারা, দারা ও সুজা ।

জাহানারা । দাদু, আর আমরা তোমার পাকা চুল তুলতে আসব না ।

জাহাঙ্গীর । ও ! বটে ! মা বারণ করেছে—না ?

দারা । মা কেন বারণ করতে যাবে !

সুজা । আমাদের মা তেমন নয় !

জাহাঙ্গীর । তবে বুঝি বাবা বারণ করেছে ?

দারা । বোরে গেছে বাবার বারণ করতে ! আমরা তো তোমার কাছে আসতে চাইছিলুম না—বাবাইত বরং বললেন—যাও, দাদুর সেবা করগে ।

জাহাঙ্গীর । আজ দাদুর ওপর তোমাদের হঠাৎ এ গোম্মার কারণ ?

জাহানারা । তুমি আমাদের বাবাকে বকেছ কেন ?

জাহাঙ্গীর । বলিস কি রে শালি ! কখন তোদের বাপকে বকলুম ?

জাহানারা । হুঁ ! কখন আবার বকলুম ! যেন জানেন না বিছু !

জাহাঙ্গীর । আমি তো তোদের বাপকে খুব আদরই করেছি রে ! মান দিয়েছি, খেলাৎ দিয়েছি, ইজ্জৎ তার বাড়িয়েছি—

জাহানারা । আবার সঙ্গে সঙ্গে বেইজ্জতও করেছি—মাথায় তাজ পরিবে দিয়ে, পরণের কাপড়খানা টেনে কেড়ে নিয়েছি—

জাহাঙ্গীর । ওরে শালি ! তুই ত বড় কেওকেটা নসু দেখছি ! তোর পেটে এত কথা ! তা, তোর সে যোগ্য জুড়িদারটা কোথায় ? সেই শালা আওরঙ্গজেব ? সে বুঝি গোঁবাঘরে আশ্রয় নিয়েছে ? সে শালা এখানে থাকলে আমার টুঁটি চেপে ধরত !

সুজা। এখন আমরা তিনজনে যদি তোমার টুঁটি চেপে ধরি ?

জাহাঙ্গীর। ধরনা দেখি ! সে সাহস তোদের কই ? সে শালার আছে !

শালা একটা চীজ্—যেমন এই শালি।

জাহানারা। আমি তোমার কি করেছি যে কেবলি শালি শালি করছ !

আমার কষ্ট যদি বুঝতে—

জাহাঙ্গীর। কি কষ্ট তোর শুনি ?

জাহানারা। দু বছর পরে বাবা ফিরে এসেছেন ! এই দু বছরের ভিতর

এমন দিন আসেনি যেদিন বাবার জন্ম না কেঁদেছি ; মন পড়ে

থাকতো বাবার কাছে। স্বপ্নে বাবার সঙ্গে কথা কইতুম ;

তোমার পাকা চুল ভুলতে ভুলতে বাবার জন্মে কাঁদতুম, চোখের

জলে তোমার মাথা ভিজ়ে যেত, তুমি চমকে উঠতে ; আমাকে

ভোলাতে কত ! সেই বাবা আমার ফিরতে না ফিরতে, নিষ্ঠুর !

তুমি তাকে কান্দাহারে তাড়িয়ে দিচ্ছ !

জাহাঙ্গীর। ওরে কে আছি—শীগগীর আয়।

হুঁ সিয়ারের প্রবেশ

সরবৎ—সরবৎ—আমার সববৎ ! (ইঙ্গিত করণ)—বুঝেছিস।

[ ইঙ্গিতে বুঝিবাব ভঙ্গি করিয়া হুঁ সিয়ারের প্রস্থান ]

জাহানারা। হুঃখেতেও তোমার ছুঁটুমি দেখে হাঁসি পায় দাছ ! ইসারাটা

বুঝি আমরা বুঝতে পারিনি ! সরবৎ, না মদ !

জাহাঙ্গীর। দূর শালি ! মদ কিরে ! সুধা বল্—

দারা। সুধা না সুরা ! দাছ এটা তোমার ভারি দোষ—

[ হুঁ সিয়ারের মণ্ডপাত্র হস্তে প্রবেশ ও প্রদান ]

জাহাঙ্গীর। (এক চুমুক পান করিয়া)—এবার দিল খোস ! হ্যাঁ কি

বল্ছিলিরে শালা—(পান)

দারা। কোরাণে লেখা আছে—সুরা পান পাপ।

জাহাঙ্গীর । বেসক্ !—সুরায় পাপ রে শালা—সুধার নয় । এ হচ্ছে সুধা  
(পান)

জাহানারা । অর্থাৎ—বাদশা খেলেই সুধা, আর প্রজায় খেলেই—সুরা !  
কি বল দাছ ।

জাহাঙ্গীর । হাঃ হাঃ হাঃ হাঃ—এ শালির সঙ্গে কথায় পেরে ওঠা ভার !  
আবুল ফজলের মত একটা জবরদস্ত লড়িয়ে কবির সঙ্গে  
তোর সাদি—( মদ্যপান )

জাহানারা । আমার সাদির জন্ত তোমাকে ভাবতে হবেনা দাছ ! আমি  
সাদি কখন করবই না !

জাহাঙ্গীর । বলিস্ কিরে ? সত্যি নাকি ?

জাহানারা । বাদশার ঘরে কেউ যেন কখন সাদি না করে ।

জাহাঙ্গীর । কেন রে ?

জাহানারা । সাদি হলেই ত ছেলে পুলে হবে । যেখানে ছেলে পুলের  
উপর বাপের মায়া মমতা নাই, সেখানে ছেলে পুলে কেন ?  
সাদির দরকার ?

জাহাঙ্গীর । ছেলে পুলের উপর বাপের মায়া মমতা নেই কিরে ?

জাহানারা । তার সাক্ষী ত তুমি !

জাহাঙ্গীর । ওঃ ! ( পান )

আওরঙ্গজেবের দ্রুত প্রবেশ ।

আওরঙ্গ । দাছ ! দাছ ! ( মদ্যপান রত দেখিয়া ঘৃণায় ) উঃ !

জাহাঙ্গীর । কি রে শালা,—তোর কি খবর ! মুখখানা কুঁচকে দাঁড়ালি যে ?

আওরঙ্গ । হুঁসিয়ার দাছ ! মা—আমার মা—এখানে আসছেন তোমার  
সঙ্গে দেখা করতে । হুঁসিয়ার ! হুঁসিয়ার !

জাহাঙ্গীর । বলিস্ কি রে ! ( হুঁসিয়ারের প্রতি ) এই—সব সরা,

সরা—জুলদি—  
Uttarpara Jaikrishna Public Library মান/জা  
Gift No. 2098.....Date 22.5.2002

মুজা । হুঁ—এইবার ? কেমন মুজা !

আওরঙ্গ । লজ্জা দেখে আর বাঁচিনা ! যে মদ খায় তার আবার লজ্জা !

[ মদ্য পাত্রাদি লইয়া হুঁ সিয়ানের প্রস্থান ।

জাহান্নার । তুই এতক্ষণ কোথায় ছিলিবে ?

আওরঙ্গ । কোরাণ পড়ছিলুম ।

### মমতাজমহলের প্রবেশ ।

মমতাজ । বাবা !

জাহান্নার । এস আমার মা এস । কি মনে করে মা ? কি আজ্ঞী ?  
ওরে তোরা বাইরে যাতো ! ( আওরঙ্গজিবের দিকে চাহিয়া  
সহাস্ত্রে ) এ শালার চোখের ভিরকুটি দেখ ! শালা এক চীজ !

[ জাহান্নার প্রভৃতির প্রস্থান ।

মমতাজ । বাবা ! রাজ্যে একটা বিপ্লবের লক্ষণ দেখে আপনার কাছে  
তার প্রতিকার ভিক্ষা করতে এসেছি ।

জাহান্নার । বিপ্লব ! আমার রাজ্যে ! তুমি তার লক্ষণ দেখছ মা ?  
কই আমি তো তার কোন চিহ্নই দেখিনি ।

মমতাজ । বাবা, বিপ্লব যখন প্রকট হয় ? তখন তা সকলেই দেখতে পায় !  
কিন্তু সেই বিপ্লবের সূচনা যখন মেঘের মত পূঞ্জীভূত হতে  
থাকে, তখনই সূক্ষ্মদর্শী রাজার দিগন্তবিসারী দৃষ্টি তার  
উপর পড়ে ।

জাহান্নার । তা হতে পারে । কিন্তু আমি আমার সূক্ষ্মদৃষ্টি অনেক দিন  
হারিয়ে বসে আছি যে মা, কাজেই কিছুই জানতে পারিনি ।  
ভাল, এ আসন্ন বিপ্লবের মেঘখানা কোথায় পূঞ্জীভূত হচ্ছে  
বল ত মা শুনি !

মমতাজ । কালকের দরবারে বসেও তা আপনি দেখতে পাননি বাবা !



জাহাঙ্গীর । আচ্ছা—দাঁড়াও ; হুঁ—এতক্ষণ কথাটা খোলসা হল বটে । তা হলে এখন আমাকে বোধ হয় এইটেই বুঝতে হবে, যে বিপ্লবের কথা তুমি তুলেছ তার কর্তা হচ্ছেন তোমার দ্বিগ্বিজয়ী স্বামী, আর তার সমাচার দিতে পাঠিয়েছেন তোমাকে,— কেমন ?

মমতাজ । বাবা, আপনি অমন চরমে যাবেন না, আমার কথাটা ধীর ভাবে বুঝে দেখুন ।

জাহাঙ্গীর । ধীর ? এর চোখে আরো কি বেশী ধীর হতে বল আমাকে ? এই রক্তে যার জন্ম, পয়জারের কাছে যার স্থান, সে কিনা তলোয়ার খুলে চোখ রাঙ্গিয়ে আমার সঙ্গে স্পর্ধার কথা কয় ! তাও সহিছি । কেন সহিছি জান ? গাঢ় পুত্রস্নেহে এ বক্ষ আচ্ছন্ন বলে !

মমতাজ । ক্ষমা করুন বাবা, ক্রুদ্ধ হবেন না ; আপনি তো তাঁর প্রকৃতি জানেন ।

জাহাঙ্গীর । জানি না ! আমার সেই উদ্ধত উচ্চাকাঙ্ক্ষী অভিমানী পুত্রের প্রকৃতি আমি জানি না ! জানি বলেই তাকে উচ্চ সম্মানে ভূষিত করেছিলাম । কিন্তু আমি, শুধু আমি তাকে জানলে কি হবে ? সে ত আমাকে আর জানে না , জানতে চায় না, জানা আবশ্যিক বলে মনে করে না ।

মমতাজ । বাবা ! অমন কথা বলবেন না ।

জাহাঙ্গীর । প্রতিবাদ ক'রনা মা, তুমি এর তত্ত্ব জান না । ক্ষমতাবান ছেলে মানুষ হয়েই মনে করে তার জেদই বড় ; বাপের কর্তব্য তার প্রকৃতি বুঝে চলা ! আর সেই ছেলের যে জন্মদাতা— সে মনে করে—পয়জার চিরদিনই পয়জার, সে তাজ নয়—পায়ের তলাতেই থাকে ! এইখানে বৈষম্য !

মমতাজ । এ হচ্ছে পিতা পুত্র জেদের লড়াই ! এ কি ঠিক বাবা !  
ছেলে শুধু বাপের ঐশ্বর্যের অধিকারী নয়—তাঁর প্রকৃতিরও ;  
একজন জেদ খাটো না করলে, সে সংসারে কখনো শান্তির  
প্রতিষ্ঠা হতে পারে না বাবা !

জাহাঙ্গীর । তা বলে ছেলে বাপের উপর ক্রকুটী করে জেদের ঝাঁজ দেখাবেন,  
আর বাপ তা মেনে নিয়ে হাসি মুখে কুর্নিশ করবেন—সে দিন  
এখনো দুনিয়ায় আসেনি মা ! থাক এ সব কথা—তুমি কি  
বলছিলে মা ? হ্যাঁ, আমিই ভূমিকা ত্যাগ করে কথাটা  
বলছি ;—তুমি নিশ্চয়ই এই অভিপ্রায় নিয়ে এসেছ মা—  
যে, কাল দরবারে তোমার স্বামীর প্রতি কান্দাহার অভিযানের  
যে আদেশ আমি করেছি তা প্রত্যাহার করা হোক, আর  
তোমার স্বামী বাঙ্গালায় যাবার যে বাসনা করেছেন, তাই  
বজায় থাক ! কেমন ? এই ত ?

মমতাজ । ( নীরবে নত মস্তকে দাঁড়াইয়া রহিলেন )

জাহাঙ্গীর । ( মমতাজের মৌনভাব বক্রদৃষ্টিতে দর্শন পূর্বক মনোগত  
অভিপ্রায় বুঝিয়া ) তা হলে প্রকারান্তরে তোমারও মা এই  
ইচ্ছা যে কালই মোগল-সাম্রাজ্য জুড়ে এ কথা রাষ্ট্র হোক—  
বাদশাহ জাহাঙ্গীরের কথা আর কোন মূল্য নাই—আর  
সাজাদা সাজাহানের জেদের তুলনা নাই ! তোমার স্বপ্ন  
হোক ঘোর মিথ্যাবাদী, আর স্বামী হোক দুর্জয় জেদী !

মমতাজ । ছেলের উপর অভিমান হয়েছে বলে, মনেও অমন বিসদৃশ  
অনুমান করবেন না বাবা ! এতে আপনার গৌরবই বাড়বে  
আর আপনার উদ্ধত ছেলে অনুতপ্ত হয়ে আপনার চিরবাধ্য  
হয়ে থাকবে । বাবা আপনার স্মৃষ্টি যেন তাঁর সম্বন্ধে শেষে

এই ধারণাই স্থির না করে যে তিনি পরাজয়-লাঞ্ছনার  
আশঙ্কাতেই কান্দাহার অভিযানের ভার নিতে কুণ্ঠিত !

জাহাঙ্গীর । না, তা আমি মনে করি না ; তবে তিনি যে বাঙ্গালায় গিয়ে  
একটা বাঁদীকে উপলক্ষ করে বীরত্ব প্রকাশ করেন, এটাও  
আমার অভিপ্রেত নয় ।

মমতাজ । শুধু জেদের কণ্ঠস্বর হয়ে কান্দাহারের মত একটা দুর্গম রাজ্য  
বিজয়ের প্রচেষ্টা, আর সাম্রাজ্যের মধ্যে একটা প্রদেশে দুর্কর্ষ  
বোধের স্পর্শ—যারা আপনারই রঙ্গমহলের নারীকে  
অপহরণ কর্তে সাহস পেয়েছে—তাদের দমন—এ দুটোর মধ্যে  
কোনটার সার্থকতা বেশী তা আপনিই ভেবে দেখুন, বাবা ।

জাহাঙ্গীর । বাদশাহ জাহাঙ্গীর এখনো এত স্থবির হয়নি মা ! তার এ সব  
ভাববার ও ব্যবস্থা করবার যথেষ্ট অবসর ও ক্ষমতা আছে ।  
মোগল-হারেমের নারীদের এখন বাদশাহকে পরামর্শ দেবার  
আবশ্যকতা দেখছি না ।

মমতাজ । কিন্তু বাবা, আমার মহীয়সী পিতৃস্বসাই যে এখন মোগল-  
সাম্রাজ্য পরিচালনা করছেন—এ কথা ত কারো অস্বীকার  
করবার উপায় নেই ! আপনার বিশ্বাসের ব্যাঘাত করলুম,  
মার্জনা করবেন । অনুমতি হোক, এখন তবে আসি ।

[ মমতাজের প্রস্থান ।

জাহাঙ্গীর । ( স্মিত বিষ্ময়ে মমতাজের গমন-গতির দিকে তাকাইয়া  
নিঃশ্বাস ফেলিয়া বলিলেন ) কস্মিন কালেও মোগল কান্দাহার  
জয় করতে পারবে না । পারশুর দুটো মেয়ে দীপ্ত অগ্নি-  
ফুলিদের মত মোগল হারেমে এসে সমস্ত সাম্রাজ্য বিকুর  
করে তুলেছে—এমন ফুলিদের জন্মস্থান যে পারশু—কার

সাধা তার কাছ থেকে কান্দাহার কাড়ে! ওরে কে আছিস  
বাইরে!

হুসিয়ারের মত্ত পাত্রাদি লইয়া প্রবেশ।

সাবাস! তুই গেমন নামে হুসিয়ার—কাজেও তাই!  
আনার ক্ষমতা থাকলে তোকে বাকশক্তি বখসিস্ করতুম।  
যা,—বেগম সাহেবকে সেলাম দে। ( মত্তপানে রত )

[ হুসিয়ারের প্রস্থান।

আজ মনে পড়ছে—তরুণ যৌবনে তপ্ত রক্তের তীব্র তেজে  
তখনকার সেলিম বাহাদুর ঈশ্বর তুল্য শক্তিমান মহাপ্রাণ  
সম্রাট আকবরের বিরুদ্ধেও তলোয়ার খুলেছিলেন। তখনকার  
সেই সেলিমও ভেবেছিল, ঠিক পথে চলেছি! সেই হিসাবে  
সাজাহানও চলেছে; ব্যাস ঠিক মিলে গেছে—একটুও  
ভুলচুক নেই। হঁ—এখন পরিষ্কার বোঝা যাচ্ছে—এই  
জাহাঙ্গীর বাদশাহ যখন সেলিমরূপে বাপের বিরুদ্ধে বেকে-;  
ছিলেন, তখন সেই বুড়া বাপ আকবরের বুকুও এমনি তরঙ্গ  
উঠেছিল—যে তরঙ্গ আজ—আজ এইখানে ( বক্ষে সবলে  
আঘাত করিয়া ) এইখানে—ছুটে এসে আছাড় পেয়ে  
পড়ছে—এই জীর্ণ বাঁধ ভেঙ্গে ফেলে সব গ্লানি ধুয়ে মুছে মিলে  
যেতে চাচ্ছে! কিন্তু তা হবে না—মিলবে না, ভাঙ্গবে না;—  
বাদশাহী পাঞ্জা এখানে কসে গাঁথা আছে—দুনিয়া ওলট  
পালট হলেও, এ পাঞ্জা থসবে না—ঘতরুণ না গোরস্থান  
কাম্য হয়।

নুরজাহানের প্রবেশ।

এই যে সম্রাজ্ঞী! কাজ হাসিল ত কালই করেছ, আজও  
এত ব্যস্ততা কেন শুনি?

শুরজাহান । সত্ৰাট যে আজ বেশ তৈরী হয়েছেন দেখছি ! কখন থেকে এ কার্য চলছে ?

জাহাঙ্গীর । সে ত দেখতেই পাচ্ছ গো ! আমার প্রশ্নটা চাপা দিও না—  
উত্তর দাও, বেগম সাহেব !

শুরজাহান । উত্তর শোনবার মতন অবস্থা কি এখন সত্ৰাটের আছে ?

জাহাঙ্গীর । সত্ৰাটের এ অবস্থায় কোন দুষ্কর কাজ করিয়ে নিয়ে পরীক্ষা  
নিতে চাও বেগম সাহেব ! বল, আমি প্রস্তুত ! এটা স্থির  
জেনো বেগম সাহেব, পারশ্চের প্রশ্নন মোগল বাদশাকে  
যতখানি কাবু করেছেন ( মন্তপাত্র দেখাইয়া ) ইনি এখনও  
ততটা পারেন নি ! ( মন্তপান )

শুরজাহান । হসিয়ার !

### হসিয়ারের প্রবেশ ।

এখনি এ সব এখান থেকে তুলে নিয়ে যা—

জাহাঙ্গীর । ইয়া—সত্য এ জুলুম করা হচ্ছে বেগম সাহেব ! সব কর  
তুমি, সব নাও, সাম্রাজ্য চালাও, রাখো বা জাগান্নামে দাও  
কিছু জানতে চাই না—বাদশার বুকের ওপর দিয়ে তোমার  
প্রভুত্বের রথ চালিয়ে যাও, কিছু আসে যায় না আমার—  
বুক পেতে দিতে প্রস্তুত আমি ;—বিনিময়ে কি আমার কাম্য  
জান ! শুনতে চাও ? সর্বক্ষণ আমার সামনে তুমি হাজির  
থাক—আমি তোমাকে দেখি, আর এই রূপসীর রূপ সূধা  
পান করি—আর সঙ্গে খান দুই রুটী—এক সান্‌কি কাবাব—  
বাস্—এতেই বাদশার তৃপ্তি ! বুঝলে আমার কথা বেগম  
সাহেব ?

শুরজাহান । আচ্ছা, জাঁহাপনার ইচ্ছামত সে সব ব্যবস্থা হবে—এখন দয়া

করে আমাদের উভয়েরই সম্মান রক্ষা করুন! হীন বান্দা  
বান্দীদের আর হাসাবেন না! (দৃঢ়স্বরে) এই নিয়ে যা—

জাহাঙ্গীর। যা— (মত্তপাত্র নিক্ষেপ)

[ সমস্ত লইয়া হুসিয়ায়ের প্রস্থান।

বেগম সাহেব আজ যে দেখছি আগে থেকেই যুদ্ধের জন্ম  
ভৈরী হয়েই এসেছেন।

মুরজাঁহান। সম্রাটই কিন্তু আগেই যুদ্ধ ঘোষণা করেছেন।

জাহাঙ্গীর। বিলক্ষণ! আমি ত আত্মসমর্পণ করেই বসে আছি বেগম  
সাহেব!

মুরজাঁহান। আমিও ত তাই দেখে কুর্নিশ করতে হাত বাড়িয়েছি  
শাহান সা!

জাহাঙ্গীর। সন্ধিই যখন হ'ল তখন গোটা কতক সত্য কথা যদি বলি, অপ্রিয়  
হ'লেও, আশা করি বেগম সাহেব তা শুনতে দ্বিধা করবেন না।

মুরজাঁহান। সম্রাট ত জানেনই, সত্যঅপ্রিয় হ'লেও তা শুনতে আমি  
চিরদিনই ভালবাসি।

জাহাঙ্গীর। হঁ, তা জানি বই কি! আচ্ছা, এতক্ষণ আমার এই  
খাস কামরায় যে সব কথাবার্তা হ'য়ে গেল, ভারত-সম্রাজ্ঞীর  
কর্ণে সে সমস্তই এরই মধ্যে পহঁচেছে নিশ্চয়!

মুরজাঁহান। এই কথা! এমন তুচ্ছ প্রশ্ন শুনে আমার যে লজ্জা পাচ্ছে  
জাঁহাপনা! যদি ভারত-সম্রাট তাঁর ক্ষুদ্র খাস কামরায়  
সমাচার সম্বন্ধে প্রশ্ন না করে ভারত সাম্রাজ্যের মধ্যে কোথায়  
কি ঘটেছে জিজ্ঞাসা করতেন, তাহলে বরং ভারত-সম্রাজ্ঞীকে  
জিজ্ঞাসা করবার মত প্রশ্ন হত।

জাহাঙ্গীর। সাবাস! দেখ দেখী সঙ্গে সঙ্গে কেমন স্পষ্ট জবাব।

মুরজাঁহান। মমতাজমহলের জবাবের চেয়েও কি মুখরোচক জাঁহাপনা।

জাহাঙ্গীর। ইয়া! কিন্তু আমার আসল প্রশ্ন এখনো তোলা হয়নি  
বেগম সাহেব।

মুরজাঁহান। আমিই না হয় নিজেই সম্রাটের মনোগত প্রশ্ন আর তার  
জবাব দুটোই শুনিয়ে দিচ্ছি।

জাহাঙ্গীর। বল কি?

মুরজাঁহান। সম্রাটের এখন অনুমান নিশ্চয় যে মোগল দরবারে যা কিছু  
আন্দোলনজনক কাজ হচ্ছে—যে বিপ্লবের সূচনা দেখা দিচ্ছে  
আমিই কৌশলে সে সকল সম্পন্ন করে ধরা ছোঁয়ার সংশ্রব  
এড়িয়ে থাকলেও মমতাজের কাছে ধরা পড়ে গেছি! এইত কথা?

জাহাঙ্গীর। তুমি যে আমাকে চমৎকৃত করলে গো!

মুরজাঁহান। সে কি আজ নূতন নাকি গো?

জাহাঙ্গীর। বুদ্ধির এ লড়াই আজ নূতন বই কি প্রিয়তমে! তোমার  
কথা, তোমার মুখ চোখ আর ভঙ্গী, আত্মগোপনের খোলস  
ত্যাগ করে—আত্মপ্রকাশের যে আলো আমার চোখের উপর  
তুলে ধরেছে—তাতেই আমি চমৎকৃত হয়েছি। সত্যিই এ  
জ্ঞেদ আর বুদ্ধির যুদ্ধ! একদিকে জাহাঙ্গীর আর মুরজাঁহান—  
অন্যদিকে সাজাহান আর তাজমহল! একদিকে উত্থান,  
অন্যদিকে পতন; একদিকে ভারত সিংহাসন, অন্যদিকে আত্ম-  
বিসর্জন। কে কোনদিক নেবে—কার ভাগ্যে কোনদিক  
পড়বে—কে জানে! ঝড় উঠেছে রে ঝড় উঠেছে! ওই—  
ওই হুকার করে আসছে—ভাঙছে—চুরমার করছে! ওরে—  
ওরে—সামাল—সামাল— (বলিতে বলিতে আরাম আসনে  
ঢলিয়া পড়িলেন)

মুরজাঁহান। সম্রাট—সম্রাট! বাদী—বাদী—

চতুর্থ দৃশ্য ।

হারেমের একাংশ ।

মণিজা ।

গীত ।

যখনই হয়েছে সাধ গাহিবারে চরষের গান,

তখনই হেনেছ তুমি বক্ষে মম নিদারুণ বান ।

উল্লাসের আশঙ্কায় হই যবে আত্মহারা

ব্যথার প্রহারে ব্যর্থ কর জীবনের ধারা

নির্মম অন্তরে ফেলে দাও পথের উপরে—

ছিন্ন পক্ষপুট অসহায় পাখীর সমান ।

তবু লাজ নাই, আলোয়ার আলো ধরে ধাই—

হয়ে আহত, ক্ষত বিক্ষত, মেনে লই তব নিষ্ঠুর বিধান ।

( লয়লীর প্রবেশ )

লয়লী । মণিজা—

মণিজা । সেলাম, হুজুরাইন ।

লয়লী । তুই কি আমাকে ক্ষেপিয়ে তুলবি মণিজা ?

মণিজা । কি করি বল ! এ যে মোগলাই কায়দা । দেখলে না, আম-  
দরবারে সেই বাঙ্গালী অত বড় নাগিস নিয়ে এসেও, আদপ-  
কায়দার দোষে কয়েদ হতে বসেছিল । ভাগ্য তার ভাল,  
তাই বাদশাহ রেহাই দিলেন ।



লয়লী । আমি আর পারি না মণিজা,—আমার অসহ্য হয়ে উঠেছে !  
অন্তের সামনে এ অভিনয় করিস, কিন্তু যখন আমরা দুটিতে  
থাকব, তখন মনে রাখিস—আমি তোমার হজুরাইন নই,  
সের আফ্‌কানের মেয়ে—তোমার শৈশব সহচরী লয়লী । আমার  
বাবা তোকে আমারই মত ভালবাসতেন—

মণিজা । আমি কি ভুলে গেছি লয়লী ! আর তুমিও কি জাননা,  
আমার ঈশ্বর কে ? কার স্মৃতি আমি—

লয়লী । জানি না ? তুমিও যে আমারই মত তাঁরই স্মৃতি বুকে ধরে  
মোগলের হারেমে এসে নিমকের ঋণ শুধাচ্ছিস । মা আমার  
সম্রাজ্ঞী হয়ে, সম্রাট-পুলের পদতলে আমাকে বিলিয়ে দিয়ে  
ভেবেছেন, তিনি খুব লাভ করেছেন ! কিন্তু, বাঙ্গলার আমরা  
যে লোকসান করে এসেছি, আর কি তার পূরণ হবে ?

মণিজা । সে লাভ লোকসান খতিয়ে এখন ত কোন ফল নেই ভাই !  
মনে নেই—সেই মহাপুরুষের কথা ! তিনি বলতেন, যার মুন  
থাবে, তার ঋণ যেমন করেই হোক শোধ দেবে ।

লয়লী । তার ত কসুর কিছু করিনি ভাই ! পিতৃঘাতীর পুলকে  
স্থানীত্বে বরণ করে নিমকের ধার পরিশোধ করছি, আর তুমি  
বহুরূপীর মত নিত্য নূতন রূপ ধরে, গোয়েন্দাগিরি করে সম্রাজ্ঞীর  
মনের খোরাক যোগান দিয়ে চলেছিস—

মণিজা । আমি নিজেই এ কায বেছে নিয়েছি ভাই, এতে সম্রাজ্ঞীর  
ত কোনো দোষ নেই । আর সত্য কথা বলতে কি, আমার  
এই অবলম্বনহীন জীবনে, এতেই আমি আমোদ পাই, মনে  
উৎসাহ জেগে উঠে । শুধু এই নয়,—আরো অনেক কারণ  
আছে ! জান, বোবা হসিয়ার কে ? কার চর, কে তাকে বোবা  
সাজিয়ে সম্রাটের খাস বান্দার কাবে বাহাল করে রেখেছে—

লয়লী । কি বলছিস্—হুসিয়ার বোবা নয় ?

মণিজা ! হুসিয়ার মমতাজের চর ।

লয়লী । বলিস্ কি ?

মণিজা । সাজাদা সাজাহান কাল দরবারেই যে সতী উন্নিসার কথা প্রথম শুনেছে, তা মনে কর না ;—আগেই মমতাজের পত্রে সমস্ত জেনে রীতিমত তৈরী হয়েই সে সম্রাটের সঙ্গে বোঝাপড়া করতে এসেছিল । সম্রাজ্ঞীও তা বুঝতে পেরে—তাকে শিষ্টাচারে অভিবৃত্ত করবার জন্তই সম্বন্ধনার অভিনয় করেন, কিন্তু ঐ বাঙ্গালী এসেই সব ওলট পালট করে দেয়—

লয়লী । এখন সতীউন্নিসার কি উপায় হবে ?

মণিজা । বাঙ্গলার নবাবের উপর পরোয়ানা যাবে । আবার এই নবাবটি হচ্ছেন, সম্রাজ্ঞীর হাতের পুতুল ! সাজাহান সে পাঁত্রই নয় যে চূপ করে থাকবে । এখন ঐ বাঙ্গালীটিকে হাত করবার জন্ত সম্রাজ্ঞী অধীর হয়ে উঠেছেন ।

লয়লী । কি বলছিস্ ! সামান্য নগণ্য এক বাঙ্গালী—সম্রাট দরবারে এসেই হঠাৎ এত বড় হয়ে উঠেছে যে তাকে হাত করবার জন্ত ভারত-সম্রাজ্ঞীকে অধীর হতে হয়েছে ?

মণিজা । এ অধীরতা কেন তা বুঝতে পাবছ না ? সতীউন্নিসার বার্তা নিয়ে এ বাঙ্গালী এসেছে, সমস্ত গুপ্ত কথাই এ বাঙ্গালী শুনেছে, সম্রাজ্ঞীর ভয় পাচ্ছে তাঁর কীর্তি প্রকাশ হয়ে পড়ে ! কাঃবই এই অস্ত্রটিকে আয়ত্ত করা এখন সম্রাজ্ঞীর বিশেষ আবশ্যক হয়ে পড়েছে । এর জন্ত চরমে উঠাও তাঁর পক্ষে আশ্চর্য্য নয় ।

লয়লী । তুই এ সব হাঙ্গামায় জড়িয়ে মরিসনি ত ?

মণিজা । এর চেয়ে ঢের বড় হাঙ্গামায় আমাকে জান নিয়ে নামতে হচ্ছে ।

লয়লী । সে কি !

মণিজা । সে বড়ই অদ্ভুত ! হুসিয়ারের চাতুরী জেনেও চতুরা সম্রাজ্ঞী তাকে দণ্ড না দিয়ে তার উপর লক্ষ্য রাখবার আদেশ দিয়েছেন আমাকে—

লয়লী । তার কারণ ?

মণিজা । সম্রাজ্ঞী জেনেছেন, সাজাহান মাড়বারের কাছে সাহায্যের প্রস্তাব, এই হুসিয়ারের দ্বারায় পাঠাচ্ছেন,—আমাকে এই প্রচেষ্টা ব্যর্থ করতে মাড়বারে ছুটতে হবে—

লয়লী । থাক্ আর বলতে হবে না, সব বুঝিছি ; আর সঙ্কে সঙ্কে তোর নসীবের পরিণাম দেখে শিউরে উঠছি ? এত দূরে তাকে নেমে বেতে হল ? উঃ—কি অধঃপতন !—

মণিজা । তোমার জন্মই বোন,—বেঁচে থেকে দেখতে চাই, তুমিই ভারতের সিংহাসনে অধিষ্ঠিতা হও, আর সম্রাজ্ঞীরও এই সাধ—

লয়লী । সাম্রাজ্যের প্রলোভনে লয়লীর মন কখনো তাতবে না, আর ভারত সম্রাজ্ঞীর এই তাসের প্রসাদও চিরদিন খাড়া থাকবে না ।

[ প্রস্থান ।

মণিজা । সেলাম—সেলাম লয়লী !—সম্রাজ্ঞী তোমাকে গর্তে ধরেও চিনতে পারেন বনি, কিন্তু তোমার সংস্পর্শে এসে আমি তোমাকে চিনেছি ; জেনেছি—তুমি কত বড় মহীয়সী !

[ প্রস্থান ।

## সপ্তম দৃশ্য ।

পাতাল মহল ।

সুন্দরলাল । কি অপরাধে আমাকে এখানে ধরে এনেছ ?

খোজা আবদুল । অত ব্যস্ত কেন—এখনি তা জাতে পারবে । স্বয়ং সম্রাজ্ঞী আসছেন তোমার বিচার করতে ।

সুন্দরলাল । বিচারের উপযুক্ত স্থানই বটে ! তা দরবারে বিচার না করে এই অন্ধকার পুরীতে, আমার মত অভাগার বিচার হবে কেন, সেইটে বুঝতে পারছি না—

খোজা আবদুল । এটা কোন্ জায়গা জান ?

সুন্দরলাল । তিন দিন আগরায় এসে—বাদশার অন্তরের সব জায়গা চিনতে পারব—এমন স্পর্শা কোন দিনই মনে স্থান দিই নি ।

খোজা আবদুল । এটা পাতাল মহল—

• সুন্দরলাল । রূপকথার মত চিরদিন রঙ্গমহলের “পাতাল মহলের” কথা শুনে এসেছি—আজ চ’খে দেখে জন্ম সার্থক হল । আহাহা—  
কি সুন্দর—

খোজা আবদুল । বাহোবা বাঙ্গালী—তারিফ কর । কিন্তু ঐ চাকা দুটো দেখছো ! কত বছর থেকে কত শত তোমার মত সুন্দর সুন্দর ছোঁড়া—আর সুন্দরী ছুঁড়ীদের বুকের রক্ত এতে জমাট বেঁধে আছে ! দেখতে পাচ্ছ ? আর ওপাশে দেখছ ? ফাঁসীর দড়ী—কেমন লক্ লক্ করছে—একটু জোর করে চেয়ে দেখনা ! ওরে, মশালটা আর একটু তুলে ধরতো—দেখতে পাচ্ছ ? বিচারে হয় তোমাকে লটকান হবে—না হয়, তোমারও রক্ত—  
বুঝেছ ?

সুন্দরলাল । খুব বুঝছি—আর এও বুঝছি যে—হয়ত এ মহলে বাঙ্গালীর এই প্রথম রক্তপাত হবে—এতে রক্তমহলের পাতাল মহলের ইতিহাসটা আরও জ্বর হয়ে ফুটে উঠবে ।

নূরজাঁহানের প্রবেশ ।

পশ্চাৎ পশ্চাৎ মশাল হস্তে বাঁদীগণ

খোজাগণের সমস্তমে কু'ন'শকরণ ।

নূরজাঁহান । তাতে কি বাঙ্গালার মুখ উজ্জল হবে মনে কর বাঙ্গালী ?

সুন্দরলাল । আমি বন্দী, সম্রাজ্ঞীর উদ্দেশে সম্মান জ্ঞাপন করতে পারলুম না—

নূরজাঁহান । কোন প্রয়োজন নেই বাঙ্গালী । সম্রাজ্ঞীর প্রদত্ত সম্মান যে ফিরিয়ে দেয়—সে বিদ্রোহী,—সম্রাজ্ঞী তার কাছে কোন সম্মান প্রত্যাশা করে না ।

সুন্দরলাল । বিশেষ কারণেই সম্রাজ্ঞীর সম্মান ফিরিয়ে দিতে নফর বাধ্য হয়েছিল । সম্রাজ্ঞী যদি আমাকে অপরাধী সাব্যস্ত করে দণ্ডযোগ্য মনে করেন—দণ্ড দিন—আমি প্রস্তুত—

নূরজাঁহান । তোমার সাহস দেখে আমি সন্তুষ্ট হয়েছি । দণ্ড নেবার জন্য যে এই পাতাল-মহলে একবার আসে—সে আর জীবনে বাইরের আলো দেখতে পার না ।—এই ভয়ঙ্কর স্থানে এসেও তুমি সাহস হারাও নি । আমি যদি তোমার প্রাণভিক্ষা দিই—

সুন্দরলাল । সে সম্রাজ্ঞীর ইচ্ছা ও করুণা—

নূরজাঁহান । তুমি সাহসী—বিপদে ধৈর্য্যচূত হও না । তোমার মত লোকের আমাদের বিশেষ প্রয়োজন । আমি তোমার উপর বিশেষ সন্তুষ্ট হয়েছি । আমি তোমাকে বাঙ্গালার সুবেদার করে পাঠাব ।

সুন্দরলাল । আমি দীন দরিদ্র অসহায়—সম্রাজ্ঞীর করুণাই আমার পক্ষে যথেষ্ট—পদগোরবের প্রত্যাশা আমি করি না ।

মুরজাঁহান । শোন বাঙ্গালী—আমি তোমাকে বিশেষভাবে পরীক্ষা করেছি । তোমাকে সতীউন্নিসা সম্বন্ধে মিথ্যা রটনা করতে বলেছিলাম—তুমি তাতে সম্মত হও নি,—মিথ্যা রটনার পরিবর্তে সম্রাজ্ঞীর কোপানলে পড়তেও তুমি দ্বিধা বোধ কর নি । উচ্চপদের প্রলোভনেও তুমি প্রলুব্ধ নও । তোমার চরিত্রবলেরও যথেষ্ট পরিচয় পেয়েছি । বাঙ্গালায় তোমার মত একজন বাঙ্গালী শাসনকর্তার প্রয়োজন—যে তাদের আচার ব্যবহার রীতিনীতি সব জ্ঞাত আছে—যার কাছে তারা অনায়াসে তাদের অভাব অভিযোগ সুখ দুঃখ নিৰ্ধরোধে জানিতে পারবে । তুমি নিৰ্ধোধ হয়োনা—বাঙ্গালার মঙ্গলের জন্ত—আমরা তোমাকে বাঙ্গালার সুবেদার নির্বাচিত করতে চাই ।

সুন্দরলাল । কিন্তু আমার নির্বাচন যে আগেই হয়ে গেছে সম্রাজ্ঞী—

মুরজাঁহান । সে কি ?

সুন্দরলাল । মার্জনা করবেন সম্রাজ্ঞী—আমি ঈশ্বর সাক্ষ্য করে সাজাদা সাজাহানকে আত্মসমর্পণ করেছি—

মুরজাঁহান । তার অর্থ ?

সুন্দরলাল । আমি তাঁর দাসত্ব স্বীকার করেছি—

মুরজাঁহান । সম্রাটকে উপেক্ষা করে ?

সুন্দরলাল । এ দাসাশুদাসকে সম্রাট স্বরণ করেন নি ! সাজাদাই অশুগ্রহ করে আমাকে গ্রহণ করেছেন—আমিও ঈশ্বর সাক্ষ্য করে তাঁর কার্যে আত্মনিয়োগ করেছি । প্রতিজ্ঞা করেছি—

মুরজাঁহান । যে প্রয়োজন হলে সাজাদার জন্ত সম্রাটের বিরুদ্ধেও হাত তুলতে পশ্চাৎপদ হবে না—না ?

সুন্দরলাল । এ কথার কি উত্তর দেব সম্রাজ্ঞী ?

মুরজাঁহান । তাহলে তুমি সম্রাটের আছবান গুনতে প্রস্তুত নও ?

সুন্দরলাল । ঈশ্বর সাক্ষ্য করে আমি সাজাদার কার্যে আত্মনিয়োগ  
করেছি, তাঁর আদেশ ভিন্ন আমি কোন কায করতে  
পারবনা—আমি মনে প্রাণে সাজাদা সাজাহানের দাস—

মুরজাঁহান । তবে সাজাদা সাজাহানের দাসত্ব কর প্রেতলোকে গিয়ে !—  
লটকাও এ বেরাদপকে—

|| যমুনার তীরবর্তী দরজা ভাঙ্গিয়া ||  
|| সৈন্য সাজাহানের প্রবেশ । ||

দেখা গেল—যমুনাবক্ষে দুইখানি ছিপ—একখানির উপর  
মমতাজ, দারা, সূজা, ঔরংজেব ও জাহানারা প্রভৃতি  
অপরখানিতে সশস্ত্র সৈন্যগণ ছিল ।

সাজাহান । মুক্ত কর—

সুন্দরলালকে মুক্তকরণ—খোজাগণ বাঁধা দিতে চেষ্টা করিলে  
সাজাহানের সৈন্যগণ বন্দুক উঠাইয়া ধরিল  
এবং তাহাদের বন্দী করিল ।  
মুক্ত সুন্দরলালকে লইয়া সকলে  
ছিপে উঠিলেন ।

✓সাজাহান । সেলাম বেগম সাহেব ! আপাততঃ আগ্রা ত্যাগ করলেম  
আপনারই সৌজন্তে ! যেমন বিজয় গর্বে চলেছি—তেমনি  
বিজয় গর্বে আবার ফিরে আসব এই আগ্রায় সাম্রাজ্যের  
বিজয় মুকুট মাথায় পরে—সেই দিন আবার দেখা হবে ।

## দ্বিতীয় অঙ্ক ।

প্রথম দৃশ্য ।

আগরা—খাসদরবার

জাহাঙ্গীর, আসফ খাঁ, মহাবৎ, পরভেজ

শরিয়ার আসীন ।

জাহাঙ্গীর । জানো মহাবৎ, আমার মনে কেবল সেই পুরোনো কথাগুলো খোঁচা দিচ্ছে ! মেয়েটা বললে কি জানো—‘দাদু, আর তোমার পাকা :চুল তুলতে আসব না ! দাদু, তুমি কি নিষ্ঠুর, দু বছর পরে বাবা বাড়ীতে আসতে না আসতে তুমি আবার তাকে কান্দাহারে তাড়িয়ে দিচ্ছ !’ তাড়িয়ে দিয়েছিই বটে ! নিষ্ঠুর ! মিথ্যা নয় । কসাই—কসাই ! তারাও ছেলে জবাই করবার সময়—বাচ্চার দিকে তাকায় না ! সেজো নাতিটার কি ঝাঁজ ! আমার ঘরখানা—হা হা কচ্ছে আসফ খাঁ ! তারা সব নেচে কুঁদে বেড়াত—ছটোপাটি করত, কত বকতুম ! মেয়েটার মুখে পাকা পাকা কথা শুনে কি যে তৃপ্তি পেতুম—কি বলব আর ! এখন সব অন্ধকার ! তাদের ছিনিয়ে নিয়ে গেছে—বুক ছিঁড়ে নিয়ে গেছে ! সয়তান ! সয়তান ! একটা স্বার্থপর সয়তান, আর একটা তার—সম্রাজ্ঞী কোথায় আসফ খাঁ ! তিনি যে এ দরবারে গরহাজীর ?

আসফ । তিনি সম্ভবতঃ এখনই আসবেন—

জাহাঙ্গীর । আমি কমা করব না—কখনই না ; জানিয়ে দেব আমি—  
এখনও জাহাঙ্গীর—সেই জাহাঙ্গীর ! বিদ্রোহীর মার্জনা এখানে



নেই—পুত্রেরও নয়! এত বড় আশ্পর্কা তার!—পত্রখানা  
আর একবার পড়ত আসফ খাঁ—পড়ত শুনি—(হুরজাহানের  
প্রবেশ) এই যে সম্রাজ্ঞী, সাজাহানের পত্র শোন —

আসফ । ( পত্র পাঠ )—

“আমি দেখিলাম, রাজধানী আমার পক্ষে নিরাপদ নয় ।  
আমাকে কান্দাহারে পাঠাইবার প্রয়াস, বর্তমান নারী-  
পরিচালিত কুট-শাসননীতির একটি ষড়যন্ত্রমূলক চাল মাত্র ।  
আপনার অন্তর্দৃষ্টি থাকিলে, আপনিও তাহা বুঝিতে পারিতেন ।  
আপনারই আদেশ অনুসারে মোগল সাম্রাজ্যের সর্বজনীন  
সৈন্য, অফুরন্ত অর্থ ও বিশ্বব্যাপী প্রতিষ্ঠার আশ্রয় পরিত্যাগ  
করিয়া আত্মশক্তি ও স্বাবলম্বনের প্রেরণায় আমি আত্মপ্রতিষ্ঠায়  
প্রবৃত্ত হইলাম । আশীর্বাদ করুন, যেন, আমি আত্মশক্তির  
প্রভাবে ভারত-সাম্রাজ্যের গৌরবময়-মুকুট অর্জন করিয়া,  
ভারতের সম্রাট রূপে আগরায় প্রবেশপূর্বক আপনাকে কুনিশ  
করিতে সমর্থ হই ।”

জাহাঙ্গীর । তোফা! এ বয়সে অনেক যুদ্ধ আর বিদ্রোহের পত্র  
পড়েছি,—কিন্তু এমন কেতা দুঃস্বপ্ন পত্র বোধ হয় এই প্রথম  
দেখা গেল । কি বল সম্রাজ্ঞী ?

হুরজাহান । সব বিষয়েই তার একটা অসাধারণত্ব আছে বলেই না  
আমি তাকে এত নির্ভর করেছি—প্রাধান্য দিয়ে এসেছি !  
সে আমাকে যাই ভাবুক ! এই জন্যই প্রকারান্তরে আমি  
এই জেদী পুত্রকে কান্দাহারে পাঠিয়ে পারশ্বের অহকার চূর্ণ  
করতে চেয়েছিলুম ! কিন্তু সে বিপরীত বুরে আগুনে কাঁপ  
দিতে গেল !—দুর্ভাগ্য সাজাহান !

মহাবৎ । দুর্ভাগ্য, তাতে আর সন্দেহ কি ! কিন্তু আমাদের মনে হয় তাঁর প্রতিও বিচার ঠিক হয় নি—

মুরজাঁহান । তোমার এ কথা আমি স্বীকার করছি মহাবৎ জঙ্গ ! পুত্রস্নেহে অন্ধ হয়ে, আমরা সেদিন দরবারে স্মবিচার করতে পারি নি ! সেবার বিজয়ের খ্যাতির পুরস্কার আমরা পরিপূর্ণ রূপে সাজাদা সাজাহানকেই দিয়েছি,—কিন্তু যে বর্ষায়ান সেনাপতির অসি ও বুদ্ধিবলে মেবারের গর্ক ধর্ক হয়েছে,—যিনি স্বেপার্জিত বশঃ পুষ্পমাল্যের মত সাজাহানের গলার পরিষে দিয়ে নিজে তফাতে দাঁড়িয়েছিলেন,—আমরা সেদিন তাঁর সম্মান রক্ষা করতে ভুলে গেছি । আজ এই দরবারে আমরা সে ভুল সংশোধন করব ।

মহাবৎ । আমাকে মার্জনা করবেন সম্রাজ্ঞী ! সম্রাটের আশ্রিত এ দাস কোন সম্মানের প্রত্যাশী নয় । সাজাদা সাজাহানকে সে দিন দরবারে যে সম্মান দেওয়া হয় তা উপযুক্ত হলেও তাঁর প্রতি শেষে খুবই রুঢ় ব্যবহার করা হয়েছে বলেই আমাদের বিশ্বাস ।

জাহাঙ্গীর । বটে ! তুমি যদি সে দিন সে সময় সম্রাটের আসনে বসে থাকতে, আর তোমার পুত্র যদি তোমার সামনে উদ্ধত হয়ে চোখ রাঙ্গিয়ে কথা কইত, তুমি মহাবৎ জঙ্গ কি করতে তখন ? কুর্নিস করতে ? না বাদশাহী তক্ত থেকে স্ফুড় স্ফুড় করে নেমে গিয়ে, তার পিঠ চাপড়ে বলতে—সাবাস, বাচ্ছা ! বহুত খুব !

মহাবৎ । আমার কথা আমি প্রত্যাহার করছি সম্রাট !

শারিয়ার । পক্ষে কোনো খানে সম্রাট বলে সম্বোধন নেই—এটা আপনারা লক্ষ্য করবেন !

জাহাঙ্গীর । কবির চোখে লেখার গলদ ঠিক ধরা পড়ে গেছে ! সত্ৰাট বলে সম্বোধন নেই । এতো আর কলম ধরে পড়ের যতি মেলায় নয় কবি,—এ যে তলোয়ার নিয়ে সম্বন্ধের ছেদ ! সে যে নিজেই এখন সত্ৰাট বলে জাহীর হয়েছে,—আর কি সে আমাকে সত্ৰাট বলে স্বীকার করতে পারে ? না, করবে ?

পারভেজ । বিদ্রোহী—সয়তান ।

জাহাঙ্গীর । তার উপর ভাই এবং স্বার্থের প্রতিদ্বন্দ্বী ; তাই সাজাদা পারভেজ বাহাদুরের ঝাঁজটা আরো বেশী ।—হাঁ, পত্রের শেষ অংশটা পড়ে ফেলত আসফ খাঁ,—পুনশ্চ বলে যে কটা সর্ভের কথা আছে ।—পড়ো তা—পড়ো তা—

আসফ । ( পত্র পাঠ )

পুনশ্চ :—

যদি আপনি বা আপনার শাসন চক্র এই ধারণা পোষণ করিয়া থাকেন যে, নিশ্চিত পরাজয়ের অপযশ অর্জনের আশঙ্কায় আমি কান্দাহারে অভিযান করিতে অসম্মতি জ্ঞাপন করিয়াছি, তাহা হইলে আপনারা আমাকে ভুল বুঝিয়াছেন । আপনাদের এই ভ্রমপূর্ণ সংশয়ের অপনোদন এবং বর্তমান সর্বনাশকর যুদ্ধের নিরাকরণ কল্পে সাম্রাজ্যের শান্তি রক্ষার্থ নিম্নলিখিত চারিটা সর্ভে আমি আমার অবলম্বিত বর্তমান চরম মত পরিত্যাগ করিয়া আমার স্বপদে প্রত্যাবর্তনপূর্বক কান্দাহার অধিকারে আত্মনিয়োগ করিতে সম্মত আছি ; সর্ভগুলি এই :—

- (১) মোগল সাম্রাজ্যের সমস্ত সেনার সম্পূর্ণ অধিনায়কত্ব আমাকে অর্পণ করিতে হইবে ।

- (২) সাম্রাজ্যের প্রাদেশিক শাসনকর্তাগণ আমার নিকট হইতেই শাসন সংক্রান্ত আদেশ পাইবে।
- (৩) যাবতীয় অস্ত্রাগার, অস্ত্রের কারখানা ও বারুদখানা আমার অধীনে থাকিবে।
- (৪) কান্দাহার অভিযান কালে আমার পরিবারবর্গ আমার সঙ্গে যাইবে।

জাহাঙ্গীর। চমৎকার! সর্ভরচনায় এ মুন্সিয়ানা কবিতার চেয়েও সুন্দর! কি বল শারিয়ার?

শারিয়ার। সম্রাট কথায় কথায় কবিতার উপর কটাক্ষ করেন! কবিতার কদর করতে কজন জানে!

জাহাঙ্গীর। জানে এই সাজাহান! চার ছত্ৰের চারিটি সর্ভ, একখানি চমৎকার কাব্য!

সুরজাঁহান। তবে এ কাব্যখানি সম্পূর্ণ হত যদি সাজাহান আর একটি সর্ভ বাড়িয়ে দিতো! সে সর্ভটি এই—সম্রাটের আহার এবং পানের পরিমাণ, সাজাহানের হাতেই থাকবে।

জাহাঙ্গীর। হাঃ হাঃ হাঃ হাঃ—ঠিক বলেছ সম্রাজ্ঞী! সাজাহান নিজেকে যত বড় ওস্তাদই মনে করুক না কেন, এ সব বিষয়ে তোমার কাছে সাকরেদী ক'রে শেখবার এখনো তার পক্ষে অনেক কিছু আছে। যাক্—যে চারটি সর্ভ এখন সে চেয়েছে—তার সম্বন্ধে এ সভার কি মত? মহাবত, তোমার মতটাই আগে শুনি।

মহাবৎ। সম্রাটের চিরস্তনী মতের কি আজ পরিবর্তন হয়েছে?—তাই কি আমাদের মত জানবার জন্য সম্রাটের এত আকিঞ্চন?

জাহাঙ্গীর। এ কথার অর্থ কি মহাবত?

মহাবৎ । সাজাদা খসরু যখন বিদ্রোহী হয়েছিলেন, সম্রাট লৌহ হস্তে  
তা দমন করেছিলেন ! তখন মন্ত্রীদের 'মত নেবার জন্য কোন  
সভার আহ্বান করেন নি ।

জাহাঙ্গীর । সত্য মহাবত, তা আমার মনে আছে,—সে কথা আমি  
ভুলি নি—সঙ্গে সঙ্গে তাকে দমন করতে বিপুল শক্তি পাঠিয়ে  
ছিলেম । সে যখন বন্দী হয়ে এল,—কোনো প্রার্থনা তার  
শুনি নি,—প্রহরী বেষ্টিত কর্কে তাকে আবদ্ধ করে রেখে  
ছিলেম । দু'চার দিন নয়—এক আধটা বছর নয়,—পনেরো  
বছর—দেড় যুগ প্রায়—তার জীবনের সার ভাগ—সেই বন্ধ  
ঘরে সে কাটিয়েছে ! তার স্ত্রী—তার ছেলে মেয়ে—দরজার  
সামনে আছাড় খেয়ে পড়ত,—হুপ্তায় শুধু একদিন দেখা করতে  
দিতেম—সেও এক ঘণ্টার বেশী নয় !—ছেলে মেয়ে তার  
মরেছে—একবার বাবাকে দেখবো'—বলে কত কেঁদেছে—দেখা  
করতে দিই নি ! সে সব মনে আছে মহাবত ! খসরুর  
মৃত্যু—হত্যা বা প্রাণদণ্ড—বাই বল—এখনো চোখের সামনে  
ভাসছে,—তার সেই তাজা রক্তের উৎস এমন রাত নেই—না  
দেখি ! যুম ভেসে যায়—চোঁচিয়ে উঠি—খসরু খসরু বলে !  
সে হেসে সরে যায় !—এতেও বুককে বেঁধে রেখেছিলেম  
এই বলে,—নিজের রক্ত এক চুমুক খেয়েছি আর খেতে হবে  
না ! রক্ত পিয়ামী পিতার বীভৎস মূর্তি দেখে এরা সব আর  
সরতানী করবে না—কিন্তু ভুল ! ভুল ! অভিশপ্ত মোগলের  
সিংহাসন, এখানে শাস্তি নেই ! পুত্রই এদের শত্রু !

শুবজাঁহান । খসরুর উপর অবিচার করে সম্রাট যে ভুল করেছেন বিদ্রোহী  
সাজাহানের সম্বন্ধে সুবিচার কোরে না হয় সেটা শুধরে নিন !

জাহাঙ্গীর । অবিচার ? কিসের অবিচার ? বিদ্রোহী পুত্রকে দণ্ড

দিয়ে আমি যোগ্য বিচার করেছি। আর আজ বুঝতে পারছি—এদের পদ গৌরব আর ক্ষমতা বাড়িয়ে দিয়েই আমি বিষম ভুল করেছি।—এক একটা রাজ্য চালাবার ক্ষমতা এদের হাতে না দিয়ে যদি চোখের উপর রাখতেম,—উঠতে বসতে—সামান্য একটু ক্রটি দেখলেই যদি শাস্তির ব্যবস্থা করতেম—তা হলে আজ কি এই সাজাহান আমার উপর এমনি করে চোখ রাঙ্গাবার অবকাশ পেত! সে যে আমার দুর্বলতা কোথায়, তা বেশ বুঝ নিয়েছে! খসক যে এই লৌহ-হৃদয় গলিয়ে দিয়ে গেছে! তার শোক, তার ছেলে মেয়েদের শোক,—আন্তে আন্তে এই খানটা কাঁফরা কবে ফেলেছে! সাজাহানের সম্ভানদের পেয়ে সামলে উঠছিলাম,—এক দণ্ড তাদের না দেখে থাকতে পারতেম না! এ দুর্বলতাটুকু আমার জেনে নিয়ে, আজ সে সয়তান কসে ঘামে রেছে! কিন্তু আর নয়,—এদের মাঝার আর ভুলছি না,—সাজাহান—সয়তান! সয়তান! সাম্রাজ্যের সমস্ত শক্তি নিয়ে একে দমন করো, এই আমার হুকুম! এই দণ্ডে এই মর্মে পরোয়ানা প্রচার করো—সাজাহান বিদ্রোহী হয়েছে; তার সমস্ত সম্পত্তি বাজেয়াপ্ত হ'ল; যে সাজাহানকে সাহায্য করবে সেও বিদ্রোহী বলে গণ্য হবে। সাজাহানকে দমন করবার জন্য সমস্ত সাম্রাজ্য যুদ্ধ সজ্জায় সজ্জিত হবে—মোগল সাম্রাজ্যের সমস্ত সমর্থ প্রজা বাদশাহের পতাকামূলে সমবেত হোক।—আর ক্ষমা নয়, উপেক্ষা নয়—সয়তান! সয়তান! দমন করো—দমন করো!

[ প্রস্থান। ]

আসফ । সাজাহানের ছুরদৃষ্ট ! সহসা সম্রাট উত্তেজিত হয়ে চরম ব্যবস্থা করলেন,—কিন্তু এ ভাবটা আগে ছিল না ।

মুরজাঁহান । আজ কাল এরকম হয়েছেন ! হঠাৎ উত্তেজিত হয়ে পড়েন ! বিশেষতঃ মেহের পাত্রকে উদ্ধত হতে দেখলে, ক্রোধ আর বরদাস্ত করতে পারেন না ।—বাক ! সম্রাটের ইচ্ছামত কাজ করাই এখন আমাদের কর্তব্য । আমার ইচ্ছা, সাজাহানকে সায়েস্তা ক’রে, তার ভুল ভেঙ্গে দিয়ে, তার পদেই তাকে আবার—বাহাল করা ।

মহাবৎ । এখন আমার প্রতি কি আদেশ সম্রাজ্ঞী ?

মুরজাঁহান । মহাবত জঙ্গ, তুমি এ বৃদ্ধের সেনাপতি ।

মহাবৎ । সম্রাজ্ঞী !—

মুরজাঁহান । জানি, সাজাহান তোমার শিষ্য, প্রাণাধিক প্রিয় ; কিন্তু এও জানি আমরা, মোগল সম্রাটের মহিমাময় গৌরব রক্ষার জন্ত মহাপ্রাণ মহাবৎ খাঁ পুত্রের বিরুদ্ধেও অস্ত্রধারণে কুণ্ঠিত নন !

মহাবৎ । সম্রাট-সদনে যতক্ষণ এ বৃদ্ধের আত্মসম্মান অক্ষুণ্ণ থাকবে সম্রাজ্ঞী—ততক্ষণ মোগল সম্রাটের গৌরব রক্ষার জন্ত আপনি চিন্তিত হবেন না ।—হায় দুর্ভাগ্য সাজাহান ! অগ্নিকুণ্ডে ঝাঁপ দেবার পূর্বে একবার এ বৃদ্ধকে জিজ্ঞাসাও করলে না !

মুরজাঁহান । তা হলে হয়ত এ বিল্লাট এতদূর বিস্তৃত হবার অবকাশ পেত না ! কিন্তু কৃতজ্ঞ সাজাহান বৃদ্ধ মহাবতকে উপেক্ষা করলেও, আমরা এ সঙ্কট সময় তাঁর প্রয়োজনীয়তা বেশ বুঝতে পারছি । উদ্ধত সাজাহানকে বাধ্য করে আগরায় ফিরিয়ে আনবার সামর্থ্য রাখে এক মাত্র মহবত জঙ্গ !—তুমি প্রস্তুত হও সেনাপতি ; সবিশেষ শীঘ্রই জানতে পারবে ।

মহাবৎ । হতভাগ্য সাজাহান !

[ প্রস্থান ।

সুরজাঁহান । পারভেজ, সম্রাটের ইচ্ছা, তুমিও এ যুদ্ধে মহাবতর্কার সহায়তা কর । তোমার খ্যাতি লাভের এই উত্তম সুযোগ সাজাদা !

পারভেজ । আমি ত প্রস্তুত আছি সম্রাজ্ঞী !

সুরজাঁহান । আবশ্যক হলে তোমাকে বাঙ্গালা পর্য্যন্ত অভিযান করতে হবে । যাও সাজাদা,—মহাবতর্কার মেহ আকর্ষণ কর ; যুদ্ধের হৃদয় ( আসফখাঁর দিকে বক্রদৃষ্টে চাহিয়া ) সাজাহানময়,—সে স্থান অধিকার কর ।

পারভেজ । আর শারিয়ার ?—

সুরজাঁহান । যে কান্দাহার উপলক্ষ্য করে এই বিদ্রাট, সেই কান্দাহারেই শারিয়ারকে অভিযান করতে হবে । প্রস্তুত হও শারিয়ার ।—

শারিয়ার । আবার—কান্দাহার !

সুরজাঁহান । হাঁ সাজাদা ! তুমি মোগলের মুখে কালি ঢেলে দিয়েছ ! মোগলকে কলঙ্ক মুক্ত কর ; কান্দাহার উদ্ধার ক'রে মোগলের মুখ উজ্জ্বল কর ।—যাও—

[ পারভেজ ও শারিয়ারের প্রস্থান ।

উজীর সাহেব ! সম্রাটের আদেশ মত পরোয়ানা প্রস্তুত কর ;—সাম্রাজ্যের সকল স্থানে পাঠাতে হবে ।

আসফ । তাই হবে ।—সম্রাজ্ঞীর আদেশ ! দাসত্বের নাগপাশ এ ! সৌভাগ্য আমাদের ভগিনী—পিতা গারসউদ্দিন আজ বেহেশ্তে ! সেইখান থেকে তিনি দেখুন—কণ্ঠা জামাতার মৃত্যুবান কেমন নিপুণভাবে রচনা করতে এ হাত এখনও পারে ! [ প্রস্থান ।

সুরজাঁহান । জামাতার পরিণাম ভেবে ব্যাকুল তুমি তা বুঝেছি, সম্রাট ভয় পেয়ে সন্ধি করবে, এই তোমার ভরসা ছিল ! তুমিই এখন আমার প্রধান শত্রু,—মমতাজ তোমার মেয়ে ! কিন্তু তোমাকে আমি কীটের চেয়েও দুর্বল মনে করি ।



## জাহাঙ্গীরের প্রবেশ ।

জাহাঙ্গীর । সব বিদেয় হয়েছে ? বাঁচা গেছে !

শুরজাঁহান । বেশ মজার লোক ত ! ঝড়টি যেমন উঠল,—অমনি দে  
চম্পট !

জাহাঙ্গীর । সে কি কথা গো ! ঝড় ত আমিই তুলেলাম ! তবে  
সামলাবার ভারটা অবশ্য বুঝেছিলাম সম্রাজ্ঞীই নেবেন ; আর  
সম্রাজ্ঞী যা বলবেন, তা সকলেই মানবেন ! নয় কি ?

শুরজাঁহান । সেটা সম্রাটের সৌজন্তে !

জাহাঙ্গীর । অনুগ্রহে—নয় ?

শুরজাঁহান । তা হলে যেন এক ধাপ নেবে যেতে হয়, তাই সাহিত্যের  
ও একটা মার্জিত অলঙ্কার !

জাহাঙ্গীর । ওহো তাই বটে ! ভুলে গিয়েছিলাম—ভারত-সম্রাজ্ঞী  
আজকাল গোপনে সাহিত্য চর্চাও কবে থাকেন ।

শুরজাঁহান । আর ভারত-সম্রাটও যে তাই দেখে—লুকিয়ে লুকিয়ে নিজের  
জীবন চরিত লিখতে আরম্ভ কবেছেন—সে সংবাদও কেউ  
কেউ রাখে !

জাহাঙ্গীর । সত্যি নাকি গো ? তুমি তাও জেনেছ নাকি ?

শুরজাঁহান । জানলেই বা ক্ষতি কি গো ? জবাবদিহির ভয়ে সম্রাট  
তো তাতে অনেক কথাই চেপে যাচ্ছেন !

জাহাঙ্গীর । এ কিম্বদন্তি ঘোরতর অন্যায়—রাহাজানী !

শুরজাঁহান । এও সম্রাটেরই আমদানী ।

জাহাঙ্গীর । ওরে কে আছিস—নিয়ে আয় বাদশাহী সরবৎ—

শুরজাঁহান । ও কি হুকুম হল সম্রাট ! এখনি বে ?—

জাহাঙ্গীর । ঠিক সময় হয়ে এসেছে, সূর্যাস্ত হতে এখনো দণ্ড দুই বাকী !  
তোমারই নিয়ম আমি মেনে চলেছি, বেগম সাহেব !

মুরজাঁহান । এবার আমি নিয়ম করে দেব, সমস্ত দিনে সন্ধ্যাট মদ স্পর্শ করতেও পারবেন না,—সন্ধ্যার নামাজের পর—  
জাহাঙ্গীর । ক্রমশঃই যে সময় সরিয়ে দিয়ে চলেছ গো !—আইন কি এমন ঘন ঘন বদলালে চলে ?

মদ্য পাত্রাদি লইয়া রঞ্জিলা বাঁদীর প্রবেশ  
ও প্রদান ।

( মদ্যপান পূর্বক ) আঃ—দুঃখ এই—আমার, ভারত-সম্রাজ্ঞী  
এর কদর বুঝেন না !

[ মুরজাঁহানের ইঙ্গিতে বাঁদীর প্রস্থান ।

মুরজাঁহান । স্বয়ং ভারত-সম্রাট যোগ বছর বয়স থেকে যে রকম প্রচণ্ড  
প্রতাপে এর কদর করে এসেছেন,—তাতে সমস্ত ভারতবাসী  
সম্রাটের শাসনকালে যদি এর কদর না করে—তবু কোন ক্ষতি  
হবে না ।

জাহাঙ্গীর । তাই নাকি ?

মুরজাঁহান । সেই জন্মই ত সম্রাট আইন করেছেন,—মোগল সাম্রাজ্যে  
কেউ যেন মদ বিক্রী না করে !

জাহাঙ্গীর । ওঃ তোমার কথায় কথায় এই খোঁটা—সত্যই অসহ্য হয়ে  
উঠেছে ! আমি শীঘ্রই এটা ত্যাগ করব । ( পান )

মুরজাঁহান । এমন ত্যাগ অনেকবারই সম্রাট করেছেন ।

জাহাঙ্গীর । বাক,—মীমাংসাটা কি রকম হল ?

মুরজাঁহান । খুব পরিষ্কার ! মহাবৎ হল সেনাপতি, সাজাদা পারভেজ  
তার সহযোগী ; খাঁজাহানকে নবাব উপাধি দিয়ে দক্ষিণাত্যের  
সুবেদারী দেওয়া হ'বে—শারিরারই আবার কান্দাহারে বাবে ।  
মীমাংসা মন্দ হয়েছে ?

জাহান্নীর। থামা!

মুরজাঁহান। কালই দরবারে এগুলো মঞ্জুর করতে হবে। আমার মুখের দিকে অমন করে একদৃষ্টে চেয়ে যে!

জাহান্নীর। তোমাকে দেখছি! বোধবাক্তি বলতেন, হিন্দুদের এক দেবী আছেন, তাঁর মূর্তি নাকি প্রহরে প্রহরে বদলে যায়! প্রভাতে একরূপ, মধ্যাহ্নে অপরূপ, আবার সন্ধ্যায় আর এক রূপ। বোধ হয় এ উক্তিটা সত্যি; কেন না আমার কাছে এখন যে দেবীটি বসে আছেন, ঘণ্টায় ঘণ্টায় এঁরো রূপের এমনি পরিবর্তন দেখতে পাই।

মুরজাঁহান। সম্রাট চক্ষুস্থান! রূপ চিনতে সম্রাটের চক্ষু চিরদিনই অদ্বিতীয়।

জাহান্নীর। শুধু চিনতে? এ চক্ষে যে রূপ ধাঁধাঁ লাগায়—তাকে চোখের সামনে এনে বসাতেও সম্রাট জানে! কি বল সম্রাজ্ঞী?  
( অর্থপূর্ণ বক্রদৃষ্টি )

মুরজাঁহান। ( দীর্ঘ নিঃশ্বাস ফেলিয়া ) সম্রাটের এ কীর্তি চিরস্মরণীয়।

[ প্রস্থান। ]

জাহান্নীর। বুঝেছি, ঘাটা ঠিক জায়গায় লেগেছে—তাই পূর্ব স্বতির তাড়নায়—মুখ লুকুতে পালাচ্ছ! সত্যই এ কথাটা ভুলে অত্যাচার করেছি। যৌবনের তীব্র লালসায়—সে হিংসার কথা মনে হলে এখনো শিউরে উঠি! এই রূপসীকে পাবার জন্য কি কার্য না করেছি। তরুণ নৌবনে এই চক্ষে যে রূপ-জ্যোতিঃ ফুটে উঠেছিল, সেই রূপ আহরণ করতে—ওঃ—কি—কি কার্য না করেছি! তার প্রায়শ্চিত্ত এখন একটার পর একটা ছুটে আসছে।

### নূরজাঁহানের প্রবেশ ।

এসছ ? এস, এস,—কাছে এস,—আরো কাছে ; তোমারই কথা ভাবছিলাম প্রিয়তমে !

নূরজাঁহান । আর নয়,—এবার ক্ষ্যাত্ত হোন সম্রাট ! আপনার মন্ততা এসেছে—

জাহাঙ্গীর । না,—না,—না—আমি ঠিক আছি,—যে ভাবে বাদশাহী তক্তে বসে থাকে বাদশাহ জাহাঙ্গীর ! আমি—আমি—আর আর—তুমি—প্রিয়তমে—নূরজাঁহান—ভারতের বেগম-বাদশা—কাছে এসো—( হাত ধরিয়া পার্শ্বে বসাইলেন )

নূরজাঁহান । এখনো পান কচ্ছেন সম্রাট ! দেখতে পাচ্ছেন না আপনার সর্বাঙ্গ কাঁপছে !

জাহাঙ্গীর । কই ? না—এ কিছু নয় ; দাঁও—আরে! দাঁও ; কিসের ভাবনা সম্রাজ্ঞী ? জাহান্নমে যাক মাজাহান,—ওলট পালট হয়ে যাক ছুনিয়া,—আমি আছি—তুমি আছ,—ভাবনা কি ? তোমাকে আমি—আমারও ওপরে তুলিছি—ভাবনা কি ?—বেগম-বাদশা তুমি ভারতের—এবার নূতন মোহরের এক পীঠে তোমার তসবীর, আর পীঠে ফারসী বয়েদ—

বাহুকমে শাহ জাহাঙ্গীর আফ্ ত জেবর

বনামে নূরজাঁহান বাদশাহ বেগমজর ।

অর্থাৎ—অর্থাৎ—জাহাঙ্গীর বাদশাহর হুকুম—বেগম বাদশা নূরজাঁহানের মূর্তি আঁকা মোহরের গোরব শতগুণ—শতগুণ বেশী ! কেমন ? ইয়া—( শয়ন )

নূরজাঁহান । সুরার এই পরিণাম ! আর জাহাঙ্গীর, তোমার কি পরিণাম ? যখনই পূর্বস্মৃতি মনে জেগে ওঠে, তখনই ইচ্ছা করে—পরিণাম আমিই দেখিয়ে দিই ! বুকের ওপর তীক্ষ্ণ ছুরি তুলে আবার

হাত নামিয়ে নিয়েছি,—ওই মুখখানি দেখে ! কি স্বচ্ছন্দ  
 নির্ভরতা—কি অখণ্ড বিশ্বাস ওই মুখ ভরিয়ে রেখেছে ! যেন  
 সর্বদাই ব্যক্ত করছে—‘তুমি আমার সব, আমি বড় অসহায়,  
 আমার সুখ, দুঃখ, সম্পদ সমস্ত তোমার হাতে দিয়ে আমি  
 নিশ্চিন্ত !’—সব ভুলে যাই, পূর্বস্মৃতি লজ্জায় সরে যায়, ওই বুকে  
 আছাড় খেয়ে পড়ি ! না—না—নিশ্চিন্ত হও তুমি প্রিয়তম,—  
 মেহেরুন্নিসা মরেছে ; তুমি তুমি—মুরজাঁহানের স্বর্কস্ব ;—সে  
 তোমার জাগরণ সহচরী—নিদ্রায় বিনিদ্র প্রহরিনী !

### দ্বিতীয় দৃশ্য ।

মাড়বার সীমান্ত প্রদেশ, দুর্গ সন্নিহিত পর্বত্য-পথ ।  
হসিয়ার ( দরবেশবেশী ) ও মনিজা ( দেওয়ানবেশিনী )

হসিয়ারের গীত ।

শরীর মহলমেঁ বাজে বাডা  
জগমগ জোত উজেরী  
সহজ রংগ্ ভরৈ সকল তমু  
ছুটন নাহিঁ করেৱী ॥

মনিজার গীত ।

কাৱা-নগর মঁঝার  
সান্ধি খেলৈ হোরী ।  
গান্ত রাগ সরস সুর মোটৈ  
অতি আনন্দ্ ভয়োরী ॥

হসিয়ারের গীত ।

শরীর মহলমেঁ বাজা বাজে  
হোত ছতীসোঁ রাগ ।  
সুরত সখী জঁহ দেখ তমাশা  
বালম খেলৈঁ ফাগ ॥

মনিজার গীত ।

আপ্নে পিয়া সংগ্ হোলী খেলৈঁ  
লজ্জা ভয় নিবাগ ।  
সারা জগমে হোত কুতূহল  
বটরৈঁ রাগ অনুরাগ ॥

হুসিয়ারের গীত ।

হামরেকো খেণে ঐসী হোরী  
পংখ নিহারত জনম গিরানা  
পরঘট মিলে ন চোরী ॥

মণিজার গীত ।

শ্রবণ না শুনেব, নৈন নহিঁ দেখেব  
প্রাণন প্রাণ লগাববরী ॥

হুসিয়ার । সাবাস বেটি ! এ গানও তোমার জানা আছে ।

মণিজা । সাধু কবীর সাহেবের এ গান কে না জানে হজরত ! আপনি  
এ গান কোথায় পেয়েছিলেন ?

হুসিয়ার । দিল্লীতে ।

মণিজা । আমার স্বামী যে ওস্তাদ রেখেছিলেন, আমি তাঁর কাছে এ গান  
শিখেছিলুম ! শুনিছি, হোগীর সময় বাদশার রঙমহলে এই  
গান গাওয়া হয় ।

হুসিয়ার । গান যেমন মিষ্টি, তোমার গলাখানি তার চেয়ে মিষ্টি বেটি !

মণিজা । কবির সাহেবের আর একখানি গান ধরব হজরত ?

হুসিয়ার । তুমি গাও বেটি, আমি শুনি—

মণিজা । সে কি, আপনিও ধরবেন না হজরত ?

হুসিয়ার । আমার শরীরটা কেমন বেএক্তিরার হয়ে পড়েছে, যেন নিজেকে  
নিজেই সামলাতে পারছি না ; মাথার ভেতর চক্রর দিচ্ছে, আমি  
এখানে বসি বেটি ( উপবেশন )

মণিজা । তাহলে আমি বান্দাকে ডাকি, উটের পীঠ থেকে ফরাস নামিয়ে  
এনে এখানে বিছিয়ে দিক্ ।

হুসিয়ার । না—না—কিছু করকার নেই ; এখন কি করাসে বসে আরাম

নেবার সময়েরে বেটি ! ওঃ—আঃ ( হাইতোলা ) কিন্তু আমার  
চোখ ঘেন জড়িয়ে আসছে—

মণিজা । তাহলে আর এক পিয়ালো সরবত হুকুম হোক হজরত !

হুসিয়ার । উহঁ—ও সরবৎ ভাল নয় বেটি ! ওই খেয়ে অবধি আমার  
শরীরের জুত কমে আসছে ।

মণিজা । সে কি হজরত ! আমার ও সরবত খেলে মুস্ড়ে পড়া মানুষও  
চাক্ষা হয়ে উঠে ! মরুভূমির ওপর দিয়ে আসতে লু লেগেই  
আপনার শরীরটা বেজুত হয়ে পড়েছে ।

হুসিয়ার । ঠিক কথা ! লু লেগেই এমনটা হয়েছে ।

মণিজা । আমার এ সরবত লু বরদাস্ত্ করবার ভারী দাওয়াই !

হুসিয়ার । বটে !

মণিজা । এই নসীর ! লেয়াও সরবত ; জল্দী !

নসীর বান্দার সরবত লইয়া প্রবেশ ।

( স্বয়ং ঢালিয়া ) এই নিন হজরত ।

হুসিয়ার । তবে দে বেটি ! তোর কথাতো ঠেলতে পারি না—( পান )  
আর আমরাও তো এসে পড়েছি ! ঐ না কেলা দেখা যাচ্ছে—  
( মণিজার পুনরায় প্রদান, হুসিয়ারের পান ) আঃ—

মণিজা । হাঁ হজরত—ঐ যোধপুরের কেলা ! পথে শুনলেন না—রাজা  
আজ কেলায় ময়দানে ফৌজদের কাওয়াজ দেখতে এসেছেন ।

হুসিয়ার । হাঁ হাঁ—রাজার সঙ্গে এইখানে দেখা করবার—(উঠিবার প্রয়াস)

মণিজা । ( পুনরায় এক পাত্র দিয়া )—বসুন না হজরত,—আর একটু  
বিশ্রাম করুন ;—ঠিক সময়েই আমরা রাজার কাছে যাবো—  
খান্ আর এক পিয়ালো—(প্রদান ও পান)



হুসিয়ার । আঃ—তোফা ! তোফা ! এতক্ষণে শরীরের জুত—খাসা—  
খাসা—বাহোবা কি বাগোবা—আবার—আবার ? আচ্ছা দে  
বেটি দে—( প্রদান ও পান )

মণিজা । আপনি একটু বিশ্রাম করুন হজরত, আমি রাজার খবরটা  
নিয়ে আসি—

হুসিয়ার । বহুত খুব—খবর—খবর—আচ্ছা—যা বেটি যা,—নিয়ে আস  
রাজার খবর ! বাজীমাত—আর কি—বাস্ ।

মণিজা । হজরতের মেহেরবানীতে দেওয়ানাই বাজীমাত করবে ।

[ প্রস্থান ।

হুসিয়ার । ভারী কুর্ভি মনে হচ্ছে আজ ! কেয়া তোফা ! কেয়া তোফা !  
বাজীমাৎ—মাত্—একদম মাত্ ! বেগম-বাদশা ! এবার ?  
বাস্—কাজ ফতে ! বাজীমাত ! দরবেশ মিঞা আর একটু  
পরে এমন চাল—চা-ল-বে—রাজা পর্য্যন্ত মাত হয়ে যাবে বাবা !  
বেগম-বাদশা ! তোমাকে ঘাল করবে—মমতাজ বেগমের এই  
অস্তর্ ! ( আলখাল্লার নিয়ে রক্ষিত কুর্তার ভিতরের অংশ  
নির্দেশ ) হাঁ—ঠিক আছে ! আঃ—কেয়া তোফা—দরবেশ মিঞা  
যেন হাওয়ার ঘোড়ার সওয়ার হয়ে—হুহ তেজে—এ-এ-এ—  
বা—স্—ই—য়া—( শয়ন ও আচ্ছন্নভাব )

মণিজার প্রবেশ ।

মণিজা । হজরত এতক্ষণে সত্যই কাত হলেন দেখছি ! খোজার প্রাণ !  
তিন ঘণ্টা ধরে পান করেও এতক্ষণ যুঝেছে ! সত্যই এবার  
বাজীমাতের পালা ! হজরত ! হজরত ! ওঃ, একেবারে বেহঁস !  
এবার দরবেশ মিঞার মমতাজ বেগমের অস্ত্র দুখানা হরণ করা  
যাক্ ! ( যথাস্থান হইতে পত্র দুইখানি বাহির করণ ) এখন

এই অস্ত্র আমার হাতে আশুক, আর মুরজাঁহান বেগমের অস্ত্র হজরতের কুর্ভায় ঢুকুক। ( নিজের অঙ্গবস্ত্র হইতে পত্র বাহির করিয়া যথাস্থানে পত্র রক্ষা ) ওঠ হজরত ! রাজার নামের পত্র নিয়ে রাজার সঙ্গে দেখা কর ! আর দেওয়ানাও রাণীর নামের পত্র নিয়ে রাণীর সঙ্গে দেখা করতে চোলল ! নসীব ! আমি তৈরী, উঠ নিয়ে আয়। হাঁ, বাবার সময় হজরতের একটা কিছু নিসানাও এই সঙ্গে নিয়ে যাওয়া যাক— ( হুসিয়ারের দাড়ী খুলিয়া লওন ) চাঁচা ছোলা পোড়ার মুখ এবার প্রকাশ হোল ! ওঠ হজরত ! উঠে দেখ—বাজীমাত করলে কে ?

[ প্রস্থান।

( দুইজন যোধপুরীর প্রবেশ )

- ১ম। মোগলের ঘরে মেয়ে দিয়ে আর মোগলের পক্ষ হয়ে মেবাবের সঙ্গে লড়াই করে মাড়বার যে কলঙ্ক কিনেছে—হাজার বছরেও তা মুছবে না।
- ২য়। তাহলেও এবার মাড়বারের পড়া ফিরেছে এটা ঠিক। মাড়বারের কলঙ্ক মোছবার জন্য রাজা রাণী দুজনেরই ধনুর্ভঙ্গ-পন ! আজ কেলায় কাওয়াজ, দেখলেই বুঝবে, মাড়বার কি ভাবে তৈরী হচ্ছে।—এ আবার কে এখানে শুয়ে হে ?
- ১ম। তাইত ! বিদেশী বলে মনে হচ্ছে না ?
- ২য়। হয়তো কারোর গুপ্তচর ! আমাদের দেখে ঘুমোবার ভান করে পড়ে আছে ! (হুঁসিয়ারকে ঠেলা দিয়া) এই ওঠ ওঠ—
- উভয়ে। (হুঁসিয়ারকে সবলে ধরিয়া) আরে—ওঠ—ওঠ—

হুসিয়ার। একি বাবা! এখনো যে শির ঝিম ঝিম করছে! কে বাবা তোমরা? কোথায় রে আমার দেওয়ানা বেটি? একি বাবা! আমার দাড়ী? আমার দাড়ী কোথায় গেল?

১ম। ও সব পাগলামো বা মাতলামোর ভান করে ছাড়ান পাচ্ছনা যাদু!

২য়। বল তুই কে?

হুসিয়ার। পোষাক দেখে চিনছ না চাঁদ? সারাপথ দরবেশ মিঞা সবার কাছে পেয়ে এল সেলাম,—আর এইখানে এসে তোমাদের কাছে পাচ্ছে কিনা গাল আর গলাধাক্কা মোলা'ম! এখন সত্যি করে বল, আমার দাড়ী—ওরে অ দেওয়ানা বেটি—অ নসীর বান্দা—

১ম ও ২য়। চোপরাও!

হুসিয়ার। (১ম ব্যক্তির লগ্না দাড়ীর দিকে তাকাইয়া) হুঁ—মতলবিয়া ইয়ার! পীরের সঙ্গে মামদো বাজী? দরবেশ মিঞার দাড়ীখানা বড় পছন্দ হয়েছে না? তাই বেওয়ারিস মালের মত বেমানুম ভুলে নিয়ে নিজের মুখে চড়িয়েছ চাঁদ! (১ম ব্যক্তির দাড়ী দহসা আকর্ষণপূর্বক) ছাড় বলছি আমার দাড়ী—

১ম। উহুহুহু ওরে বেটা পাজি সয়তান—ছাড়্ ছাড়্—

হুসিয়ার। তুমিই ছাড় না ধন! এর মালিক যে এই দরবেশ মিঞা—  
(আকর্ষণ)

১ম। ওহ হো—

২য়। এই যে দেখাচ্ছি মজা! বেটা মাতাল—(গলা টিপিয়া ধরণ)

হুসিয়ার। হ-হ-হ-হ—ছাড়ান দাও বাবা—ছাড়ান দাও—আমি ছেড়ে দিয়েছি—

২য়। (গলা ছাড়িয়া দিয়া) কেমন? আর মাতলামী করবে? পরের দাড়ীতে হাত!

১ম। শুধু হাত ! টেনে জখম করে দিয়েছে ! উঃ—

হুসিয়ার। আমারও আক্কেল এবার ফিরে এসেছে ! দেওয়ানা বেটি নেই, নসীর নেই, উট নেই,—সঙ্গে সঙ্গে দাড়ীও উধাও ! মাথা এবার বন্ বন্ করে যুরছে ; তবে বুঝি—অস্ত্রও আমার (কুর্ভামধ্যে যথাস্থানে হাত দিয়া) আঃ—খোদা—মেহেরবান ! বাঁচালে বান্দাকে,—ঠিক আছে ! ঠিক আছে ! যাক্ দাড়ী ! দূর হোক দেওয়ানা ! আমি ঠিক আছি—

২য়। আমরাও তোমাকে ঠিক জায়গায় নিয়ে যাচ্ছি চল না,—নিশ্চয় ফন্দীবাজ ! চল রাজার কাছে কেলায় !

হুঁসিয়ার। কেলায় ? রাজার কাছে ?

২য়। আজে হাঁ জনাব !

হুসিয়ার। তবে ত মার দিয়া কেলা—ইয়া আল্লা !

২য়। পালাবার চেষ্টা করেছ কি মরেছ !

হুসিয়ার। দরবেশ মিঞা—দেওয়ানা নয় বাবা—পালাবে না—

১ম। উহু—এখনো চড়চড় করছে—মাথা পর্য্যন্ত টনটন করছে— দাড়ী রেখে কি বিড়ম্বনা । পাজী—বজ্জাত—খুনে ! পরের দাড়ী ধরে টান !

[সকলের প্রশ্বাস

## তৃতীয় দৃশ্য ।

যোধপুর দুর্গ-প্রাসাদ ।

মহামায়া ও রাঠোর কন্যাগণ ।

রাঠোর কন্যাগণের

গীত ।

আঁধায় ঘেরা এ ভারত গগনে

চকিত চপল চপলা বরণে

আমরা ভারত ললনা ।

দীপ্ত করিতে তিমির রাত্রি

মোরা জ্বালামুখী আলোক-যাত্রী

নির্ভয়া নিরাভরণা ॥

কঠোর জাগাব আজিকে আমরা

ঘুচায়ে কোমল আবরণ,

প্রলয়ের সাজে সাজিব আজিগো

খুলিয়া প্রণয় আভরণ ;

মঞ্জীরে নহে শিজিনী ;—আজি

ঝঙ্কা বাজাবে ঝঙ্কনা ॥

সবমের বাঁধ ভাঙ্গিয়া আজিকে

চলিব চরম লক্ষি গো,

রক্ষিণী মোরা ধরমের নীতি

ধরম মোদের রক্ষী গো ;

সহিব না আর সরল হাশ্বে

দাশ্বের শত ছলনা ॥

পিছনের স্বতি থাক সে পিছনে  
 সম্মুখে মোদের অভিযান,  
 পশিতে যে হবে আহবে আজি গো  
 আসে মরণের আহ্বান ;  
 মৃত্যুর মাঝে লভিতে অমৃত  
 সমরে মোদের সাধনা ॥

মহামায়া । এই রাঠোরের শুদ্ধি মন্ত্র,—বীরভূমি মাড়বারের মুক্তি কেতন !  
 দুর্ভাগ্য রাঠোর রাজা উদয়সিংহ—মোগলের পেয়ারের মোটা  
 রাজা—অজস্র অপযশ অর্জন করে, মাড়বারকে রাজস্থানে সবার  
 নীচে নামিয়ে দিয়ে গেছেন ! পতিত মাড়বার এবার অগ্নিশুদ্ধ  
 হয়ে আবার উঠছে ! অর্ধ শতাব্দী পরে নিদ্রাচ্ছন্ন মাড়বারের  
 চোখের পল্লব নড়েছে—তোমরা জেগেছ বলে । যেখানে নাবীর  
 প্রাণে ধর্ম, মনে শক্তি, দেহে স্বাস্থ্য, সেখানেই মহাশক্তির  
 অধিষ্ঠান । তোমাদের শক্তির্চর্চায় রাঠোর আজ শক্তিমান,  
 তোমরাই মাড়বারের গৌরব, ঐশ্বর্য্য, প্রাণ—

যশোবন্তের প্রবেশ ।

যশোবন্ত । মহামায়া—

মহামায়া । এরই মধ্যে ফিরে এলে যে—এত শীঘ্র দুর্গের কাণ্ড সমাপ্ত  
 হয়ে গেল ?

যশোবন্ত । দুর্গে সেনাপরিদর্শনের কাণ্ড আপাততঃ অসমাপ্ত রেখে, এবণ্ড  
 চেয়ে আরও গুরুতর কাণ্ডে লিপ্ত হতে হল,—তোমাকে তারই  
 বার্তা দিতে দুর্গ থেকে একাই প্রাসাদে চলে এসেছি ।

মহামায়া । হয়েছে কি মহারাজ ? তোমার মুখ চোখ দেখে মনে হচ্ছে—  
 এমন কিছু অসাধারণ ঘটনা ঘটেছে—যা উপেক্ষা করবার নয় ।

যশোবন্ত । মহারাণীর অনুমান যে অতি সত্য, তার পরিচয় দেবে—

এই পত্র—[পত্র প্রদান ।

মহামায়া । [ পত্র লইয়া ] মহারাজের নামেই পত্র, পাঠাচ্ছেন—কে ?

( পত্রের নিম্ন অংশ দৃষ্টে ) সম্রাট—সাজাহান ?—তোমার সেই

সুহাদ—সাজাদা খুরম না ?—এই সেদিন বাদশাহ জাহাঙ্গীর

যাকে সাজাহান উপাধি দিয়েছেন—তিনি এরই মধ্যে সম্রাট

হয়ে বসেছেন নাকি ?

যশোবন্ত । সম্রাটের নাম ত পড়লে,—এখন তাঁর স্বপ্ন—কল্পনা—

আকাঙ্ক্ষা—একটি একটি করে পড়—

( মহামায়া পড়িতে লাগিলেন, পড়িতে পড়িতে তাঁহার মুখমণ্ডলে

বিস্ময়, ক্রোধ ও সংশয়ের ভাব প্রকাশ পাইল )

কুক্ষণে রাঠোর-কলঙ্ক উদয়সিংহ জাহাঙ্গীরের হস্তে কন্যা সম্প্রদান

কোবে—মাড়বারের বৃকের উপর রাবণের চিতা জ্বলিছিল !

সোথ বৃজুলেও নিস্তাব নাই, তার তীব্র জ্বালায় স্বতি মনশ্চক্ষে

ফুটে ওঠে ।—সেই অভাগিনী রাঠোর-কন্যার গর্ভজাত সন্তান—

এই সাজাহান ।—রক্তের টানে—সে আজ রাঠোরের কান

দুটো টানবার জন্ত হাত বাড়িয়েছে—

মহামায়া । ( যশোবন্তের উপরোক্ত উক্তি কালে মহামায়ার পত্রখানি দুইবার

পাঠ ও সঙ্গে সঙ্গে ভাবের অভিব্যক্তি প্রকাশ ) হুঁ !—

পত্র পড়ে বুঝতে পারছি, যে কোন কারণেই হোক—সাজাদা

সাজাহান বিদ্রোহী হয়ে নিজেকে সম্রাট বলে ঘোষণা করেছে,—

আর, সঙ্গে সঙ্গে মাড়বারের মহারাজকে মোগলের চির অনুগত

ভৃত্যস্থানীয় মনে করে—অবিলম্বে তার চরণে সেলাম বাজাতে

আদেশ করেছে । হুঁ—

যশোবন্ত । মনে করেছে এই দান্তিক সাজাদা—মাড়বারের যশোবন্তসিংহ, মোগল-রাজের অধীন ভৃত্য বা অনুগত প্রজা ! দুরাকাজ্জার আবর্তে পড়ে সে আজ ভাবতেও ভুলে গেছে যে, পুরুষানুক্রমে মাড়বার মোগলের সহায়তা করে এসেছে—দাসত্ব নয় । সম্রাট হবার স্বপ্ন দেখেই যে এরকম পত্র লিখতে পারে—যদি সত্যই সে সিদ্ধকাম হয়—কোন্ দুরাশা না সে তখন চরিতার্থ করবে । এই সাজাদাকে আমি কিন্তু প্রীতিরূচক্ষে দেখতেম—

মহামায়া । আজগীরে ঔর সঙ্গে তোমার খুবই বন্ধুত্ব হয়েছিল, আর সেই সূত্রে সাজাদার মমতাময়ী স্ত্রীর সঙ্গে আমারও অল্প ঘনিষ্ঠতা হয় নি ।

যশোবন্ত । দুরাকাজ্জার তাড়নায় আজ সে সব কথা এই সাজাদা মন থেকে মুছে ফেলেছে । পত্নীর বিরুদ্ধে যে অস্ত্র ধরতে পারে, তার পক্ষে সবই সম্ভব । উঃ—কি স্পর্ধা এই সাজাদার ;—আমিও যোগ্য জবাব দিয়েছি,—মাড়বারের সিংহ—সিংহ-বিক্রমেই মোগল-সেরের সঙ্গে সাঙ্ঘাত্য করবে ।

মহামায়া । সাজাদার এই পত্র রাঠোরের বীররক্ত উত্তপ্ত করবার পক্ষে যথেষ্ট—তাতে সন্দেহ নাই, কিন্তু তবু আমার মনে হয়—সহসা উতলা না হয়ে—ভাল করে বিবেচনা করা আবশ্যিক—

যশোবন্ত । বিবেচনা !—এখনও বিবেচনা করতে চাও—তুমি ?—  
মাড়বারের মহারানী !

মহামায়া । এই জটিল পত্র সম্বন্ধে বিবেচনা করবার কি কিছুমাত্র অবকাশ নাই মহারাজ !—সাজাদা খুরম—এখন সাজাহান হলেও, তিনি ত কখনো এমন উদ্ধত ছিলেন না ।—আর যঁারা বর্তমানে মোগল-রাজনীতির ধারার সঙ্গে পরিচিত আছেন, তাঁরা অবশ্যই স্বীকার করবেন যে—সাজাহানের বিদ্রোহ ঘোষণার



হেতুরও অভাব নাই। সে যাই হোক, বিবেচনার বিষয় এইটুকু মহারাজ—সাজাহানের মত বুদ্ধিমান উচ্চাভিলাষী, যে জানে—মাড়বারের সমূহ শক্তি মিত্রভাবে আয়ত্ত করা খুবই সহজসাধ্য—তার পক্ষে এমন সঙ্কট সময়—এই রকম ঘণ্টা উদ্ধত পত্র পাঠিয়ে—মাড়বারের মত শক্তিকে শত্রু করা কি সম্ভব? আর সেটা কি এই সূত্রে স্বাভাবিক?

যশোবন্ত । এ সব তথ্য নিয়ে বিচারের কোনও আবশ্যিকতা দেখছি না! তার অপরাধের প্রত্যক্ষ প্রমাণ এই পত্র। (পত্রখানি স্বহস্তে লইয়া নির্দেশ পূর্বক) সম্রাট সাজাহান ব'লে শীল মোহর করা। আর কি চাই? জানত, চিরদিনই আমি অধৈর্য্য, অগ্রায় ও অমর্যাদা আমি সহ করতে অক্ষম।

মহামায়া । মহারাজের এই ধৈর্য্যের অভাব ও হঠকারিতাই মাড়বারের বর্তমান রাজনীতির একান্ত প্রতিকূল। এর পরিণাম—বিড়ম্বনাময়!

যশোবন্ত । যেখানে সম্মানে আঘাত আর মর্যাদার লাঞ্ছনা,—সেখানে একমাত্র পথ, একটি উপায়—এই তরবারি। পত্র পড়বার সঙ্গে সঙ্গেই আমি এই বিবেচক শক্তির সাহায্য গ্রহণ করেছি। আমার সমস্ত সেনানী ও জয়দৃপ্ত আসোয়ার বাহিনী অস্ত্র কোষমুক্ত করে উত্তর দিতে ছুটেছে, আমি শুধু সংবাদ দিতে এসেছি—

মহামায়া । মহারাজ—

যশোবন্ত । অস্ত্রমুখে লাঞ্ছনার উত্তর দিতে চলেছি, বাধা দিয়োনা মহারানী! হাঁ,—আরও এক বার্তা আছে, দুবাকাজ্জী সাজাহানকে উপযুক্ত শাস্তি দিতে সেনাপতি মহাবৎ ও সাজাদা পারভেজ অভিযান করেছে,—সম্রাজ্ঞী নুরজাঁহানও স্বয়ং আমার কাছে বিশিষ্ট দূত পাঠিয়েছেন—বাদশাহের নামে,—বিনীতভাবে আমার

সহায়তা প্রার্থনা করেছেন—আমি তাতে সানন্দে সম্মতি দিয়েছি। মহামায়া। তাহলে কি এখন আমাকে এই কথা বুঝতে হবে মহারাজ— সম্রাজ্ঞী হুরজাঁহানের নিমন্ত্রণে মাড়বারের অক্ষত শক্তি আজ মোগলের গৃহযুদ্ধে আত্মনিয়োগ করে রাজস্থানকে চমৎকৃত করবে! না মহারাজ, নিরস্ত হও; হুরজাঁহানের নাম শুনে আমার চোখে এ রহস্য ক্রমেই জটিল হয়ে উঠছে—

যশোবন্ত। আর আমার চোখে—এই পত্রের প্রত্যেক কথাটি, সেই উদ্ধত সাজাদার জকুটিপূর্ণ মুখের বিকট চিত্র ফুটিয়ে তুলেছে।— (তার চোখ দুটো যেন রক্তমুখী হয়ে আমাকে শাশাচ্ছে— আহ্বান করছে আমাকে। রাঠোরের রক্ত তাতে শিরায় শিরায় নেচে উঠছে।) উত্তর—উত্তর,—পত্রের উত্তর—এরই মুখে। (অসিমুষ্টি স্পর্শ করিলেন)—হাঁ—অস্তমুখে ঐ পত্রের উপযুক্ত উত্তর দিয়ে তবে জলগ্রহণ করব—এইপন করে চললেন, মহারানী— [ বেগে প্রস্থান।

মহামায়া। বুঝেছি—এখন তোমাকে নিবারণ করবার প্রয়াস বৃথা।— কিন্তু একি সমস্যায় জড়িয়ে পড়লুম আমরা! কিছুই বুঝতে পারছি না,—আর যাও বুঝেছি—উত্তেজিত রাজাকে তা বোঝাতেও পারলুম না।—(গবাক্ষ সান্নিধ্যে গিয়া)—ঐ ত বেরিয়ে চললেন,—আর ফেরাবারও উপায় নাই,—হাওয়ার সঙ্গে সঙ্গে ঘোড়া ছুটেছে—তাই ত! (দেখিতে লাগিলেন) আর দেখা যাচ্ছে না!—(গবাক্ষের নিকট হইতে ফিরিয়া আসিলেন)—রাজপুত্র সব সইতে পারে কিন্তু আত্মসম্মানের লাঞ্ছনা—কল্পনাও করতে পারে না। এ জেনেও—হায়— হতভাগ্য সাজাদা!—কিন্তু এখনও মনে পড়ছে—এই সাজাদার সেই মধুরভাষিণী স্ত্রীর সুন্দর মুখখানি—সেই মিষ্ট কথা—

## প্রহরিনীর প্রবেশ ।

মহামায়া । কি সংবাদ ?

প্রহরিনী । মা । আগরার রঙ্গমহল থেকে এক দেওয়ানা এসেছেন ;  
আপনার সঙ্গে দেখা করতে চান ।

মহামায়া । দেওয়ানা ! আগরার রঙ্গমহাল থেকে আসছে ? কি  
প্রয়োজন, কিছু বসলে ?

প্রহরিনী । বেগম মমতাজমহলের কাছ থেকে আসছেন ।

মহামায়া । মমতাজের কাছ থেকে !—যাও, তাকে এখনই নিয়ে এস,  
এইখানেই ।

[ প্রহরিনীর প্রস্থান ।

তখন সে আবজবন্দ্বানু—যখন আজমীরে আলাপ হয় ; আজ  
সে মমতাজ—তারই কথা এইমাত্র ভাবছিলুম—

## মণিজাকে লইয়া প্রহরিনীর প্রবেশ ।

মণিজা । সেলাম—রাণী সাহেব !

মহামায়া । এস, এস ; তুমি আমার প্রিয় সখী মমতাজের কাছ থেকে  
আসছ ; তাই তোমাকে আপনার প্রিয়জনের মত সম্ভাষণ  
কবছি । তা এতদিন পরে হঠাৎ আরজ আমাকে কি মনে  
করে খোঁজ করছে ভাই ?

মণিজা । আমি ত তা জানি না রাণী—বেগম আপনাকে এই চিঠি  
দিয়েছেন । ( পত্র প্রদান )

মহামায়া । ( পত্র পাঠ পূর্বক মহাবিস্ময়ে ) আশ্চর্য্য ! একই তীব্র ভাষা  
উভয় পত্রে ! তার স্বামী ভারতের সম্রাট বলে নিজেকে ঘোষণা  
করেছে ;—সেই হিসাবে আরজ সম্রাজ্ঞী হয়ে রাঠোর-রাণীকে  
ডেকে পাঠিয়েছে—আজমীরে তাব—সেবা করতে ! রাঠোব-

রাজ হবেন নূতন সম্রাটের তাঁবেদার, আর তাঁর রাণী হবেন সম্রাজ্ঞী মমতাজমহলের বাঁদী ! এত অকুগ্রহ !! আরজ—  
আরজ—আমাকে এমন পত্র লিখতে পারলে ! যা স্পর্শ করেও আমি নিজেকে অমৃচী মনে করছি । ( পত্র নিক্ষেপ ) তবে কি তার সম্বন্ধে আমি এত বড় একটা ভুল ধারণা করে এসেছি ? ( মণিজার আপাদমস্তক তীক্ষ্ণ নেত্রে নিবীক্ষণ পূর্বক ) নিশ্চয় এ জাল পত্র । ( কঠোর তীক্ষ্ণ স্বরে )—সত্য বল, আরজের নাম করে কে এ পত্র পাঠিয়েছে ?

মণিজা । সত্য ধর্মের আশ্রিতা দেওয়ানাকে আজ কি মরুভূমির রাণীর কাছে সত্য শিখতে হবে ?

মহামায়া । মরুভূমির সিংহীর সঙ্গে তুমি ছলনা করতে এসেছ ! তোমার মুখ চোখ ভঙ্গী প্রত্যেকটী আমাকে স্পষ্ট জানিয়ে দিচ্ছে—তুমি কখনই সত্যের আশ্রিতা নও ! মরুভূমির মধ্যে থেকেও আমি স্বর্ণভূমি আগরার সকল সংবাদ বাখি । আগরায় বড় উঠেছে, তাও জানি । মরুভূমির প্রতপ্ত বালির এখন খুব প্রয়োজন, তাও বুঝি ! আর কার রহস্যময় হস্তের স্বার্থের তুলি এই রামধনু রচনা করেছে তাও স্পষ্ট দেখতে পাচ্ছি । সত্যশীলা দেওয়ানা ! তোমার সত্যধর্মের নামে শপথ করে বলতে পার, তুমি নুরজাঁহানের বার্তাবাহিকা নও ?

মণিজা । আমি এখানে শপথ করতে আসিনি ; পত্র এনেছি,—পত্রের উত্তর চাই ।

মহামায়া । পত্রের উত্তর অবশ্যই পাবে,—তবে কিছু বিলম্বে । তুমি যখন সত্য বলতেও প্রস্তুত নও, শপথ করতেও অসম্মত ; তখন আমাকেই সত্য প্রমাণ করতে হবে । মমতাজ বেগমের কাছ থেকে সংবাদ না আসা পর্যন্ত তোমাকে এখানে অপেক্ষা করতে হবে ।

মণিজা । ( স্বগতঃ ) সত্যই মরুভূমির সিংহী ! ( প্রকাশে ) রাণী, উত্তর না দেন ক্ষতি নেই ; কিন্তু আমি অপেক্ষা করতে প্রস্তুত নই ! সেলাম !

মহামায়া । দাঁড়াও ! এ আগরার রঙমহল নয়, মরুভূমির মরিচিকা ; যাওয়াটা আপাততঃ স্বেচ্ছাধীন নয় ।

মণিজা । ছুনিয়া ঝাঁর অধীন, তাঁর ইচ্ছায়ও নয় ? ( পাঞ্জা প্রদর্শন )

মহামায়া । ( হাসিয়া ) বাদশাহী পাঞ্জা ! দুর্ভাগ্য তোমার বাদশার— মরুভূমি ওর কদর করতে আপাততঃ ভুলে গেছে !

মণিজা । ( কটিতট হইতে ক্ষিপ্রহস্তে ছুরীকা বাহির করিয়া ) এ দেখেও যে কুর্নিশ না করে—তার এই শাস্তি !—(মহামায়াকে আক্রমণ ও ক্ষিপ্রহস্তে মহামায়া কর্তৃক ছুরিকাসহ হস্ত ধারণ) (প্রহরিণী এই সময় ছুটিয়া আসিয়া বর্শা তুলিল)

মহামায়া । (বাম হস্তে প্রহরিণীকে নিষেধ পূর্বক) চরমে উঠবে তা জানতুম ! কিন্তু এ বাজপুতনী হাত,—হাতীর শুঁড় ভেসে দেয় ! (মণিজার হাত হইতে ছুরিকা দূরে বিক্ষিপ্ত হইল, প্রহরিণী তাহা তুলিয়া লইল, এই সময় মণিজাব কটিদেশ হইতে একখানি পত্র পড়িয়া গেল, মণিজার তাহা হস্তগত করিবার প্রয়াস, ক্ষিপ্রহস্তে মহামায়া তাহা কুড়াইয়া লইলেন) (পত্রখানি আয়ত্ত করিবার জন্ত মণিজার প্রয়াস দৃষ্টে) ও চাঞ্চল্য বৃথা ! বুঝিছি—এই তোমার মৃত্যুবাণ ! (মহামায়ার পত্র পাঠ, মণিজার ব্যগ্র প্রয়াস, প্রহরিণীর বর্শা লক্ষ্য ও ক্রকুটি) এইত মমতাজের পত্র !—হাঁ এই আমার আরজের উপযুক্ত ভাষা । দুঃসাহসী উচ্চাকাঙ্ক্ষী স্বামীর জন্ত আমার কাছে সাহায্য চেয়েছে । (প্রহরিণীর প্রতি) আমি না আসা পর্যন্ত ঐ ঘরে একে আটক ক'রে রাখ—

প্রহরিণী । (বর্শা নির্দেশে)—চল্ ঐ ঘরে—

মণিজ। (যাইতে যাইতে)—আমিও আফগানের মেয়ে—দেখি কি করতে পারি—

[ প্রহরিনী-নির্দেশে প্রস্থান।

মহামায়া। চক্রীর চক্রান্তে উদ্ভ্রান্ত রাজা বিশ্বাসী উদার সাজাহানকে—  
আমার আরজের স্বামীকে চূর্ণ করতে ছুটেছেন! ফেরাতে হবে,  
ফেরাতে হবে;—আরজ—আরজ! তোমার জন্ম মাড়বারের  
সর্বস্ব পণ—

[ বেগে প্রস্থান।

—

## চতুর্থ দৃশ্য ।

আজমীরের পথ

হুসিয়ার ।

হুসিয়ার । নিজের বুদ্ধির দোষে সব হারালুম ! মাড়বারের রাজাকে হাত করা দূরের কথা, দুঃসময় করে চললুম ! বরাবর মমতাজ মা বলেছিল, পথে যেন কাউকে বিশ্বাস না করি ! স্বপ্নেও ভাবিনি, হুরজাঁহান বেগমের গোয়েন্দা দেওয়ানা সেজে আমার পেছু নিয়েছে ! কি করে মুখ দেখাব আমি মমতাজ মার কাছে !

( নেপথ্যে মণিজার গীত )

মেরে সাহব আয়ে আজ

খেলন ফাগরী ।

বাণী বিমল সগুণ সব বোলে

অতি সুখ মংগল রাগরী ॥

চাচর সরস সখা সংগ বোলে

অনহদ বাণী রাগরী ॥

হুসিয়ার । তাজ্জব ! তাজ্জব ! সেই—সেই—আওয়াজ ! কবীর সাহেবের সেই সাধা গান ! নিশ্চয় সেই গোয়েন্দা দেওয়ানার গলা ! তবে কি সে—ওই যে—ওই যে— গাছের আড়ালে দাঁড়িয়ে— না না—ওয়ে রাজপুতের মেয়ে ! কিন্তু গলা সেই,—কে ও ? বড় ত তাজ্জব দেখছি !—ভাল, আমিও অন্তরাটা ধরি না কেন,—তা হলেই এগিয়ে আসবে—

( হুসিয়ারের গীত )

শব্দ শুনত অনুরাগ হোত হৈ

ক্যা সোবে উঠ জাগরী ।

পাণি আদর পবন বিছোনা

বহুত কঁরৈঁ সনমানরী ॥

মণিজার গীত করিতে করিতে প্রবেশ ।

প্যারে হম ঘর কন্তু সূজান

খেলৌ রঙ্গ হোরী ।

জনম-জনমকী মিটী হৈ কল্পনা

পায়ৌ জীবন প্রাণরী ॥

বাজত তালে মৃদঙ্গ ঝাঁফ ডফ

অনহদ শব্দ গুলজাররী ॥

মণিজা । চিনতে পারছ না দরবেশ মিঞা ! সেলাম !

হুসিয়ার । হুঁ, বুঝতে পেরেছি ! ভোল ফিরিয়েছ !

মণিজা । সে উভয়ত ! অবস্থা দুজনেরই সমান । তবে তুমি একদম মাত্ হয়ে গেছ, আব আমি তারি মধ্যে অর্ধেক কায হাসিন্ করে চলেছি । যাক্—এখন তোমাকে কি বলে ডাকব ? হজরত, না—হুসিয়ার ?

হুসিয়ার । দাড়া ও সরতানী—তোমার গোয়েন্দাগিরী ঘোচাচ্ছি—

ছোরা বাহির করিয়া আক্রমণ প্রয়াস,

সঙ্গে সঙ্গে চারিজন

বর্শাধারী খোজার প্রবেশ ।

মণিজা । হাঃ হাঃ হাঃ, খোজা হুসিয়ার ! এই বুদ্ধি নিয়ে ছদ্মবেশে কায হাসীল করতে এসেছিলে ! দাড়াও খোয়ালে, পত্রও হারালে,



এখন মুখে চুণ কালি মেখে মমতাজের শিবিরে যাও । তোমার মত তুচ্ছ একটা পোকাকে মেরে কোন লাভ নেই । সারা পথ এরা আমার অনুসরণ করে এসেছে,—তুমি মুর্থ, অন্ধ, অর্কাটীন, কিছু দেখ নি ! আর কখনো এমন কাযে হাত দিয়ো না—

[ মনিজা ও খোজাগণের প্রস্থান ।

হসিয়ার । খোদা ! খোদা !—না তোমাব দোষ কি ! সত্যই আমি মুর্থ, সত্যই আমি অন্ধ ! যা নসীবে আছে তাই হবে,—আমি মা মমতাজের কাছে সত্যই সব বলব । আদার ব্যাপারী, জাহাজের খবরদারী করতে এলে এমনিই হয় ! রহস্যের তাণ্ডার খুজতে এসে পথ হারিয়েছিলুম, যখন সন্ধান পেলুম, দেখলুম, চাবি তার হারিয়ে বসেছি ! বুঝিছি খোদা ! এ তোমারই ইচ্ছা !

গীত ।

সান্ন হল রক্তলীলা খেয়ে এল অন্ধকার  
হল গাঢ়তর আরো চিররুদ্ধ নিয়তির দ্বার ।  
অন্ধকারের মিনার থেকে দেখাও তুমি আলো ।  
অন্ধদাসে কর দয়া, সাথী হয়ে, আগে চলো ;  
করুণার কণা করুণায় ঢালো, ওগো ! করুণা-সুধার  
পারাবার ॥

### পঞ্চম দৃশ্য ।

নর্মান্দা তীরবর্তী রণস্থলের একাংশ ।

সাজাহানের শিবির সম্মুখ ।

সাজাহান ।

সাজাহান । মাড়বার—মাড়বার ! অথণ্ড বিশ্বাসে তোমার উপর নির্ভর করে সাহায্য চেয়েছিলেম,—তার উত্তরে তুমি চোখ রাঙ্গিয়ে তলোয়ার খুলেছ ! সম্রাজ্ঞী জুরজাহানের ক্রকুটি যে তোমার মত দান্তিক রাঠোরের কর্তব্য ঘুরিয়ে দেবে তা স্বপ্নেও ভাবিনি । সেই নারীর কুটচক্র থেকে মুহাম্মান পিতার উদ্ধার, বিপর্যাস্ত শাসন-তন্ত্রের সংস্কার, মহান মোগল-সাম্রাজ্যের প্রাণ প্রতিষ্ঠা—

● মাড়বার—মাড়বার ! এ স্বপ্ন সফল হত—সত্য হত—সার্থক হত,—যদি তুমি—তুমি—উঃ ! সমস্ত পণ্ড করে দিলে বিশ্বাসঘাতক ! হঁ !—কিন্তু,—হাঁ—আমিও—আমিও সাজাহান ! হৃদয় পেতে রেখেছিলেম নিজে—তোমাকে সাদরে গ্রহণ করব বলে ;—আর এখন—হাঁ, এখন—রস্তম আলি—রস্তম আলি,—আমার সব চেয়ে দুর্জয় নিষ্ঠুর সেনানী—দশ হাজার তাজা অশ্বারোহী নিয়ে তোমার অভ্যর্থনা করবে—

দারার প্রবেশ ।

দারা । বাবা, বাবা—রস্তম আলী সমস্ত সৈন্য নিয়ে মহাবৎগাঁর সঙ্গে যোগ দিয়েছে ।

সাজাহান । কে—কে ? রস্তম আলি ?—রস্তম আলি বিশ্বাসঘাতক ?

দারা । আওরঙ্গজেব নিজে সেই বিশ্বাসঘাতককে বধ করবার জন্ত ঘোড়া

ছুটিয়ে শত্রুদলে ঢুকেছে ; বাধা মানলে না । সেই বাঙ্গালী  
বীর সুন্দরলাল ঢালের মত তাকে আগলে ফেরাবার চেষ্টা  
করছে ।

সাজাহান । আওরঙ্গজেব—আওরঙ্গজেব !—সে বুঝি তাহলে বুঝতে  
পেরেছিল—তার হতভাগ্য পিতার সর্বস্ব নির্ভর করছিল—ঐ  
বেইমান বিশ্বাসঘাতক সয়তানের কার্যের উপর ! গেল গেল,  
একে একে সব গেল—মাড়বার গেল—রস্তম আলি গেল—  
এইবার ভীমসিংহ—ভীমসিংহ—

সুজার প্রবেশ ।

সুজা । বাবা, বাবা ! ভীমসিংহ যুদ্ধে মারা গেছেন—

সাজাহান । ভীমসিংহ হত ! মেবারের অসমসাহসী সুহৃদ আমার—  
সেও গেল, বাস্—এইবার ভারতের সিংহাসন কজীর আয়ত্তে  
এসে পড়েছে—সারা হিন্দুস্থান কুর্ণিশ করতে পায়ের তলায় শুয়ে  
পড়েছে ! হাঃ হাঃ হাঃ হাঃ—খাসা—খাসা ! যাকেই অবলম্বন  
মনে করে হাতখানার ভর দিতে যাচ্ছি—সেই শিউরে সরে  
যাচ্ছে !

ছদ্মবেশী মহাবতের প্রবেশ ।

মহাবত । সাজাহান—

সাজাহান । কে আপনি হজরত ?

মহাবত । এই পরিচ্ছদ সাজাদাকে ভ্রান্ত করতে পারে, কিন্তু এই কণ্ঠস্বর ত  
সাজাদার অপরিচিত নয় !

সাজাহান । একি—সেনাপতি ? খাঁ সাহেব ? আপনি ? আমার শিবিরে—  
এই যুদ্ধের সময় ?

মহাবত । কতি কি ? আর এতে বিস্মিত হবারও কিছু নেই । তোমার আমার সৈন্ত যুদ্ধক্ষেত্রে যুদ্ধ করছে, আর তাদের চালনা করছে— আমাদের মস্তিষ্ক—শিবির থেকেই । ভূমিও তলোয়ার খুলে লড়ছ না, আমিও না । কাষেই মনে হল, এই অবসরে একবার তোমার সঙ্গে সাক্ষাৎ পর্কটা সেরে কেলি । আর সহজে সাক্ষাৎ পাবার আশায় সাধু সেজেই এসেছি, তা বোধ হয় বুঝেছ ।

সাজাহান । আমার সমস্ত সহায় সম্পদ এক একটি করে সাধুভাবে ছিনিয়ে নেবার পর, এ সাধুর সাজ আপনার পক্ষে খুবই শোভন হয়েছে খাঁ সাহেব !

মহাবত । এ অনুযোগ শোনবার জন্ত আমি প্রস্তুত হয়েই এসেছি সাজাদা । কিন্তু এতে কুণ্ডার কিছু নাই,—কূট যুদ্ধের এও একটা অপরিহার্য অঙ্গ ।

সাজাহান । বৃদ্ধ বয়সে সেনাপতি মহাবৎ খাঁ এই শিক্ষাটি বোধ হয় মহিমময়ী ভারত-সম্রাজ্ঞীর কাছ থেকেই আয়ত্ত্ব করেছেন ! যাক্—এ অধীনের শিবিরে সেনাপতির আগমনের কারণ ?

মহাবত । বাদশাহ জাহাঙ্গীরের স্নেহের দুর্গে তোমাকে ফিরিয়ে নিয়ে যাবার অভিপ্রায়ে—

সাজাহান । রহস্য উপভোগ করবার মত মানসিক অবস্থা আমার এখন নয় সেনাপতি—বান্দার প্রতি আর কোন আদেশ আছে ?

মহাবত । আমার কথাটা কি সত্যই রহস্য মনে করলে সাজাদা ?

সাজাহান । যদি আপনার কথার কোন সার্থকতা থাকত, আমি শুনে কুর্নিশ করতেম, সেনাপতি ।

মহাবত । সাজাদা, তোমার মহিমাময় পিতার স্নেহময় মূর্তি মনে করে এখনো নিরস্ত হও—

সাজাহান । খাঁ সাহেব—খাঁ সাহেব—

মহাবত । তোমার প্রতি বাদশাহের কি গভীর স্নেহ—কি মর্মান্তিক আকর্ষণ—একবার কল্পনা কর সাজাদা!—কার বিরুদ্ধে অস্ত্র ধারণ করেছ, যুদ্ধ ঘোষণা করেছ,—আর এই গৌরবহীন গৃহযুদ্ধের শোচনীয় পরিণাম—

সাজাহান । পরিণাম—পরিণাম!—আপনি তার কি জানবেন সেনাপতি,—কেন, কি জন্ত, কি প্রয়োজনে, হৃদয়ের সঙ্গে অহর্নিশি যুদ্ধ করে, ক্ষত বিক্ষত হয়ে—কি উচ্চ পরিণাম ভেবেই এই জীবনযুদ্ধে মেতেছিলাম!—অন্তে কি জানবে—কি পরিণাম আকাঙ্ক্ষা করে, আমার পরম আরাধ্য স্নেহময় পিতার বিরুদ্ধে খড়্গ উত্তোলন করেছি,—জানে শুধু এই বিক্ষুব্ধ অন্তর, আর জানেন—অন্তর্যামী পরমেশ্বর!—পরিণাম ভেবেই না এক বিবর্তিত শোভাময় মহান প্রতিষ্ঠান গড়ে তুলেছিলাম—পরিণাম ভেবেই না স্বার্থশূন্য নিশ্চল পিতৃভক্তির সুধমায় আমার সেই কল্পিত প্রতিষ্ঠান—মহিমাময় অবদান—আমি উদ্ভ্রান্ত হয়েছি সেনাপতি, আমাকে মার্জনা করুন—

মহাবত । ধেমন পিতা, তেমনই পুত্র ; একই ধারা দুই বক্ষে বহে চলেছে!—শোনো সাজাদা,—এখনো বিবেচনা করে দেখ!—প্রথম হতেই তুমি ভ্রমের ভিতর দিয়ে তোমার যাত্রা আরম্ভ করেছ ;—এখনো কেরো,—পরিত্রাণের উপায় আছে ।

সাজাহান । পরিত্রাণের পথগুলি ত যথাসম্ভব আপনিই পরিষ্কার করে রেখেছেন সেনাপতি!—বিশ্বাসঘাতকতায় মাড়বারকে আয়ত্ত্ব করেছেন । স্বর্ণ বৃষ্টি করে আমার সৈন্যদের বশীভূত করেছেন—

মহাবত । যুদ্ধ শুধু অস্ত্রে নয় সাজাহান,—সৈন্যবলই শুধু বল নয় । তুমি জাননা, ছনিয়া স্বার্থের কাঙ্ক্ষাল, অর্থের দাস ।—প্রচুর সৈন্য তুমি পেয়েছিলে, কিন্তু করলে কি ? অর্থের অফুরন্ত তাণ্ডার

তোমার ছিল,—অব্যবস্থায় তাও হারিয়েছ!—অর্থাভাবে মপসবদার আলিমহম্মদ বিরূপ হলে—তোমার স্ত্রী কণ্ঠা—গায়ের সমস্ত অলঙ্কার খুলে দিয়েছিলেন—মনে আছে ?

সাজাহান । মনে নেই!—কিন্তু আশ্চর্য্য এই—এ তথ্যও খাঁ সাহেবের অবিদিত নয় ! এখন বুঝতে পারছি—বিশ্বাসঘাতক আলি মহম্মদ—আমার প্রাণাধিকা মমতাজের—আমার আদরিণী জাহানারার—অঙ্গের সমস্ত জেবর—হাত পেতে নিয়েও—

মহাবত । সিন্নিও খেয়েছিল, আবার ভরাও ডুবিয়েছিল, কেমন ?

সাজাহান । এখন বুঝতে পারছি—কার চক্রান্তে—কার পরামর্শে সে শয়তান—হঁ—

মহাবত । তবু যুদ্ধ করা চাই, সাজাদা ?

সাজাহান । চমৎকার, খাঁ সাহেব, চমৎকার!—এবারের অভিপ্রায় বুঝি মিষ্ট বাক্যে মুগ্ধ করে আগরায় নিয়ে গিয়ে কায হাসিল করা ? সেলাম খাঁ সাহেব, সেলাম—

মহাবত । সে ইচ্ছা থাকলে খাঁ সাহেব আজ হিতার্থীরূপে পরামর্শ দিতে সাজাদার শিবিরে আসত না ! যে অনায়াসে তোমার সমস্ত অবলম্বন একটি একটি করে ভেঙ্গে দিতে পেরেছে,—তার পক্ষে শিষ্টাচারের পরিবর্তে—শক্তিসাহায্যেই সাজাদাকে আগরায়—মহিমাময় সম্রাটের সম্মুখে নিয়ে যাওয়া—

সাজাহান । তাহলে সেই চেষ্টাই করুন,—আমিও প্রস্তুত ! পরম শত্রু হলেও আপনি আমার শিবিরে অভ্যাগত, এর বেশী উদ্ধত কথা আপনার উদ্দেশ্যে প্রয়োগ করতে আমাকে আর বাধ্য করবেন না খাঁ সাহেব ! সেলাম ।

মহাবত । তবে তাই হোক,—চরম পরিণামের জন্য প্রস্তুত হও সাজাদা !  
 আমি চললেম । ( কিছুদূর অগ্রসর হইয়া সহসা ফিরিয়া ) হাঁ—  
 একটা কথা বলে যাচ্ছি তোমাকে—সাজাদা পারভেজ—শেষ  
 পর্য্যন্ত তোমার অনুসরণ করবে জেনো ! চললেম্ । ( পুনরায়  
 ঐভাবে ফিরিয়া )—হাঁ—যুদ্ধে তুমি বাজী হারবে এটা নিশ্চিত—  
 যদি হার—ঐ নন্দনা ছাড়া তোমার পরিত্রাণের পথ নেই ;—  
 এখনো বুঝে যুদ্ধ কর । চললেম্ !—( ফিরিয়া )—হাঁ—হাঁ—  
 কি বলছিলাম—হাঁ,—যুদ্ধে উত্থান পতন নির্ভর করে যে সময়—  
 যুদ্ধের মালিক তখন শিবিরে বসে হুকুম চালায় না—নিজে  
 ঘোড়ায় চড়ে রণস্থলে ছুটে যায়—সৈন্যদের দেখা দিয়ে মাতায়—  
 যুদ্ধ জয় করে । এখনো বুঝে—পরিণাম ভেবে—হাঁ চললেম  
 সাজাদা—

[ প্রস্থান ।

সাজাহান । তবে কি—তবে কি—

( আওরঙ্গজেব ও সুন্দরলালের প্রবেশ )

আওরঙ্গজেব । বাবা—বাবা ! এই বাঙ্গালীকে শাস্তি দিন, এ সাজাদাকে  
 বুদ্ধক্ষত্র থেকে জোর করে ফিরিয়ে এনেছে ;—আর একে বখসিস্  
 দিন—এই বাঙ্গালী বীর রস্তুম আলীকে স্বহস্তে বধ করেছে ।

সাজাহান । সাবাস্—সাবাস্ সুন্দরলাল !—বিশ্বাসঘাতকু বেইমানু রস্তুম  
 আলি !—ঠিক—ঠিক হয়েছে !—আশা—আবার আশা মনে  
 জাগছে !—সুন্দরলাল ! যদি ঈশ্বর দিন দেন, এর পুরস্কার  
 পাব,—তোমার এ কীর্তি আমার স্মরণ থাকবে ।—ঘোড়া—  
 ঘোড়া—

নেপথ্যে । ঘোড়া প্রস্তুত জাঁহাপনা—

( মমতাজ ও জাহান্নার প্রবেশ )

মমতাজ । আমরাও প্রস্তুত হয়ে এসেছি—

সাজাহান । ওঃ—তাজ—তাজ—জাহান্নারা—আমি যে—হাঁ—তোমাদের  
কথা বিশ্বাস হয়েই—

জাহান্নারা । বাবা—বাবা—

সাজাহান । মা! আমার,—আর ত—আর ত—অপেক্ষা করবার অবসর  
নেই!—হাঁ—সুন্দরলাল! সাজাহান আওরাজ্জের তোমাকে  
শান্তি দিতে বললে না,—আমি তোমাকে শান্তি দিয়েই যাচ্ছি ;  
কঠিন শান্তি সুন্দরলাল—শোন,—জান—এ বৃক এদের স্নেহে  
ভরে আছে—আমার বিজয়ের চেয়ে—সাম্রাজ্যের চেয়ে এরা  
আমার প্রিয়তম,—এদের পরিত্রাণের স্থান—নন্দ্যদায় পরপার,—  
এ ভার তোমার উপর দিয়ে যাচ্ছি—এই তোমার শান্তি !

সুন্দরলাল । জাঁহাপনা ! ঈশ্বরের নামে শপথ—জীবন পণ করে আমি  
এই ধ্যান্তিময় শান্তি বরণ কবে নিচ্ছি ।

জাহান্নারা । বাবা—বাবা—

মমতাজ । এভাবে কখনো যে তোমাকে বিদায় দিই নি ! তোমার কি  
হবে প্রভু ! বিশ্বাসঘাতক তোমার চতুর্দিকে,—না—না—  
আমরা নিরাপদ হতে চাই না—

সাজাহান । তাজ—

জাহান্নারা । আমাদের ছেড়ে—কোথায় যাবে তুমি বাবা—না—আমি  
যেতে দেব না—

সাজাহান । মা!—ছেড়ে দাও ! তুমি সাজাহানের মেয়ে ! তাজ !

( নেপথ্যে তোপ ও তূর্য্যধ্বনি )



ঐ—ঐ—তাজ—তাজ—সম্মুখে ঐ শত্রুসেনার বিজয় উল্লাস,—  
 পশ্চাতে খরশ্রোতা নশ্বদার উন্মত্ত উচ্ছ্বাস!—এর মধ্যস্থানে  
 রেখে চললেন তোমাদের—রক্ষক বাঙ্গালী সুন্দরলাল!—

[ সাজাহান অশ্রুপূর্ণলোচনে মমতাজের দিকে চাহিয়া ছুটিয়া চলিয়া  
 গেলেন,—মমতাজ তাঁহার দিকে তাকাইয়া রহিলেন, জাহান্নার  
 পিতার দিকে উদ্বেলিত ভাবে অগ্রসর হইলেন,—সুন্দরলাল  
 তরবারি-হস্তে নতজানু হইয়া নশ্বদার দিকে যাইবার  
 অনুমতি ভিক্ষা করিলে—সাজাহানের গতির  
 দিকে চাহিয়া চক্ষু মুছিতে মুছিতে  
 মমতাজ ও জাহান্নার চলিয়া গেলেন,  
 সুন্দরলাল পশ্চাৎ পশ্চাৎ  
 চলিলেন ]

### ষষ্ঠ দৃশ্য :

আগরা দুর্গ-প্রাসাদ,—সম্রাট কক্ষ ।

জাহাঙ্গীর, হুরজাঁহান, আসফ খাঁ, মহাবৎ খাঁ ।

হুরজাঁহান । সাম্রাজ্যের সৌভাগ্যক্রমে মহারাজ যশোবন্ত সিংহ আমাদের সহায় হয়েছেন,—তাই নন্দাদার যুদ্ধে সম্রাট-সৈন্য জয়ী হয়েছে । কিন্তু মহাবৎ,—এ জয়োল্লাস আজ সার্থক হত, যদি সাজাহানকে ধরে এনে পিতৃস্নেহে তার ঔদ্ধত্যের গ্লানি ধুয়ে দিয়ে তাকে আবার আমাদের করে দিতে পারতে !

জাহাঙ্গীর । আহা !—সাম্রাজ্যীর কি করুণা দেখেছ আসফ খাঁ—শুনছ হে মহাবৎ ?—দুর্ভাগ্য সাজাহান ! এ স্নেহের পরশ—হেলায় প্রত্যাখান করলে !—হাঁহে মহাবত, আগার অতগুলো নাতী নাতনী তাদের একটাকেও নিয়ে আসতে পারলে না আমার কাছে ?

মহাবত । চেষ্টার ক্রটি করি নি সম্রাট,—কিন্তু সমর্থ হই নি ! বালক সাজাদারা নিজেরা যুদ্ধ করেছে ।

জাহাঙ্গীর । বল কি !

মহাবত । রস্তুম আলি যখন বিশ্বাসঘাতকতা করলে,—সাজাদা আওরঙ্গজেব তাকে কাটবার জন্য তলোয়ার খুলে পিছু পিছু ছুটে এসেছিল—

জাহাঙ্গীর । বটে !—ওরে,—ওকে কেউ সেনে নি,—ও শালা মোগল কুলের মুশল ! ও এক চীজ !—তারপর ? তারপর ?

মহাবত । ঐটুকু ছেলের কি তেজ—কি তন্দ্রী ! কিন্তু তাকে ধরা গেল না ;—সেই বাঙ্গালী বীর তাকে রক্ষা করছিল ;—সেই

সাজাদার সাধ মেটালে—রস্তুম আলিকে কেটে ফেলে—আহত সাজাদাকে চক্ষুর নিমিষে তুলে নিয়ে পালিয়ে গেল!—কেউ তাদের ধরতে পারলে না!

মুরজাঁহান। এই বাঙ্গালী বীরকে আমি বাঙ্গলার শাসনকর্তার পদ দিতে চেয়েছিলাম!

জাহাঙ্গীর। ঈশ্বরের সৃষ্টি বিচার,—তার মেজাজের মত মেজাজীর সঙ্গেই তাকে মিলিয়ে দিয়েছেন!—সেই অসম সাহসী বাঙ্গালী আগরার আম দরবারের সমস্ত পাহারা ভেদ করে সটান সম্রাটের সামনে এসে দাঁড়িয়েছিল!—সাজাহান ছাড়া এমন সাহস আমি আর কারো দেখি নি!—হাঁ,—আর একজনের দেখেছিলাম—( মুরজাহানের দিকে চাহিলেন,—মুরজাঁহানও কথার অর্থ বুঝিয়া দীর্ঘ নিশ্বাস ফেলিয়া তৎক্ষণাৎ সপ্রতিভভাবে দৃষ্টি ফিরাইয়া ভাব পরিবর্তন করিলেন )—আচ্ছা মহাবৎ,—আমাব নাতনীটিকে দেখেছিলে? তার কোন খবর পেয়েছিলে?

মহাবত। তাকে দেখিনি, তবে খবর পেয়েছিলুম সম্রাট!—আলি মহম্মদ অর্থের জন্য বিদ্রোহী হলে—সাহাজাদী গায়ের সমস্ত গয়না খুলে দিয়েছিলেন—

জাহাঙ্গীর। কি বললে মহাবত? আমার—আমার নাতনী—অর্থের জন্য গায়ের জেবর তার—ওবে কে আছি—আলি মহম্মদ—আলি মহম্মদ—

মহাবত। সম্রাট! আলি মহম্মদ সাজাদা পারভেজের সঙ্গে আছেন, সাজাদীর জেবর কোষাগারে জমা দেওয়া হয়েছে।

জাহাঙ্গীর। নিষ্ঠুর! নিষ্ঠুর! নিষ্ঠুর! ওঃ—হাঁ, আসফ খাঁ,—কোষাগার থেকে এখনি সে সব আমার কাছে নিয়ে এস, আমি দেখব—আমি দেখব—

মুরজাঁহান । আদরিণী নাতমীর গায়ের গয়না নিয়ে একটা রহস্য-খেলার  
এই ঠিক সময় জাঁহাপানা !

জাহাঙ্গীর । রহস্যের খেলা ? তুমি—তুমি একে রহস্য বলতে চাও  
সম্রাজ্ঞী !—( তখনও আসফ খাঁ যান নাই দেখিয়া সোচ্ছাসে )  
যাও নি আসফ খাঁ,—যাও—যাও—যাও—নিয়ে এস সে সব—  
জলদি—

[ আসফ খাঁর প্রস্থান ।

তুমি বুঝবে না, তুমি বুঝবে না ;—আর—এ বোঝাবারও নয় !  
ঘরে বাইরে যেখানে যাই, সেখানেই দেখতে পাই—তাদের  
হাতের চিত্রগুলো যেন জল্ জল্ করছে !—এখানেও—এই  
ঘরেও—এর চাব ধারেই !—আমার এই সোফার উপর কালি  
কলমের নক্সা দেখতে পাচ্ছ ?—মহাবত—দেখছ !—এ সেই  
বড় নাতিটার কীর্তি ! ছবি আঁকছিল—ছবি আঁকছিল—  
আমার সোফার গায়ে—হাঃ হাঃ হাঃ হাঃ—মুছতে দিই নি,  
নিশানা তার এঁটে আছে ! ওই দেখছ মহাবত—জয়পুর থেকে  
তুমি হাতীর দাঁতের মন্দির এনেছিলে—ঐ দেখো—সেজ শালা  
তার চুড়োটা ভেঙ্গে দিয়ে কেমন তার চিত্র নেখে গেছে !

মুরজাঁহান । আর প্রাণাধিক পুত্র সাজাহানের কোনও স্মৃতিচিত্র সম্রাটের  
মানসচক্ষে এখন ফুটে উঠছে না ! অস্তুতঃ জাম-দববাবের  
তার সেই দৃপ্ত চেহারাখানা—তলোয়ার খুলে আক্ষালন—  
সম্রাটের চথের উপর ক্রকুটি—

জাহাঙ্গীর । হঠে গেছি সম্রাজ্ঞী—আরও অনেক পেছনে !—যেখানে  
জাগছে দুটি উল্লাসময় উজ্জল চোখ, তাঁদের মত শুভ্র সুন্দর  
একখানি মুখ ! হাফেজের ঐ কবিতার ছবিখানা দেখছ,—  
চার ছত্র—কবিতার নীচে—আর দুটো ছত্র—বেঁকা বেঁকা অক্ষরে

লেখা,—দেখতে পাচ্ছ মহাবৎ—দেখ দেখ—( উল্লাসে )—আমার সেই নাতনী—হাঃ হাঃ হাঃ হাঃ নিজে রচে লিখেছে —আমি রোজ রোজ ওই দেখি আর পড়ি,—পড়তে—পড়তে এঃ! সত্যই আমি পাগল হয়েছি!—হাঁ,—তারপর মহাবৎ, কি বলছিলে? হাঁ—বলত মহাবৎ, এখন তারা কোথায়, কি করছে?

মহাবত । সাজাদা সাজাহান এখন দাক্ষিণাত্যে আশ্রয় নিয়েছেন ।

জাহাঙ্গীর । দাক্ষিণাত্যে ?—বান্দলায় নয় ?

মুরজাঁহান । আপাততঃ সাজাহানের দাক্ষিণাত্যে যাবার অভিপ্রায়—তাব সেখানকার জায়গীর থেকে শক্তি সঞ্চয় । তারপর সে যাবে বান্দলায় ।

জাহাঙ্গীর । সে পথও ত দূরদর্শিনী সম্রাজ্ঞী আগে হতেই রুদ্ধ করে বেখেছেন ! বায়রাম খাঁর পুত্র খানখানান দরাব খাঁ প্রচুর সৈন্য নিয়ে না বান্দলায় গেছেন সাজাহানের সঙ্কল্প পণ্ড করতে ! হাঁ—মহাবৎ, দাক্ষিণাত্যে সাজাহানের অনুসরণ করবার কি ব্যবস্থাটা করে এলে, শুনি ।

মহাবত । সাম্রাজ্ঞীব আদেশে আমি মহারাজ যশোবল্লভসিংহের সম্বন্ধনার দরবাবে যোগদানের জন্য রাজধানীতে ফিরে এসেছি,— দাক্ষিণাত্যে যুদ্ধ চালাবার ভাব—

মুরজাঁহান । সাজাদা পাবেভজ গ্রহণ কবেছেন ।

জাহাঙ্গীর । তাত করবেনই । তিনি যে তাঁর ভাই গো ! ভাই জীবন ষুদ্ধে হেরে জীবন নিয়ে, স্ত্রীপুত্র পবিবার নিয়ে পালাচ্ছে,— তাই না, তাদের জবাই করতে কসাইএর মত ভাই আজ ছুটেছে ! এই দুনিয়া ; ঈশ্বরের কি খাসা কারখানা !—হাঁ,—এখন কাষের কথা হোক, আজ এখানে আমাদের কি প্রধান আলোচ্য সম্রাজ্ঞী ?

মুরজাঁহান। উত্তেজনার ঘাত-প্রতিঘাতে সম্রাটের মস্তিষ্ক শ্রান্ত হয়েছে  
তা দেখতে পাচ্ছি! সম্রাট কি জ্ঞাত নন, মহারাজ যশোবন্ত  
সিংহের সম্বন্ধে আলোচনার জন্মই আমরা—

জাহাঙ্গীর। হাঁ, হাঁ, মনে পড়েছে বটে! মহারাজ যশোবন্ত সিংহের  
সম্বন্ধে! এ একটা খুবই প্রয়োজনীয় কর্তব্য নিশ্চয়। ইনি  
বিদ্রোহী সম্রাট-পুত্রকে—তার হারেমের বেগম আর ছেলে  
মেয়েদের রাস্তায় বসিয়ে এসেছেন যে!—তা—বেশ,—এ সম্বন্ধে  
ব্যাপারটা এবার সম্রাজ্ঞী স্বয়ং চালিয়ে নি—

মুরজাঁহান। তাহলে সম্রাট কি এ দরবারে মোটেই যোগদান  
করবেন না?

জাহাঙ্গীর। তা বলতে পারছি না এখন, হাঁ—তবে চেষ্টা করব—বড়ই  
আজ শ্রান্ত হয়ে পড়েছি সম্রাজ্ঞী, কথায় কথায় উদ্ভ্রান্ত হয়ে  
চলেছি,—বিশ্রাম, বিশ্রাম, এখন তার প্রয়োজন হয়েছে।—  
মহাবৎ, যাও দরবারের ব্যবস্থা কব গিয়ে,—আমি এখন একটু  
নির্জনে বিশ্রাম—

মহাবত। সত্যই জাঁহাপনার বিশ্রামের প্রয়োজন হয়ে পড়েছে সম্রাজ্ঞী!  
আপনিই দরবার পরিচালনা করুন, তাতে মাড়বার-রাজের  
কোন অমর্যাদা হবে না।

মুরজাঁহান। তবে তাই হোক।

[ প্রশ্ন।

[ মহাবত কুর্নিশ করিয়া অন্তদিকে প্রশ্ন করিলেন।

জাহাঙ্গীর। শাহানশা আকবরশা বলতেন,—সেলিম, তোমার ছেলে  
খুরমের উপর লক্ষ্য রেখো, কালে সে অসাধারণ হবে!  
অসাধারণ ভাবেই সে এইখানে যে অসুর বসিয়ে দিয়েছে—

স্নেহের জল দিনরাত ঢেলে দিয়ে তাকে আজ এত শক্ত করে  
তুলেছি যে জোর করেও টেনে ছিড়তে পারছি না!—টানতে  
গেলেই মনে জেগে ওঠে শৈশবের সেই সুন্দর মুখ!—বাঃ বাঃ বাঃ  
বেহেশ্ত থেকে দেখ বাবা—কি আমার অসাধারণ ছেলে—কেমন  
তার কীর্তি!—আর দেখে হাস—আমার কি খাসা প্রায়শ্চিত্ত।

আসফ খাঁর অলঙ্কারপূর্ণ পাত্র হস্তে প্রবেশ।

এই যে আসফ খাঁ,—এনেছ এনেছ আমার নাতনীর অলঙ্কার!  
দাও—দাও—দেখি। ( আসফ খাঁ সম্রাটের সম্মুখে আধারের  
উপর অলঙ্কারপূর্ণ পাত্র রাখিলেন )—এইত, এইত, এইত—সেই  
হার,—জান আসফ খাঁ, এই হার ছড়া আমি যখন তার  
গলায় পবিয়ে দিলেম, সে তেমে জিজ্ঞাসা করলে, এর কি দাম  
দাছ? আমি বললেম, একটা মুল্লুক; এ দিয়ে একটা রাজ্য  
কেনা যায়!—আর তাই না শুনে সেই সেজ শালাটা বললে  
কি জান—মিথ্যে কথা দাছ, এর দাম—তিন চড়,—যা দিয়ে  
একে কেড়ে নেওয়া যায়!—হাঃ হাঃ হাঃ কেমন জবাব,—  
প্রত্যেক হরফ্ যেন ল্যাক্সা তলোয়ার। নয় কি আসফ খাঁ?  
( গহনাগুলি ভাবভরে দেখিতে লাগিলেন )

আসফ। সত্য জাঁহাপনা! সাজাহানের এ ছেলেটি অসাধারণ—

জাহাঙ্গীর। থাম, থাম, আসফ খাঁ,—ও কথাটা আর যেন আমার কানে  
তুলো না, শুনলেই ভয় হয়; যদি কালে এ-ও, এর বাপের মত  
এমনই অসাধারণ হয়ে ওঠে! হাঁ—যা বলছিলাম,—এগুলো  
পেয়ে তার কি আহ্লাদ! আর এই নিয়ে তাদের কি  
কাড়াকাড়ি কাণ্ড! আমি ত্যক্ত হয়ে শেষে চোখ রাঙ্গিয়ে  
বকে উঠলেম। তাতেও কি ঝাঁঝ তাদের?—আর কেউ  
ত্যক্ত করতে আসে না আসফ খাঁ—আর কেউ আসে না।

'ওরে—ওরে—এইগুলো সব তার কাছ থেকে ছিনিয়ে এনেছে—ছিনিয়ে এনেছে,—তুই কি মনে করছিস্ দিদি!—  
ওঃ—ওঃ—ওঃ—

আসফ । স্থির হোন জাঁহাপনা—কেন বৃথা অবৈধ্য হচ্ছেন ?

জাহাঙ্গীর । বৃথা—বৃথা ! কি বলছ আসফ খাঁ ?—এগিয়ে এসত দেখি—  
তোমার বুকখানা কি দিয়ে তৈরী,—মাংসময়, না পাথরে গড়া ?  
মুখটি বুজিয়ে তুমি—সব দেখছ—শুনছ—করে বাচ্ছ ত—

আসফ । কি করতে আমাকে বলেন জাঁহাপনা ?

জাহাঙ্গীর । কি করতে বলি তোমাকে ? হাঁ—হাঁ—মনে পড়েছে—হুঁ—  
এই আপদগুলোর নিষ্পত্তি করব আজ,—তাই তোমাকে সাহায্য  
করতে ডাকছি আসফ খাঁ !—একটা হামানদিস্তে আনাওত—  
যা দিয়ে নিত্য বাদশার পানে দেবার মুক্তো চূর্ণ করা হয় !—  
ওহোঃ—এতেও তার স্মৃতি রয়েছে—দিদি আমার নিজে তাতে  
মুক্তো গুঁড়ুতো !—দূর হোক সে সব স্মৃতি !—হাঁ—তাই  
আনাও ত,—আমি এইগুলো সব তাইতে ফেলে দুহাতে জোর  
করে চূর্ণ করব,—আর তাই মুঠো মুঠো করে ঐ গবাক্ষ দিয়ে  
বমুনার জলে ছুঁড়ে ফেলব । সব জাহাঙ্গীরে দেব—যেখানে যা বা  
চিহ্ন তাদের আছে । ঐ সেই কবিতার ছবি—এইটে আগে  
ভেঙ্গে ফেলি—( কাছে গিয়া তাকাইয়া শিহরিয়া )—না, না,—  
আগে ঐটে—ঐ মন্দিরটা—বার চুড়োটা সে আগেই ভেঙ্গে দিয়ে  
গেছে,—( দুই হাতে তুলিয়া ) ফেলে দিই ঐ গবাক্ষ দিয়ে—  
চিহ্ন মুছে যাক,—না—এটা থাক—আগে ঐটে—ঐ—ঐ—ঐ—  
এই একধার থেকে—এই তার হাতের তৈরী পরদা—এটাকেই  
আগে—( পরদা ধরিয়া টানিতেই তাহার মধ্য হইতে সাজাহানের  
শৈশবের তৈলচিত্র প্রকাশ পাইল )—য়্যা ! য্যা !—একি !



একি !—আসফ—আসফ—দেখ, দেখ, দেখ তামাসা,—চিহ্ন  
চূর্ণ করতে এসে নিজেই চূর্ণ হতে বসেছি !—দেখে যাও  
আসফ খাঁ—দেখে যাও,—চিনছ ?—( দৃষ্টিবদ্ধ করিয়া ছবির  
দিকে চাহিয়া রহিলেন )

আসফ । সাজাহানের চিত্র—শৈশবের !

জাহাঙ্গীর । সেই—সেই—সেই !—ত্রিশ বছর আগেকার সেই মুখ, সেই  
চোখ; সেই হাসি,—এবার পেয়েছি আসফ খাঁ পেয়েছি—  
( চিত্রপট টানিয়া লইয়া বন্ধে জড়াইয়া ধরিলেন )

( নুরজাঁহানের প্রবেশ )

নুরজাঁহান । [ তীক্ষ্ণদৃষ্টিতে চাহিয়া ] কি অপূর্ব নিধি পেয়েছেন সম্রাট—  
যার জন্ম বিশ্রামের মধ্যেও এই মত্ত উল্লাস !

জাহাঙ্গীর । য্যা—কে,—ওঃ—সম্রাজ্ঞী ! এসেছ ? অপূর্ব নিধিই পেয়েছি  
এবার !—বিদ্রোহী সাজাহানের স্থলে পেয়েছি শিশু সাজাহানের  
তসবীর !—সন্নতান,—শিশু সন্নতান,—একেই ধরে আজ শান্তি  
দেব ।—হাঃ হাঃ হাঃ হাঃ—



## তৃতীয় অঙ্ক ।

প্রথম দৃশ্য ।

সম্বন্ধনা — দরবার

নূরজাঁহান, মহাবত, আসফ, আমীর ওমরাহগণ

যশোবন্ত সিংহ ও সরদারগণ ।

নর্তকীগণের গীত ।

আজি সুরেব সুরায় ভরা পিয়লা ।

এস মধু বিলাসী, এস সুধা পিয়াসী,

নিজে রেখেনা আর নিরালা ॥

বাঁধন খুলিয়া দাও সকল বাঁধার

আলোকে মিশারে যাক লুকানো আঁধার

সুন্দর এ নিখিল, চুহন ছোঁয়া—দিল

গগনে খেলুক আজি দিয়লা ॥

যে আসে বরিয়া নাও

আসে যদি ভরমে,

যে যাবে চলিয়া যাক

যায় যদি সরমে,

গানের গতিতে এস

প্রাণের পিয়া—

প্রণয়ে বরিয়া নাও

প্রণয় দিয়া,

ভালো ! আরো হোক ভালো !

জ্বাল গো প্রেমের আলো—

এস গো রসের রোশনীয়ালা ॥

মুরজাঁহান । মহারাজ যশোবন্ত সিংহ ! আপনার সঙ্গে সাক্ষাৎ সম্বন্ধে আজ পরিচিত হয়ে আমরা বাধিত হয়েছি ।

যশোবন্ত । সম্রাট দরবারে আমন্ত্রিত হয়ে আজ আমরাও ধন্য হয়েছি । এখন সম্রাটের সন্নির্দর্শন পেলে কৃতার্থ হই ।

মুরজাঁহান । সম্রাট অমুস্থ, তাই আমাকেই তাঁর প্রতিনিধিত্ব করতে হচ্ছে । পুরুষানুক্রমে মাড়বারের রাজবংশ মোগল-সম্রাটের সহায় । মহারাজ উদয়সিংহ, শুবসিংহ, গজসিংহ—সবাই মোগলের হয়ে যুদ্ধ করেছেন,—মোগল সাম্রাজ্যের ইতিহাসে তা চিরস্মরণীয় হয়ে আছে । মহারাজ যশোবন্ত সিংহকে পেয়ে আমরা আজ ধন্য হয়েছি । মহারাজের সম্বন্ধনার জন্তই এই দরবার ।

যশোবন্ত । সম্রাজ্ঞী আজ সম্মান প্রীতি আর স্নেহ দিয়ে মাড়বারকে বশীভূত করলেন ! এখন সম্রাজ্ঞীর প্রীতির জন্ত কি ভাবে মাড়বার তার কর্তব্য পালন করবে, সম্রাজ্ঞী তা আদেশ করুন ।

মুরজাঁহান । যেখানে সম্মান স্নেহ আর প্রীতি,—সেখানে আদেশ আসতেই পারেনা,—আমি মহারাজকে অনুরোধ করছি !

যশোবন্ত । সম্রাজ্ঞীর অনুরোধই আমার কাছে আদেশ ।

মুরজাঁহান । আজ এই দরবারে সর্বসমক্ষে আমি মহাবাজের সঙ্গে ভ্রাতৃসম্বন্ধ স্থাপন করছি ;—ভগিনীর অনুরোধ,—মহারাজ অঙ্গীকার করুন—সাম্রাজ্যের স্বার্থরক্ষার জন্ত, মাড়বারের সমস্ত শক্তি নিয়ে তিনি আমাদের সহায় হবেন ।

যশোবন্ত । এ সম্মান আমি সাগ্রহে বরণ করে নিচ্ছি—আর এই প্রকাশ্য দরবারে অঙ্গীকার করছি—

রাঠোর ঘুবার ছদ্মবেশে মহামায়ার প্রবেশ

মহামায়া । দোহাই মহারাজ ! মাড়বারের মহারাণীর মিনতি—অঙ্গীকার  
করবেন না—

মুর । কে এই উদ্ধত বুবা ?

যশোবন্ত । একি !—[ সবিস্ময়ে মহামায়াকে লক্ষ্য ]

মহামায়া । আমি মহারাজের দাস !—

যশোবন্ত । [ তাঁহাকে চিনিয়া সান্নিধ্যে আসিয়া ] তুমি ক্ষিপ্ত হয়েছ নাকি ?

মহামায়া । ক্ষিপ্তের মতই মহারাজের অনুসরণ করে এই দরবারে এসে  
উপস্থিত হয়েছি ।

যশোবন্ত । কারণ ?

মহামায়া । সত্যের আহ্বানে ;—আজ সত্য আমাদের রক্ষা কবেছেন—  
এই নিন্ পড়ুন,—( পত্র প্রদান ) বেগম-বাদশাহের চক্রান্তে  
আমরা জাল পত্র পেয়ে প্রতারিত হয়েছি,—তাই সাহায্যপ্রার্থী  
দুর্বল বিপন্নকে পরিত্যাগ করে—আপনি এই উদ্ধত প্রবল  
শক্তির সাহায্য কবতে অগ্রসর হয়েছেন । এই নিন্ মহারাজ,—  
সাজাদা সাজাহানের আসল পত্র !

( যশোবন্তের দ্বিতীয় পত্র গ্রহণ ও পাঠ )

যশোবন্ত । কি আশ্চর্য্য ! [ সম্রাজ্ঞীর নিকে অর্থপূর্ণ দৃষ্টিপাতপূর্বক  
পরক্ষণে সর্দারগণের উদ্দেশ্যে ] সর্দারগণ, আমরা প্রতারিত  
হয়েছি !

মহামায়া । এখনি দরবার পরিত্যাগ করুন মহারাজ ! এখানে প্রবেশ  
কবলে সর্বগতি বাতাসও স্বাধীনতা হারায় ।

যশোবন্ত । ক্রোধে ক্ষিপ্ত হয়ে ভবিষ্যত বিবেচনা না করে যে অন্ডায়  
করেছি—এখনও তার প্রতিকারের উপায় আছে । চল  
সর্দারগণ ! বিদায় সম্রাজ্ঞী—

মুরজাঁহান । দাদান রাজা !—আজ ঐ যুবক এই প্রকাশ্য দরবারে  
ভারত-সম্রাজ্ঞীর নামে যে গুরুতর অভিযোগ করলে,  
সম্রাট-সকাশে তার বিচার হওয়া উচিত ।

মহামায়া । আমি আমার বিচারপতির কাছে আমার অভিযোগ  
করেছি—মোগল বিচারপতির কাছে নয় ; আমার বিচারের  
স্থান—মাড়বার ! আগরা নয় । বিচারই যদি বেগমসাহেবের  
বাঞ্ছনীয় হয়—মাড়বারের ধর্ম্মাধিকরণে অভিযোগ করবেন ।

মুরজাঁহান । মহারাজ যশোবন্ত সিংহ ! এই অশিষ্ট যুবক স্পর্ধা—আমরা  
কি মহারাজের মত বলেই গ্রহণ করব ?

যশোবন্ত । সে মোগল সম্রাজ্ঞীর ইচ্ছা—মহারাজ যশোবন্ত সিংহের তাতে  
কিছু আসে যায় না—

মুরজাঁহান । তাহলে এই দরবারে আজ নিঃসন্দেহে সাব্যস্ত হচ্ছে—বিদ্রোহ  
উপস্থিত কবাই মহারাজের বাসনা—

যশোবন্ত : বিদ্রোহ উপস্থিত কল ! একথা প্রত্যাচার কবে বরং সম্রাজ্ঞী  
বলুন—যুদ্ধ ঘোষণা করা—

মুরজাঁহান । কি বললেন ?

যশোবন্ত । ভৃত্য যদি রাজার মুখের উপর জবাব দেয়—তাহলে হয় ত  
সেটা বিদ্রোহ ; কিন্তু, রাজার সঙ্গে রাজার এই ব্যবহারের  
নাম—যুদ্ধ ।

মুরজাঁহান । মহারাজ যশোবন্তসিংহ ! দেখছি আপনি অগ্নিকুণ্ডে ঝাঁপ  
দিতে উদ্যত হয়েছেন—

যশোবন্ত । যে সম্রাজ্ঞীর শাঠ্য মহারাজ যশোবন্ত সিংহকে এতদূরে এই  
অবস্থায় আনতে পেরেছে—সেই সম্রাজ্ঞীর পক্ষে সম্বন্ধনাসূত্রে  
একটা অগ্নিকুণ্ডের সৃষ্টিকর কিছুমাত্র বিচিত্র নয়, আর সেই

অগ্নিকুণ্ডের লেলিহান শিখা বুক পেতে বরণ করতে নির্ভীক  
মাড়বার-সিংহ চিরদিনই প্রস্তুত—

[ সদলবলে সদর্পে প্রস্থান।

মুরজাঁহান। আসফ খাঁ! মহাবৎ জঙ্গ!—(উভয়কে নীরব দেখিয়া)  
সিপাহশলার—

( জাহাঙ্গীরের প্রবেশ )

জাহাঙ্গীর। এই যে সম্রাজ্ঞী—ভারত সাম্রাজ্যের শ্রেষ্ঠ সিপাই স্বয়ং ভারত-  
সম্রাজ্ঞীর হুকুম তামীল করতে উপস্থিত!

মুরজাঁহান। বাদশাহের অসীম অনুগ্রহ! শুনেছেন সমস্তই নিশ্চয়?

জাহাঙ্গীর। তাই না নিস্পত্তি করতে ছুটে এসেছি! তীরের মত গোঁয়াব  
এই রাঠোর রাজপুত জাতি!—এ জাতকে আয়ত্ত্ব করতে বেঁকা  
পুখে চাকা চালিয়ে সম্রাজ্ঞী বিষম ভুল করে বসেছেন—

মুরজাঁহান। বেশ! এ ভুল শোধন করতে সম্রাজ্ঞীর কিছুমাত্র কসুর  
হবে না—

[ বেগে প্রস্থান।

জাহাঙ্গীর। আসফ খাঁ,—আমীর ওমরাহদের নিয়ে বাইরে গিয়ে দেখ,  
যেন কোন রকম বিশৃঙ্খলা না ঘটে,—রাজপুত যেন মোগলের  
আতিথেয়তার উপর কটাক্ষ করবার অবকাশ না পায়।

[ আসফ খাঁ ও আমীর ওমরাহগণের প্রস্থান, মহাবতও যইতেছিলেন,  
জাহাঙ্গীর হাত তুলিয়া তাঁহাকে থাকিতে বলিলেন ]

মহাবৎ, ব্যাপারখানা কিছু বুঝলে?

মহাবত। যেটুকু বোঝবার, তা বুঝিছি বই কি সম্রাট!

জাহাঙ্গীর। কি রকম?

মহাবত। সত্যের জয় সর্বত্র; সত্যকে জোর করে ধরে বেঁধে চাপ

দিয়ে ছুচারদিন রাখা যার,—তারপর সে প্রকাশ হবেই ! এখন আমার কি করতে আদেশ করেন সম্রাট !

জাহাঙ্গীর । আমার আদেশ মানবে মহাবত ?

মহাবত । একি কথা জাঁহাপনা ! ( কুণ্ঠিত করিলেন )

জাহাঙ্গীর । কথা এই মহাবৎ, আমি তোমাকে আজ যে আদেশ করব, নির্বিচারে তা পালন করতে পারবে ? শক্তি পণ করে, সাহস পণ করে, বুদ্ধি পণ করে, জীবন পণ করে, সর্বস্ব পণ করে— তা পালন করতে পারবে মহাবৎ ?

মহাবত । জীবনের সায়াহ্নে এসে আজ কি নূতন করে পণ করতে হবে জাঁহাপনা ?

জাহাঙ্গীর । জাঁহাপনাও আজ জীবনের সায়াহ্নে এসে এই নির্মম পণে তেমাকে মাতাচ্ছে মহাবৎ ! তোমায় এ পণ রক্ষা করতে হবে—হৃদয়ের সহজাত সমস্ত কোমলবৃত্তি হৃদয় থেকে টেনে ফেলে দিয়ে ।—শোনো মহাবৎ, সাম্রাজ্যের সমস্ত শক্তি নিয়ে একটা বিরাট যুদ্ধের আয়োজন কর—রাজপুতানার সমস্ত অল্পগত রাজাদের সহায়তা নাও,—বিপুল শক্তি সঞ্চয় করে—বিদ্রোহী সাজাহানকে পরিবেষ্টন কর ; হত্যা, বক্রপাত, জীবাংসা এ যুদ্ধের লক্ষ্য হবে না,—এর লক্ষ্য সাজাহানকে চতুর্দিক দিয়ে ঘিরে ফেলে আত্ম-সমর্পণের অবস্থায় আনা,—তারপর—সেই স্ত্রী বিদ্রোহী পুত্র আর তার মন্ত্রণাদাত্রী পত্নীর কোল থেকে তাদের ছেলে মেয়ে সব কটাকে শান্তির জামীন—জয়ের দাবী বলে—ধরে নিয়ে আসবে—নিরুপায় নিঃস্বহায় রোরুঢ়মান সাজাহান আর তার স্ত্রী মমতাজের কাছ থেকে এমন নির্ভুরভাবে ছেলে মেয়েদের কেড়ে আনবে—যাতে তাদের দেহে কণামাত্র আঘাত পাবে না—কিন্তু দেহের ভিতরে যে অন্তর—তা ব্যথায় গলে যাবে—জলে যাবে—এই

তোমাকে করতে হবে মহাবৎ, এই আমার আদেশ!—মহাবৎ—  
মহাবৎ—বল—উত্তর দাও—

মহাবত । সম্রাট ! সম্রাট ! জাঁহাপনা !

জাহাঙ্গীর । মহাবৎ !

মহাবত । জাঁহাপনা ! অন্য কোন সেনানীকে এ আদেশ দিন,—আমাকে  
মার্জনা করতে আজ্ঞা হয়,—

জাহাঙ্গীর । অন্য কোন সেনানী আমার আদেশ মেনে নেবে সত্য, কিন্তু  
আমার মতলব তো বর্ণে বর্ণে পালন করতে পারবেনা মহাবৎ,—  
তাতে বহু প্রাণ হানি হবে, মোগল সাম্রাজ্যের শক্তি ক্ষয় হবে,—  
সাজাহানের প্রাণও বিপন্ন হবে,—আরো অনেক অঘটন ঘটতে  
পারে!—কিন্তু আমি তা তো চাইনা মহাবৎ!—পিতা পুত্রের  
এ মুখোমুখী যুদ্ধে তুমি মধ্যে না দাঁড়ালে মহাবৎ—বৃদ্ধ পিতার  
জেদ ত বজায় থাকবে না!—এয়ে জেদের যুদ্ধ বন্ধ!—মহাবৎ!—  
( মহাবতের হাত ধরিয়া )—অন্তরোধ, আদেশ নয় বন্ধ—( স্বর  
গাঢ় হইয়া আসিল )

মহাবত । ( নতজানু হইয়া )—জাঁহাপনা ! আদেশ এবার মাথায় তুলে  
নিলেম!—নিশ্চিন্ত হোন সম্রাট,—অন্তগামী হবার আগে—  
আর একবার হৃদয়কে নিশ্চিন্ত নিষ্কর করে অপযশ অর্জন করব !

[ প্রস্থান ।

জাহাঙ্গীর । তুমিই পারবে—তুমিই পারবে।—আমি এখনই এখান থেকে  
কল্পনার তা দেখতে পাচ্ছি ।



## দ্বিতীয় দৃশ্য ।

লাহোর,—প্রাসাদ সংলগ্ন উद्याন ।

লয়লী ।

## গীত ।

যা কিছু শুনেছি, যা কিছু বুঝেছি  
তারো চেয়ে তুমি উপরে ।  
কামনা বাসনা খেয়াল আমার  
পারে না ধরিতে তোমারে ॥

জীবন আমার এসেছে ফুরিয়ে  
হয়েছে অসাড় ধমনী,  
আজিও যে আমি তব গুণ গানে  
রয়েছি অক্ষম তেমনি;  
সবুজ গাছের পাতায় পাতায়—  
লিখিয়া রেখছ পরিচয়,  
জানিলাম যবে অন্ধ দু নয়ন,  
বিরাত দর্শন ব্যর্থ হল হায়,—  
কাঁদি তাই অমৃতাপ ভরে ॥

## শারিয়ারের প্রবেশ ।

শারিয়ার । ইস্! এসে অবধি গানের তোড়ে লাহোর তোলপাড় করে  
ভুলেছ যে !

লয়লী । তোমার বুদ্ধি তাই হিংসে হয়েছে ?

শারিয়ার । হিংসে হবে কেন ?

লয়লী । গানের তোড়ে কবিতার খেই হারিয়ে ফেলেছ বলে !

শারিয়ার । ওঃ—আমি তো গানে মশগুল হয়ে গেছি আর কি ! তা,—  
তোমার সেই সঙ্গিনীটি কোথায় ? তাকে আজ দেখছিনি যে ?

লয়লী । হুঁ—বুঝিছি, তারই সন্ধানে এখানে আসা—কেমন ?

শারিয়ার । সে দিব্যি গায়,—তার গান বরং আমার মিষ্ট লাগে ।

লয়লী । তাতো লাগবেই গো !—সে তো আর বিবাহিতা স্ত্রী নয়,—  
সে যে পরকীয়া !

শারিয়ার । ইতরের মত কেবল ঠাট্টাই শিখেছ !—একে কাটখোঁট্টা  
সিপাহীর মেরে, তাতে আবার জঙ্গলীদেশে শৈশব কাটিয়েছ,—  
সহবত ত শেখনি !

লয়লী । তা ত বটেই ! স্ত্রী সহবত শেখে স্বামীর কাছে , কিন্তু তোমার  
নিজের সহবত যা দেখে আসছি—তাতেই হাঁপিয়ে উঠিছি ;—  
বরং আমার জন্মভূমি যে জঙ্গলী দেশ, সেখানে যদি কিছুদিন  
কাটিয়ে আসতে, তাহলে সেখানকার হাওয়ার গুণেই বত্তে  
যেতে,—দেশের লোক আজ তোমাকে ‘না-সুদনি’ বলে ঠাট্টা  
করত না !

শারিয়ার । কি ?—কি—বল্লে ?

লয়লী । ‘না-সুদনি’ গো ‘না-সুদনি,’—অর্থাৎ কিনা—‘কুচ কামকা  
নঁহি !’ যে বাদশা, খুরমকে সাজাহান খেতাব দিয়েছেন,  
সেই বাদশাই বেছে বেছে এই খেতাবের জেবরটি তোমার  
ঘাড়ে চাপিয়েছেন, আর দেশময় তোমার এ নাম জাহীর  
হয়ে গেছে ! তবে তুমি কবি-মাহুষ কিনা, তাই শোনবার  
অবসর হয় নি ।

শারিয়ার। তুমি কি আমার সঙ্গে ঝগড়া করবার জন্তেই রাজধানী থেকে লাহোরে এসেছ ?

লয়লী। উহঁ !

শারিয়ার। তাহলে কি মতলব নিয়ে এখানে এসেছ শুনি ?

লয়লী স্বামীর কাছে স্ত্রীর আসাটা বরাবরই সম্ভব আর স্বাভাবিক ;  
এর মধ্যে মতলব বলে কিছু থাকে না ।

শারিয়ার। জান, আমি কান্দাহার উদ্ধারের ভার নিয়ে এসেছি !

লয়লী। জানি না!—আগরা থেকে কষ্ট করে লাহোরে এসেই হাঁপিয়ে পড়েছ ! আর ওদিকে সাজাহান আগরা থেকে বেরিয়ে জয়-পরাজয়ের ভেতর দিয়ে সমস্ত দক্ষিণাপথ ঘুরে—বঙ্গাল, বিহার উড়িষ্যা জয় করে, আবার আগরায় ফিরছে !

শারিয়ার। মিছে কথা, তা হলে সম্রাজ্ঞী আমার খবর দিতেন ।

লয়লী। খবর যখন কিছু দেন নি—তখন পুতুল পুতুলই থাকবে, হাতও উঠবে না, পাও তুলবে না,—নাচাবার স্মৃত্যে এখনো টান পড়েনি যে ! আমি জানি গো জানি—কার ইচ্ছিতে কান্দাহারে যাবার নাম করে বিপুল শক্তি নিয়ে তুমি লাহোরে বসে আছ !

শারিয়ার। পাগলের মত কি বকছ তুমি, আমি কিছু বুঝতে পারছি না ।

লয়লী। তা ত পারবে ন ;—বোঝবার শক্তি যদি তোমার থাকত, তাহলে আজ তুমি বেগম-বাদশার হাতের পুতুল হতে না । এখনো আমার কথা শোনো, যদি নিজের মঙ্গল চাও, যদি প্রাণে বেঁচে থাকতে সাধ হয়,—এ ঝড়ের মুখ থেকে সরে দাঁড়াও ;—সম্রাটদত্ত বিপুল জায়গীর বা তোমার করায়ত্ত, তাই নিয়ে ভুষ্ট থাকো,—সাম্রাজ্যের লোভে সম্রাজ্ঞীর হাতের পুতুল হয়ে সর্বস্ব হারিয়ে না ।

শাস্তির।' সামান্য সিপাহীর মেয়ে তুমি, সাম্রাজ্যের অর্থ তুমি কি বুঝবে?—খবরদার—বারণ করছি তোমাকে—এ সব অনধিকার চর্চা করতে এসো না।

[ প্রস্থান।

লয়লী। নির্বোধ! হতভাগ্য! কথায় কথায় তুমি আমার বাবার নাম নিয়ে খোঁটা দাও। এর শাস্তি আমি সঙ্গে সঙ্গে দিতে জানি, কিন্তু কেন যে দিইনা—তা তুমি বুঝবে না।—বাবা! বাবা! বাবা আমার—তোমার নাম নিয়ে এই অপমান-জালা, এই লাঞ্ছনা, এই শ্লেষ!—কোথায় বেহেশ্তের নবী—আর কোথায় নাপাক নাদান! কিন্তু—তবু তবু—তুমি আমার স্বামী। এ মোহের পথ থেকে তোমাকে ফেরাতে হবে—তোমাকে বাঁচাতে হবে—বাঁচাতে হবে।

[ প্রস্থান।

## তৃতীয় দৃশ্য ।

রোটস দুর্গের সুসজ্জিত কক্ষ ।

পালকে মমতাজ শায়িতা, শিয়রে সাজাহান, পদতলে সতী উম্মিসা,

জাহানারা, দারা, সুজা, আওরঙ্গজেব, কক্ষদ্বারে সুন্দরলাল,

কাশিম আলি ও দরিয়্যা খাঁ ।

মমতাজ । তুচ্ছ আমি,—আমার জন্ম সব হারালে ?

সাজাহান । তুমি তুচ্ছ ? তুমি আমার সর্বোচ্চ কাম্য;—তোমায় ফিরে  
পেলে—এ হারের মধ্যেও আমার সবই পাওয়া হবে ! জয়  
পরাজয়—উত্থান-পতন ছুদিনের, কিন্তু তুমি যে আমার সারা-  
জীবনের সঙ্গিনী তাজ !

মমতাজ । ছুনিয়ায় কি তোমার জীবন-সঙ্গিনীর অভাব হত—যদি না আমার  
মুখ চেয়ে এ ঘৃণ্য পরাজয়-লাঞ্ছনা স্বেচ্ছায় বরণ করে নিতে ?  
ছেলের মত এরা সব আমার, এদের কাছে বলতে লজ্জা কি ?  
যারা সিংহের মত ঘাড় উঁচু ক'রে বরাবর আমাদের সম্মান রক্ষা  
করে এসেছে, আজ তাদের অবস্থা দেখ ! চরমদণ্ডপ্রত্যাশী  
অপরাধীর মত মাথা নীচু করে দাঁড়িয়ে আছে সব ! আমার  
জন্ম তুমি সকলকে ফিরিয়ে এনেছ—খেতপতাকা তুলে সন্ধি-  
ভিক্ষা করেছ !—শুধু আমার জন্ম ! আমার জন্ম !—ওঃ—

দরিয়্যা । বিশ্বাসঘাতক দরাব ! যদি সে বেইমান এমন সরতানী না  
করত,—বাস্তলার নোকোগুলোও যদি আমাদের পাঠাতো ।  
তাহলে—ওঃ—এত সরল, এত উদার, এত মহৎ হয়েই জাঁহাপনা  
আজ সব হারালেন !

কাশীম । এভাবে আমাদের হারতে হবে—তা স্বপ্নেও ভাবিনি !

সাজাহান । এ আমার হার নয়—কাশীম আলি খাঁ !—হার নয় ;—জয়ের সূচনা ! সরল ভাবে বিশ্বাস ক’রে যে ডোবে, - ঈশ্বর আবার তাকে ভাসিয়ে তোলেন !

রক্ষীর প্রবেশ ।

রক্ষী । জাঁহাপনা ! সসৈন্ত মহাবত খাঁ দুর্গদ্বারে এসেছেন ।

সাজাহান । হঁ !—যাও,—আসতে বল ।

রক্ষী । জাঁহাপনা !—

সাজাহান । কি—বল ?

রক্ষী । সংখ্যার হুকুম হোক,—কত জনকে আসতে দেওয়া হবে !

সাজাহান । মহাবৎ খাঁর উপর ধর্মভার দেওয়া আছে ;—যাও—

[ রক্ষীর প্রস্থান ।

আওরঙ্গজেব । এখনো ধর্মভার !

সাজাহান । আওরঙ্গজেব !

মহাবত খাঁ, পারভেজ ও কতিপয় সেনানীর প্রবেশ ।

মহাবত । এই যে সাজাদা ! আমার মমতাজ মা কেমন আছেন ? এই যে আমার মা !—একি ! এমন হয়ে গেছ ! হা—ঈশ্বর ! ( মমতাজ হাত তুলিয়া সেলাম করিলেন ) আরে—কেও, বাদশার আদরের নাতনী ! তোমার জন্তে বাদশার কি আফশোষ ! এমন দিন নেই—তোমার কথা না কন !

সাজাহান । সত্যি নাকি ? তাই বুঝি এত ঘটা ক’রে নাতনীর খবর নেবার জন্ত আপনাকে দাছ পাঠিয়েছেন, খাঁসাহেব ?

মহাবত । হাঁ,—তাই বটে !

সাজাহান । এখন আমাদের উপর কি হুকুম সেনাপতি ?

মহাবত । সৰ্ব্ব ত আগেই তৈরী হয়ে আছে ! একশ মাত্র সৈন্য নিয়ে তোমাকে এ দুর্গ ত্যাগ করতে হবে ; তোমার সেনানী ও মহিলারা তোমার সঙ্গে যেতে পারবেন, তাতে আমাদের কোন আপত্তি থাকবে না । কিন্তু অর্থ, শিবির, অস্ত্রশস্ত্র ও যাবতীয় যুদ্ধ-সম্ভার, ঘোড়া, হাতী, গাড়ী আর বাকী সমস্ত ফৌজ তোমাকে ত্যাগ করে যেতে হবে ।—এই সৰ্ব্বই আমাদের মধ্যে হয়েছে না ?

সাজাহান । ( দীর্ঘ নিশ্বাস )—হাঁ !

পারভেজ । আর একটা নূতন কথাও এখন এই সৰ্ব্বের মধ্যে আসছে ;— আমরা শুনেছি সতীউন্নিসাকে পাওয়া গেছে, আর এখানেই সে আছে ; সম্ভবত এই নাবীই—

মহাবত । সাজাদা পারভেজ ! সাজাহানের শুদ্ধান্তের ওপর তর্জনী তোমার অধিকার নিয়ে আমরা এখানে আসিনি—এটা যেন তোমার মনে থাকে ।

পারভেজ । আপনার বোধ হয় মনে নেই—যখন সৰ্ব্বের কথা ওঠে, তখন সতীউন্নিসার প্রসঙ্গ আমরা তুলতেই ভুলেছিলুম ।

মহাবত । সতীউন্নিসা যখন সাজাহানের শুদ্ধান্তের সামীল, তখন তার প্রসঙ্গ এখানে উঠতেই পারে না ।—সতীউন্নিসা আমাদের দাবী নন ।

পারভেজ । কিন্তু সম্রাজ্ঞীর দাবী—এটা মনে রাখবেন । সম্রাজ্ঞীর আদেশ, সতীউন্নিসাকে তাঁর সামনে উপস্থিত করা !

মহাবত । কই, তাঁর আদেশ পত্র দেখি ।

পারভেজ । সম্রাজ্ঞীর মৌখিক আদেশই যথেষ্ট ।

মহাবত । আমি তা স্বীকার করতে প্রস্তুত নই সাজাদা !

পারভেজ । তবে আমার আদেশ—

মহাবত । ভিত্তিহীন !

পারভেজ । সম্রাজ্ঞীর যখন হুকুম, আমারো ইচ্ছা, তখন আমি এই বাঁদীকে নিজেই এখান থেকে ধরে নিয়ে যাব ;—এ আপনি স্থির জানবেন সেনাপতি !

মহাবত । তুমি মানুষ, না, পশু !—বেরিয়ে যাও এখান থেকে ; আমি আদেশ করছি—যদি সবার সামনে বেইজ্জত না হতে চাও—মানে মানে বেরিয়ে যাও ! যাও,—যাও,—যাও বলছি !

পারভেজ । এ স্পর্ধার জবাবদিহি কিন্তু—

মহাবত । বেরিয়ে যাও তুমি ;—জবাবদিহিব দুর্ভাবনা নিয়ে মহাবত খাঁ তরবারীকে তার উপজীবিকা করে নি ।

পারভেজ । আচ্ছা— [ প্রস্থান ।

মহাবত । হাঁ, যা বলছিলাম ;—সন্ধির সর্ব্ব অনুসারে তাহলে এখন আমরা কাঁচ আরম্ভ করতে পারি ?

✓ সাজাহান । নিশ্চয় ! কাশিম আলি খাঁ আমার সমস্ত সম্পত্তি আপনাকে বুঝিয়ে দেবে ; দরিয়্যা খাঁ আমার সেনাদল থেকে একশো সৈনিক বেছে নেবে—

মহাবত । ( ঈষৎ হাস্যে ) আর বাকী তিন সাজাদা আর সাজাদীকে বুঝি নিজের হাতেই আমাকে ধরে নিয়ে যেতে হবে ?—তোমার দাছ তোমার জন্তে তাঁর রঙমহলের সেরা তাঞ্জাম পাঠিয়েছেন, আর তোমাদের তিন ভায়ের জন্তে তাঁর সব চেয়ে সেরা হাতী—

✓ সাজাহান । মাফ্ করবেন খাঁ সাহেব !—ক্রমাগত প্রতারণিত হয়ে, এখন পরিহাসকেও বরদাস্ত করতে ভয় হয় ! তাই আপনার তামাসার কথাতেও—



মহাবত । তামাসার ছলেও আমি ত কখনো মিথ্যা বলি না সাজাহান !  
আর এতে আমি অভ্যস্তই নই ! বুঝতে পারছি না আমি—  
তুমি একে তামাসা বলে সন্দেহ করছ কেন ? তিন সাজাদা  
আর সাজাদী জাহানারা—আমার সঙ্গে যাবে ।

সাজাহান । আপনার সঙ্গে যাবে এরা !—এর অর্থ ?

মহাবত । সম্রাটের আদেশ !—সম্রাট এদের চেয়েছেন ;—এদের নিয়ে  
যাওয়াই সম্রাটের প্রধান দাবী,—এর নড়চড় হবে না জেনো ।  
আর আমি সন্ধি-সর্তের অপলাপও করিনি ; সর্ভ তুমি পড়ে  
দেখতে পার ; তুমি যা যা চেয়েছ—আমি সে সব তোমাকে  
দিয়েছি ;—সর্ভে তুমি এদের কথা উল্লেখ কর নি !—নয় কি ?

সাজাহান । বুঝি করি নি,—সত্যই করি নি ; করা আবশ্যিক মনে  
করি নি !—এরা কি আমা ছাড়া ? এ বিপ্লবের মূল নেতাকে  
যেখানে আপনি সম্মানে ত্যাগ করতে সম্মত,—সেখানে তার  
সন্তানদের গ্রাস করতে সম্রাট যে আপনাকে লেলিয়ে দিয়েছেন,  
আর আপনি তাঁর কূট উদ্দেশ্য চেপে রেখে—একবারে আচম্বিতে  
সামনে এসে—এমন করে এদের টুঁটি কামড়াতে চাইবেন—তা  
আমি ধারণাও করি নি খাঁ সাহেব !

মহাবত । উষ্ণ হুয়োনা সাজাহান ! আমার উপর বৃথা তুমি রুষ্ট হচ্ছ ।  
সরলভাবে চিরদিন তুমি যুদ্ধই করে এসেছ,—কূট রাজনীতির  
সঙ্গে এখনো পরিচিত হও নি ! তাই—

সাজাহান । আপনার এই ধাপ্লাবাজী—এই চাতুরীর চাল আমি ধরতে  
পারিনি ! তাই আমি আজ প্রতারণিত—সর্বস্বান্ত ; তাই  
আপনি আজ শিকারী সম্রাটের শিক্ষিত কুকুরের মত অপূর্ব  
কৌশলে আমার এই চরম দুঃখে একমাত্র সাহায্যের অবলম্বন—  
সন্তানদের টুঁটি কামড়াতে এসেছেন !

মহাবত । তোমার বয়স আমি অনেকদিন আগে পেরিয়ে এসেছি  
সাজাহান, তাই তোমার এ উক্তিও আমি এড়িয়ে যাচ্ছি!  
আর আমি এও প্রতিশ্রুতি দিচ্ছি—সম্রাটসকাশে তোমার  
সন্তানদের কোন অনিষ্ট হবে না ।

সাজাহান । আর প্রতিশ্রুতির স্পর্শ করবেন না সেনাপতি ! আমি  
প্রতিশ্রুতি চাই না ; শুধু—শুধু—একটা প্রস্তাব আপনার  
কাছে করতে চাই—শুনবেন ?

মহাবত । বল ! অবস্থাচক্রে আমি তোমার কাছে অতি হেয় হলেও,  
আমি চিরদিনই তোমার হিতৈষী, সাজাহান ।

সাজাহান । শুধু কথায় নয়, কাছে তার পরিচয় দিন খাঁ সাহেব ! আমার  
প্রস্তাব,—আমার সন্তানদের আপনি নিষ্কৃতি দিন ; আর তার  
পরিবর্তে আমাকে সম্রাট-সকাশে নিয়ে চলুন ।

আওরঙ্গজেব । তা হবে না—কখনো না ; আমরা বাবাকে এত হেয়  
হতে দোব না ! আমরা যাবো —

দারা । বাবা ! বাবা ! আপনি কেন,—আমরা যাবো ।

সুজা । হাঁ বাবা—আমরা যাবো,—তুমি বুদ্ধ করে আমাদের উদ্ধার ক'রো ।

সাজাহান । চুপ ! চুপ !—খাঁ সাহেব !

মহাবত । তা হয় না সাজাহান !

সাজাহান । হয় না ? হয় না ? এই না বললেন আপনি আমার  
হিতৈষী ?

মহাবত । আমি তোমার হিতৈষী বলেই এ হীনতা থেকে তোমাকে  
রক্ষা করছি ।

সাজাহান । বুঝেছি !

মহাবত । ( দারা প্রভৃতির উদ্দেশ্যে )—তা হলে এস তাই তোমরা—

দারা । বাবা !

সাজাহান । এরা আমার সন্তান নয় ? এদের উপর আমার—

মহাবত । আপততঃ কোন অধিকার নেই ।

সাজাহান । ওঃ—ওঃ—এত বড় অত্যাচার—এত বড় প্রতারণা—এত বড়  
অত্যাচার—

মমতাজ । নসীব—নসীব ! হা—ইশ্বর !

মহাবত । মা, তোমার স্বামী আমাকে এ সম্বন্ধে বত বড় অপরাধীই  
মনে করুন, আমার ভরসা আছে, তুমি ততটা ভাববে না ;—  
কেননা, মোগলবংশের জেদটা যে কত বড় দুর্বার, তা তুমি  
হাড়ে হাড়ে জান ।

মমতাজ । জেনে তার কিইবা বিহিত করলুম ! অদৃষ্টের জালে আমরা  
আপনারাই জড়িয়ে পড়েছি,—আপনি উপলক্ষ্য মাত্র ;  
আপনার যা অভিরুচি, তাই করুন ; আমরা ক্ষমাও চাইব না,  
বাধাও দোব না ; ছেলেরা যেতে চায়, নিয়ে যান ; কিন্তু মুখ  
ফুটে আমরা বলতে পারব না—যে,—যাও !

দারা । বাবা ! আমাদের যেতে অনুমতি দিন !

সুজা । দাদু জানুক, সবাই জানুক, আমরা কার ছেলে !

আওরঙ্গজেব । নিয়ে চলুন না এখন—পরে বুঝবেন তার মজা ।

মহাবত । ( জাহানারার প্রতি )—আর তুমি ?

জাহানারা । আমি যখন আমার বাবার শুদ্ধান্তের সাক্ষী নই, তখন  
আমারও যাওয়া উচিত বইকি ! আমিও যেতুম, কিন্তু এখন  
যেতে বাধা আছে ।

মহাবত । সম্রাটের কাছে যাবে তাতে বাধা ?

জাহানারা । বাধা ত এইখানেই খাঁ সাহেব ! সম্রাটের নাতীরা তাঁর  
নফরের সঙ্গে যেতে পারে, কিন্তু সম্রাটের নাতনী তা পারে না !

আমাকে নিয়ে যেতে যদি সম্রাটের এতই সাধ, তিনি যেন  
নিজে আসেন—

মহাবত । আর যদি সম্রাট তাঁর নফরের উপরই সে ভার দিয়ে থাকেন ?


জাহান্নারা । তাহলে যাবে তার প্রাণহীন দেহ ! নিয়ে যেতে চান  
খাঁ সাহেব ? ( ছুরিকা বাহির করিয়া নিজ বক্ষের উপর ধরিয়া )  
আমি প্রস্তুত !—চুপ করে রইলেন যে !—নিষ্ঠুর ! হৃদয়হীন  
দস্যু ! তুমি নিজকে গাজী বলে গর্ব কর ?—হৃদশার চবম  
সীমার এসে দাঁড়িয়েছি আমরা—এ দেখেও তুমি—ওঃ—তুমি—  
তুমি—দস্যুও নও,—তারো চেয়ে নীচ,—তুমি—তুমি—জহ্লাদ !

মহাবত । ঠিক বলেছ তুমি সাজাহানের কণ্ঠা ! আমি জহ্লাদই বটে !  
তা নইলে মা বাপের কোল থেকে সম্মানকে ছিনিয়ে নিয়ে  
যেতে সাহস হয় কার ? তুমি ঠিক জবাব দিয়েছ, খাঁটি কথা  
বলেছ জাহান্নারা ! তুমি থাক ; আর—( তিন রাজকুমারের  
দিকে চাহিয়া—সুজাকেই নির্বাচন পূর্বক )—আর তুমি—  
তুমিও থাক ; যদিও বাদশার হুকুম, তোমাদের সব কটিকে  
নিয়ে যেতে—আর এও জানি, বর্ণে বর্ণে এ আদেশ তাঁর  
পালিত না হলে মহাবতের মর্যাদা থাকবে না—না থাকুক—  
আমি তাই চাই—তাই চাই ! বাদশার ছেলের সঙ্গে বোঝা  
পড়া হয়েছে,—এবার বাদশার সঙ্গে বোঝাপড়া হয়ে যাক !  
( দারা ও আওরঙ্গজেবকে দুই পার্শ্বে রাখিয়া দুইজনের হাত  
ধরিয়া )—ঠিক বলেছ সাজাহান !—শিকারী সম্রাটের শিক্ষিত  
কুকুর—মোগল সাম্রাজ্যের দুটো সেরা শিকার ধরে নিয়ে  
চলেছে ! হাঃ হাঃ হাঃ হাঃ—

[ মহাবত, দারা, আওরঙ্গজেব ও সেনানীদের প্রস্থান ।

সাজাহান । নিয়ে গেল, নিয়ে গেল,—সত্যই নিয়ে গেল ওদের !—  
 ঐ, ঐ, ঐ, যাচ্ছে,—ঐ নেমে চলেছে !—নাঃ নাঃ নাঃ—আমি  
 নিয়ে যেতে দেব না !—মহাবৎ খাঁ—বৃদ্ধ সয়তান ! দাঁড়াও—  
 দাঁড়াও !—সুন্দরলাল মাথা হেঁট করে বসে কেন ? তলোয়ার  
 নিয়ে ছুটে যাও—উদ্ধার করে আন—ওদের ফিরিয়ে আন !  
 মমতাজ ! মমতাজ !—হতভাগ্য অসহায় স্বামীর অক্ষমতা  
 দেখ, আর কাদ !—কাদছিস্ মা জাহান্নারা ! কেঁদে কি  
 ফল ?—কেন সহ করব—কেন এ সন্ধি সত্ত্ব গ্রাহ্য করব !—  
 এ শাঠ্যের—ওঃ ! ঐ—ঐ চলেছে—হাতীর পীঠে উঠছে—  
 ঐ—ঐ—

( মূর্ছা ও সঙ্গে সঙ্গে বোরফমানা জাহান্নারার পিতৃশিয়রে  
 উপবেশন এবং ঠিক এই সময় মমতাজ কাঁপিতে কাঁপিতে  
 শব্দ্য হইতে উঠিবার প্রয়াস পাইলেন ও সতীউন্নিসা তাঁহাকে  
 ধবিয়া ফেলিলেন )



## চতুর্থ অঙ্ক ।

প্রথম দৃশ্য ।

মৌ-সীমান্ত,—মুসাফির খানার উপরাংশ প্রশস্ত ছাদ,—অদূরে কক্ষদ্বার ।

জাহানারা ।

( গীত )

সকল দুয়ার ছাড়িয়া এবার তোমাব দুয়ার করেছি সার  
তোমার আগারে সবই ত রয়েছে আমার বঞ্চিত করনা আর ।

তোমার করুণা কামনা করিয়া

রিক্ত হস্তে আমি আছিগো বসিয়া

শূন্য এ হৃদয় রেখেছি পাতিয়া, করুণা নয়নে চাও একবার ।

হে আমার রাজরাজেশ্বর !

তুমি যে দয়াল দাতা মেহের নির্মল,

করেছি তোমারে আমি একান্ত নির্ভর—

পুরাও কামনা নম মুছাও হে অক্ষয় ।

জাহানারা । মেহেরবান খোদা ! মনের ভাষা তুমিই পড়তে পার ; তুমি  
জান, কি আমি চাই ! দাও—দাও—আমার বাবার ভাগ্য,  
সুখ, শান্তি, স্বাস্থ্য—এক এক কবে কেড়ে নিয়েছ যে সব—  
আবার ফিরিয়ে দাও, ফিরিয়ে দাও ! এই আমার কামনা ;  
আর কিছু নয়,—আর কিছু চাইনা !

[ ধীরে ধীরে অদূরের কক্ষদ্বার ঠেলিয়া ভিতরে প্রবেশ ।

ছাদের অপরাংশ দিয়া—মমতাজ ও সতী উন্মিসার প্রবেশ  
মমতাজ । নশ্বদার যুদ্ধের পর দাক্ষিণাত্যে যাবার সময় এই মৌএর দুর্গাধীপ

আমাদের যথেষ্ট সাহায্য করেছিলেন। তাই, রোটস্‌গেডে সর্ব-  
শান্ত হয়ে উনি এইখানেই আশ্রয় নেবেন মনে করে এসেছিলেন।  
কিন্তু এসে যখন শুনলেন, আমাদের আশ্রয় দেওয়ার অপরাধে  
মৌএর রাজা বন্দী হয়ে শেষে মাপ চেয়ে নিষ্কৃতি পেয়েছেন,—  
তখন আর উনি রাজ্যের ভিতর পা বাড়ালেন না,—তাই এই  
মুসাফিরখানাই আজ আমাদের আশ্রয়স্থান!

সতীউন্নিসা। শুনেছি, মৌএর দুর্গ দুর্ভেদ্য; এ সময় এই দুর্গ হস্তগত করতে  
পাবলে, বিশেষ ফল হত।

মমতাজ। তাহলেও উনি এক্ষেত্রে পূর্বের উপকারী জানে এই মৌএর  
দুর্গাধীপকে সম্রাটের কোপে ফেলতে চান না। স্বেচ্ছায় যে  
ওঁর সহায় হতে চায়, উনি তারই সাহায্য নেবেন।—এখন আর  
কিছু চাইনা সতী, সবইত গেছে—উনি সেরে উঠলেই যে—

সতীউন্নিসা। কাল রাত্তিরে যখন স্বচ্ছন্দে ঘুমিয়েছেন, তখন আর কোন  
ভাবনা নেই।

মমতাজ। মহাবৎ খাঁ শুধু ছেলে দুটোকে কেড়ে নিয়ে যায় নি,—সঙ্গে সঙ্গে  
ওঁর অঙ্গের দুখানা পাঁজরা ছিড়ে নিয়ে গেছে!—সেই থেকে  
একটি রাতও নিশ্চিন্ত হয়ে ঘুমতে পারেন নি!—শুধু কাল  
রাতটি,—এই মুসাফিরখানার ভাঙ্গা জীর্ণ ঘরে—

(নেপথ্যে জাহান্নারা)। মা—মা—শীগ্‌গীর এসো—

মমতাজ। কিও,—জাহান্নারা—কি হয়েছে—কি—

রুদ্ধ দ্বার খুলিয়া টলিতে টলিতে রুগ্ন সাজাহানের প্রবেশ

পশ্চাৎ পশ্চাৎ জাহান্নারা—

সাজাহান। তাজ—তাজ—

সতীউম্মিসা । একি !

মমতাজ । সর্কনাশ !—করেছ কি ? বিছানা থেকে এই দেহ নিয়ে কি  
ভরসায় উঠে এলে—

জাহানারা । কথা শুনলেন না,—বাবা—বাবা—এখনো বে কাঁপছ !—

সাজাহান । তাজ—তাজ ! বল তুমি আমার ছেড়ে যাবে না !—বল,  
বল,—আমায় নিশ্চিন্ত কর—

মমতাজ । কি বলছ তুমি,—বসে পড়—বসে পড়—

জাহানারা । বাবা—বাবা—বস এখানে—

সাজাহান । হাঁ—হাঁ—মা আমার—ঠিক কাছে আছিস, দেখতে পাচ্ছি ;—  
যেমন—যেমন তখন দেখেছি ;—কিন্তু তোমাকে—তোমাকে  
তাজ—কেন দেখতে পাইনি ! কেন দেখতে পাইনি !

মমতাজ । সতী, শীগ্‌গীর হকীমকে ডেকে আন—

সাজাহান । না—না—না,—যেওনা সতী,—আমি খুব সুস্থ আছি,—  
একদম আরাম হয়ে গেছি ;—আমার মুখচোখ দেখে বুঝতে  
পারছনা, আমি এখন সুস্থ হয়েছি !—

মমতাজ । তুমি এখনো কাঁপছ—চুপ কর—

সাজাহান । না, না,—অত উতলা হয়োনা তাজ ;—আমি—আমি সত্যই  
হঠাৎ বিব্রান্ত হয়েছিলেম ! কেন শুনবে ?—অপূর্ব স্বপ্ন দেখেছি  
তাজ ! না—না—না—স্বপ্ন বললে তাকে ভুল করা হয়,—  
আমি—সত্য সত্য—সত্য দেখিছি এই চক্ষে,—অপূর্ব—  
অপূর্ব—অপূর্ব !

জাহানারা । বাবা, বাবা,—চুপ করো—

সাজাহান । না—মা—জাহানারা, আমার এ প্রলাপ নয়,—শোন্ শোন্,  
শুনলে স্তব্ধ হয়ে যাবি মা,—তুমিও তাজ তুমিও—শোন শোন,—



আগরার সিংহাসনে দুজনে বসেছি। মণিমুক্তা খচিত কি সে  
বিচিত্র সিংহাসন! শীর্ষে—তার—তার—হাঁ—অপূর্ক—ময়ূর,  
ময়ূর—এখনো চোখের উপর ভাসছে!

সতীউন্নিসা। এত সুস্বপ্ন,—আপনার এ স্বপ্ন সত্যই হোক।

সাজাহান। তারপর তাজ—কি দেখলেম জান? সারা দুনিয়ার শত  
বছরের জ্যোৎস্নায় গড়া—বিরাট বিশাল মহান্ হর্ম্য! তার  
তুলনা নাই, তুলনা নাই,—বর্ণনা করবার ভাষা নাই, ভাষা  
নাই;—টাদের কিবণ তার কাছে গিয়ে লজ্জায় ঠিকবে পড়ে—  
এত সে সুন্দর! আমি তার রূপ প্রকাশ করতে পারছি না,—  
কিন্তু—কিন্তু—এইখানে—এইখানে—এইখানে তার অবিকল  
আলেখ্য কুটে উঠেছে—আমি দেখতে পাচ্ছি—অতি স্পষ্ট,  
অতি উজ্জ্বল!—হাঁ,—তারপর শোন,—আগরার গম্বুজের  
উপব দাড়িরে দাড়িয়ে তাকে দেখছিলাম—যমুনার বন্ধভেদ করে  
সে উঠছিল—হঠাৎ দেখি—তুমি—তুমি—তাজ—তার মধ্যে  
গিয়ে লুকুলে! আমিও তোমার পশ্চাৎ পশ্চাৎ ছুটলেম,—  
দেখতে পেলাম না তোমাকে; ‘তাজ—তাজ’—বলে চীৎকার  
করে ডাকতে লাগলেম—প্রতিধ্বনি উপহাস করে হেসে  
উঠল,—তোমায় আর পেলেম না!

মমতাজ। সত্য? তোমার এ স্বপ্ন শুনে—তোমার মানস-পটে চিত্রিত  
ঐ হর্ম্যের কথা শুনে—আমিও যেন তা চোখে দেখতে পাচ্ছি!—  
আমাকে তার মধ্যে অদৃশ্য হতে দেখেছ?—এখন মনে আমার  
এই সাধ জাগছে,—তুমি সম্রাট হয়ে তোমার স্বপ্নে দেখা এই  
হর্ম্যই প্রস্তুত ক’র,—আর—আর—তারই তলায়—তাজের  
সমাধি—

সাজাহান। চুপ্—চুপ্—চুপ্—উন্মাদ ক’রনা আমাকে তাজ! কেন

এ কথা বললে? কেন—বললে?—জাননা গভীর নিদ্রার মধ্যেও কি দন্দ্ব করেছি অন্তরের সঙ্গে!—‘তাজ—তাজ’—বলে আর্ন্তস্বরে যতবার ডেকেছি, ততবারই চোখের উপর উজ্জ্বল হয়ে ফুটে উঠেছে ঐ হন্থা!—আর—আর—হাঁ—আর দেখিছি—মুখখানির দিকে চোখ দুটি তুলে সর্বক্ষণ চেয়ে আছে—জাহান্নারা—মা আমার!—দুই চক্ষু জলে ভরা,—কেন কে জানে!

জাহান্নারা। বাবা, বাবা,—তাহলে তুমিও স্বপ্নে আমাদের দেখ,—বেমন আমি রোজ রোজই দেখি!—সত্যি মা, দেখ, বাবার আব অসুখ নেই, খোদা আমার প্রার্থনা শুনেছেন।

সাজাহান। আমার জন্তু খোদার কাছে তুমি যখন প্রার্থনা কবেছ মা, তখন না সেরে কি আমি থাকতে পারি?—তাজ, তাজ, এতক্ষণে আমি প্রকৃতিস্থ হয়েছি।—সবই আবার মনে জাগছে।—ছেলে দুটো—ওঃ হোঃ—এতদিনে হয়ত আগরায় গিয়ে পৌঁছেছে!—কি জানি, কি করছে তারা তাদের নিয়ে! আদর করছে,—না, পাতাল বরে চাবি দিয়ে বেথেছে! কিম্বা খাবারের সঙ্গে বিষ দিয়ে—কি, ঘুমন্ত সেই ফুল দুটোর বুকে হত্যার ছুরি—ওঃ ওঃ ওঃ—

সতীউম্মিসা। স্থির হন প্রভু! কেন অনর্থক অশুভ কল্পনা করছেন!

সাজাহান। না—না—না—এত নিষ্ঠুর হতে পারবে না,—দাছ—দাছ—দাছ—বলতে, তারা যে অজ্ঞান! সেই দাছ ত সেখানে,—যদিও পক্ষু—তবুও তবুও—হাঁ—তাজ, নূতন সংবাদ আছে কিছু?

মমতাজ। নূতন সংবাদ এইমাত্র শোনবার আছে,—সম্রাজ্ঞীর ষড়যন্ত্র প্রকাশ হয়ে পড়েছে। মহাবাণী মহামায়া সমস্ত রহস্য বুঝতে পেরে তাঁর স্বামীকে ফিরিয়ে নিয়ে গেছেন। এখন তাঁরা নাকি—  
আমাদের—

সাজাহান । এ সংবাদ এখন আমাকে শোনার অর্থ কি তাজ !  
সাজাহান আজ সর্বস্বান্ত অসহায় অক্ষম সত্য, কিন্তু, কিন্তু—  
সে কি তার আত্মসম্মান—তার মনুষ্যত্ব—তার ব্যক্তিত্ব—  
সমস্ত—সমস্ত—

মমতাজ । কেন উত্তেজিত হচ্ছ তুমি এ কথা শুনে ! আমি ভিক্ষুকের  
পত্নী নই,—স্বাবলম্বী উচ্চাকাঙ্ক্ষী স্বামীসহধর্মিনী ! যদি  
নিজের ভুল বুঝে, মাড়বার কখনো স্বেচ্ছায় আসে আমাদের  
কাছে, তবেই—তবেই,—নতুবা যত বড় প্রলোভনই হোক না,  
সেদিকে দৃষ্টিও ফেলব না ।

সাজাহান । আমি কি জানিনা তাজ, কত বড় মর্মান্তিক ব্যথা বুকে  
চেপে ধরে একথা বলছ তুমি ! রোটসগড়ের সেই বন্ধার  
সঙ্গে সঙ্গে রোগশয্যা ছেড়ে উঠে দাঁড়িয়েছ—একটি বার প্রকাশ  
কর নি—কাউকে জানতে দাও নি—ঐ বুকখানির মধ্যে কি  
ভয়াবহ বহি দাঁউ দাঁউ করে দিনরাত জ্বলছে,—আর তার  
জ্বাল তুমি সহিছ !

মমতাজ । দুনিয়ার এসে যে মা হবার সৌভাগ্য পেয়েছে, এ দুর্ভাগ্যের  
জ্বালাও তাকে বুকপেতে নিতে হয়েছে ।—বাঘিনীর কবলে  
সম্মান যদি পড়ে, সেই সম্মানকে রক্ষা করতে যে মা নিজের  
শক্তির ওজন না করে পাগলিনীর মত বাঘিনীর উপর ঝাঁপিয়ে  
পড়ে,—আমি সেই মা,—সেই সম্মানহারা মা,—তবু যে  
চুপকরে মড়ার মত নিজেঁই হয়ে আছি—কেন,—কেন,—  
কি বলব !—

সাজাহান । শুধু আমার জন্ত ! আমার জন্ত ! আমি যে তোমার—  
( সহসা বাটার নিয়ে রাস্তারদিকে তুমুল কোলাহল, )

অস্ত্রের ঝঞ্ঝার—বন্দুকের আওয়াজ )

নেপথ্যে বহুকণ্ঠে । এই বাড়ী—মুসাফিরখানা,—ভেঙ্গে ফেল্ দরজা ।—  
সাজাহান প্রভৃতি । একি !—কি হল,—ব্যাপার কি—

### সুজার প্রবেশ ।

সুজা । এই যে বাবা—আপনি উঠেছেন ! বড় বিপদ বাহিরে ।  
আলিমহম্মদ একদল ফৌজ নিয়ে এই মুসাফিরখানা আক্রমণ  
করেছে ।

সাজাহান । আলিমহম্মদ ! আলিমহম্মদ !—সেই বেইমান, নেমকহারাম  
বিশ্বাসঘাতক !—জাহানারা—মা আমার—ঐ ঘর থেকে  
আমার অস্ত্র আনো—

সতীউন্নিসা না, না,—এই দেহে—এই অবস্থায়—

সাজাহান । যাও—জাহানারা— [ জাহানারার প্রস্থান ।

সুজা । আমরাও চুপ করে নেই,—সঙ্গে সঙ্গে জবাব দিয়েছি,—শুধু  
খবর দিতে এসেছিলাম !—আমি চললাম নীচে । [ প্রস্থান ।

সাজাহান । তিনটে—তিনটে ! এক তারে গাঁথা সমান তিন বেইমান !  
একটা কাঁটা ভেঙ্গে—দিয়েছে সুন্দরলাল—ফুটতে না ফুটতেই—  
নসরদার যুদ্ধে ! মনে নেই তার কথা—রসুল আলি ।—দুয়ের  
কাঁটা—আলি মহম্মদ ! তিনেরটা—দরাব গাঁ !

### অসিচর্ম্ম লইয়া জাহানারার প্রবেশ

এনেছি; দে মা দে,—ভয় নেই তোমাদের,—পাগলের মত  
আজ মরতে ছুটব না,—কিন্তু বেইমানকে আর রেহাই দেব না—  
( টলিতে টলিতে উত্তেজিতভাবে ছাদের আলিসার উপর উঠিয়া  
দাঁড়াইলেন এবং বুঁকিয়া নিয়ের সংঘর্ষ দেখিতে লাগিলেন । এই  
সময়—মমতাজ প্রভৃতি মুখ ও চক্ষে বিষয় ও আতঙ্কভাব  
প্রকাশপূর্ব্বক—সাজাহানকে অনুসরণ করিলেন )

সাজাহান । সাবাস্—সাবাস্ ! এগিয়ে যাও—আরো এগিয়ে,—আরো এগিয়ে !—সাজাহানের ভক্তপূজগণ ! চেয়ে দেখ—রোগশয্যা ছেড়ে উঠে এসেছি আজ তোমাদের বীরত্ব দেখতে ।

নেপথ্যে । জাঁহাপনা ! জাঁহাপনা !—আল্লা আল্লা হো—

সাজাহান । আবদুল্লা ! সেনাপতি দরিয়া খাঁ ! মহৎ কাসীম আলি ! সাহসী সুন্দরলাল !—দেখতে পাচ্ছ—হাতীর উপর বসে কে সৈন্য চালায়—সাজাহানের সম্মুখে—

মমতাজ । ( উত্তেজিতভাবে আলিসার উপর উঠিয়া সাজাহানের পার্শ্বে দাঁড়াইয়া )—নশ্বদা যুদ্ধের সেই বিশ্বাসঘাতক বেইমান যে তোমাদের প্রভুকণ্ঠার গায়ের সমস্ত জেবর নিয়েও ছুষমনী করেছিল—সেই জাহান্নামের সয়তান আজ হাতীর পীঠে—

নেপথ্যে । হাতী—হাতী—আলিমহম্মদ—আলিমহম্মদ—

সাজাহান । হাতী—হাতী,—হাতীর পীঠে ঐ সয়তান,—ঐ—ঐ—ঐ, আবদুল্লা ! ঐ দিক দিয়ে—হাঁ—ঐ পথে ;—দরিয়া খাঁ,—ঐ মসজিদ ঘুরে ;—কাসীম আলি !—দেউড়ীর ধারে !—সুন্দরলাল ! ঠিক—ঠিক—ঘোড়ায় চড়ে—হাওয়ার আগে—আলিমহম্মদের শির লক্ষ্য করে,—সাবাস—সাবাস,—দেখ দেখ দেখ তাজ—হাওয়ার আগে আসোয়ার ছুটেছে,—হাতী—হাতী—সুন্দরলাল !—দরিয়া খাঁ—হাতী—হাতী—

তাজমহল । ঐ—ঐ—ক্ষিপ্ত হাতী শুঁড় দিয়ে কাকে জড়িয়ে ধরলে ! ঐ—ঐ—কে হাতীর শুঁড় কেটে—লাফিয়ে হাওদায় উঠছে—

সাজাহান । হাতী মাটি চেপে—আর দেখা যাচ্ছে না—ওকি—ওকি—অন্ধকার—ওঃ—ওঃ—মাথাটা আমার—

মমতাজ । সতী—সতী—সতী—শীগ্গীর ধর—শীগ্গীর—

[ সকলে মিলিয়া মূচ্ছিতপ্রায় সাজাহানকে ধরিয়া আলিসার নিয়ে বসাইয়া দিলেন, জাহান্নারা ছুটিয়া জল ও পাখা আনিলেন ]

মমতাজ । বাতাস কর—বাতাস কর—উত্তেজনায় দুর্বল দেহে বৃষ্টি মুচ্ছা  
গেলেন—

জাহানারা । ( পাথার বাতাস করিতে করিতে ) বাবা ! বাবা !

সাজাহান । হাঁ—হাঁ—হঠাৎ আবার বিভ্রান্ত হয়ে পড়েছিলাম !—এখন  
সুস্থ হয়েছি । ধরত—ধরত—দেখি—

মমতাজ । না—না—উঠনা—

সাজাহান । না—না—না—না—( সাজাহানের উঠবার প্রয়াস )

আলি মহম্মদের ছিন্ন শির হস্তে সুন্দরলালের প্রবেশ

সুন্দরলাল । জাঁহাপনা !—সয়তান আলি মহম্মদের নাম ছনিয়া থেকে  
মুছে গেছে ! এই তার নিশানা ! ( শির সাজাহানের পদতলে  
রাখিলেন )

সাজাহান । সাবাস সুন্দরলাল—সাবাস !—( ক্রকুটিপূর্ণনেত্রে ছিন্ন শিরের  
দিকে চাহিয়া ) এই যে—এই যে,—সয়তান—সয়তান !—  
তাজ—তাজ !—দেখো—দেখো,—তিনটেই ছুটো ; বাকি, আর  
একটা,—দরাব খাঁ—দরাব খাঁ ! কিন্তু সে এখন এক্কেয়ারের  
বাইরে । তারও এমনই ছিন্ন শির,—তার ভার হে সর্বদর্শী  
মহিমাময় ঈশ্বর ! তোমার উপর—তুমি—তুমি তার বিহিত  
ক'র !—কিন্তু সুন্দরলাল, আমি যে—আমি যে আজ রিক্ত,  
সর্বস্বান্ত,—কি দিয়ে তোমাকে—তৃপ্তি পাই !—কি দিয়ে—কি  
দিয়ে—

সুন্দরলাল । রাজার স্নেহ দিয়ে জাঁহাপনা !

### হসিয়ারের প্রবেশ

হসিয়ার । জাঁহাপনা—জাঁহাপনা ! খোজা হসিয়ার আবার নূতন সমাচার  
এনেছে ।—মাড়বারে দৌত্য করতে গিয়ে দুঃসংবাদ বহন করে

এনেছিলেম, আজ এনেছি সুসংবাদ ! মেবারের মহারাণা, জাঁহাপনা বিপন্ন শুন মেবারের ফটক খুলে দিয়েছেন— জাঁহাপনাকে আদর করে বরণ কবতে ; রাণা নিজে রাজ্যের বাইরে এসে প্রতীক্ষা করছেন,—রাণার দূত মোএ উপস্থিত ।— আদেশ !

দাজাহান । শোন তাজ শোন !—এই রাণার সঙ্গে আমি যুদ্ধ করেছিলেম । খড়্গে খড়্গে আলিঙ্গনের পর হাতে হাত মিলিয়েছিলেম । তাব এই প্রতিদান । এস, সকলে মিলে, এইখান থেকে মেবারের সেই মহিমাময় রাণার উদ্দেশে সেলাম করি !

P 122

—

## দ্বিতীয় দৃশ্য ।

লাহোর—হারেমের একাংশ ।

মণিজা ।

গীত ।

মীরা মিল হোলী গাবে, ফাগুন-কে দিন চার রে ।  
 বিন করতাল পছাবজ বাজে, অহনদ কি বনকার রে ॥  
 বিন সুর রাগ ছত্তিমুঁ গাবে রোম রোম রংগসার রে ।  
 সীল সঁতোষ-কে কেসর যোলী, প্রেম-প্রীতি পিচকার রে ॥  
 উড়ত গুলাল, লাল ভয়ে বাদল, বরসত রংগ অপার রে ।  
 ঘট-কে সব পট খোল দিয়ে হৈ, লোকলাজ সব ডার রে ॥

## ময়লীর প্রবেশ

ময়লী । আজ যে ভারি আমোদ দেখছি—ব্যাপার কি ?

মণিজা । কি আর কবি বল, তুমি ত গান গাওয়া ছেড়ে দিয়েছ ; চুপাটি করে দিনরাত সোফার উপর একই ভাবে বসে থাক,—কি যে ভাব তা তুমিই জান ! তাই দেখছি—এক আধটা গান গেয়ে তোমাকে একটু অন্তমনস্ক করতে পারি কি না ? এ রকম করলে কদিন বাঁচবে ?

ময়লী । সে আশঙ্কা তোর নেই মণিজা,—বাঁচব আমি অনেক দিন, খোদা বে মেয়েদের নসীব আয়ুটা খুব জবর করেই দেবে—তা জানিস না ? তবে সমস্যা এই, যাকে অবলম্বন করে সমস্ত লাঞ্ছনা গঞ্জনা সহ করে যাচ্ছি—তাকে হয়ত বাঁচাতে পারব না—

মণিজা । নসীব যখন মান, তখন ভুলে যাও কেন—মরা বাঁচা মানুষের



হাতের মধ্যে নয়—ইচ্ছায়ও হয় না। শোন,—আজ সাজাদা হোলিতে যোগ দেবেন বলেছেন, এখনি অন্দর মহলে আসবেন। এস আমরা হোলির গান শুরু করি—

লয়লী। তুই কি মনে করিস্—এই সব করে সাজাদার মন ফেরাতে পারবি ?

মণিজা। চেষ্টা করতে দোষ কি ? আজ কতদিন সাজাদার সঙ্গে দেখা নাই ভাবত—

লয়লী। আমি ত হাল ছেড়ে দিয়েছি—তুই যদি মনে করে থাকিস্—এই রকম করলে তার মন থেকে লাম্পাটোর নেশা ছুটে যাবে—সে তোর ভুল। তবে তুই চেষ্টা করছিস্ কর—আমি বাধা দেব না।

মণিজা। ঐ সুরের আওয়াজ আসছে,—চাই কি, তোমার নাগর হয় ত নাচনাওয়ালীদের সঙ্গে নাচতে নাচতে তোমার সঙ্গে হোলি খেলতে আসছেন !—পার ত, এইবার আটকে ফেল—

### হারেম-নর্তকীগণের প্রবেশ

#### গীত ।

আজু ফাগুন কে দিন আও আও গোরী ।  
সব কোই মিল্কে খেলু হোরী ॥  
নন্দ কি নন্দন চতুর কান—  
রক্ষাওব লালসে না করো বহান  
ভর খারি, বড়ে পিচকারী—  
চল্ সখী-য়গ মিলি সারি—সারি ॥

[ প্রস্থান ।

---

লরলী । দেখলে, ঠকলে ?

মণিজ্জা । খোদার মার—সেরা মার !—আমাদের সাথে কি তাঁর  
খেলা বুঝি ।

---

## তৃতীয় দৃশ্য ।

জাহাঙ্গীরের খাস কামরা ।

জাহাঙ্গীর ও আসফ খাঁ ।

জাহাঙ্গীর । সাজাদা পারভেজের এ পত্র সম্রাজ্ঞী পড়েছেন, আসফ খাঁ ?

আসফ । সর্বাগ্রে সম্রাজ্ঞীর পড়া না হলে কোন পত্রই ত সম্রাটের কাছে  
ইদানীং পেস হবার উপায় নেই জাঁহাপনা !

জাহাঙ্গীর । তা আমি জানি ;—রাজকীয় সমস্ত পত্রই যাতে সম্রাজ্ঞীই  
আগে পড়বার অবকাশ পান, আমিই তার ব্যবস্থা করেছি ;  
তবু ব্যবস্থামত কাজ ত সব সময়ই হয় না,—তাই আমি জানতে  
চাইছি, সম্রাজ্ঞী এই পত্র পড়েছেন কি না ?

আসফ । পড়েছেন, জাঁহাপনা ।

জাহাঙ্গীর । হুঁ !—আচ্ছা, বলতে পার আসফ খাঁ, সম্রাজ্ঞী এই দরাব খাঁর  
সম্বন্ধে কোনো আদেশ সম্রাটের নামে সেখানে পাঠিয়েছেন  
কি না ?

আসফ । সম্রাজ্ঞী এ পত্রের বিষয় জেনেও—এখনো কোন আদেশ পাঠান  
নি ;—বিশেষতঃ এ আদেশ সম্রাটেরই—

জাহাঙ্গীর । দরাব খাঁ !—দরাব খাঁ !—বায়রাম খাঁর কুলপাংশুল শয়তান !  
ঝাড়ু—বেইমান, পুরো বিশ্বাসঘাতক ! উলটে—পালটে—  
চমৎকার ! একবার বাদশার সঙ্গে, আবার সঙ্গে সঙ্গে তার—  
জাহান্নমে যাক্ ! মাপ চায়,—মাপ চায় !—বিশ্বাসঘাতক,  
বেয়াদপ, বেইমান ! আসফ খাঁ !—আমি দরাবের মুণ্ড চাই—  
মুণ্ড—মুণ্ড—ছিন্ন মুণ্ড দরাব খাঁর !—লেখ—লেখ পরোয়ানা—  
জল্দী !—চেয়ে রইলে যে ?—লেখ সাজাদা পারভেজকে—

অবিলম্বে দরাব খাঁর ছিন্নমুণ্ড আমার দরবারে পাঠাবে।  
( আসফ খাঁ লিখিতে লাগিলেন )—এই নাও আমার পাজা—  
ছেপে দাও ;—লিখেছ ?

আসফ । জী—জাঁহাপনা ।

জাহাঙ্গীর । দেখি ! ( আসফ খাঁর নিকট হইতে পরোয়ানা লইয়া পাঠ )  
হাঁ,—ঠিক হয়েছে ; দাও—কলম, স্বাক্ষর করে দিই—( আসফ  
খাঁর কলম প্রদান, জাহাঙ্গীরের স্বাক্ষর ) এই নাও ; তোমার  
দপ্তরখানায় গিয়ে শিল-মোহর করে—দক্ষ শওয়ার দ্বিবে এই  
দণ্ডে পাঠাও,—যাও—যাও—

আসফ । ( স্বগতঃ )—বুঝিছি—পাছে নুরজাঁহান এসে বাধা দেয় !

[ প্রস্থান ।

জাহাঙ্গীর । ( কক্ষমধ্যে উত্তেজিত ভাবে পাদচারনা করিতে করিতে )  
বেয়াদপ বিশ্বাসঘাতক বেইমানদের একটি একটি করে এই ভাবে  
উচ্ছেদ করব ! কেউ বাদ যাবে না,—কেউ না ; যারা আমার  
ছেলের দলে যোগ দিয়েছে,—আবার যারা যোগ দিয়ে শেষে  
ভরে সরে দাঁড়িয়েছে—তারাও,—তারাও ! সমান পাপী,  
সমান দোষী সব, কেউ নিস্তার পাবে না ।—এক একবার ইচ্ছা  
করে—নিজে বুদ্ধস্থলে ছুটে যাই,—গিয়ে তার কান ধরে টেনে  
আনি,—উপযুক্ত পুত্রকে উপযুক্ত শাস্তি দিয়ে—শেষে পিতা  
পুত্রে এক সঙ্গে বসে খানা খাই, গল্প করি, সব গোলমাল  
চুকিয়ে ফেলি ! আমার ছেলে,—শাসন করতে আমি,  
ভালবাসতে আমি, আদর করতে আমি !—কে সে দরাব ?  
কে মহাবৎ ? কে বা যশোবন্ত ?—আমাদের মাঝে পড়ে  
বেয়াদপী করে ! ওঃ—বুক ফেটে যাচ্ছে শুনে—প্রসবাস্তে

আমার হারেমের বধু—রোটাসহর্গে মৃত্যুমুখে ! একপত্নীরত বে-দোলৎ পুত্র আমার যুদ্ধক্ষেত্র ছেড়ে পত্নীর শিররে গিরে বসেছে ! পারভেজ তাকে স্ত্রৈণ্য বলে ধিক্কার দিয়েছে !—আমি কি বলব ?—কি বলব ? আমি যে দিব্য চক্ষে সে দৃশ্য দেখতে পাচ্ছি !—দিব্য দিয়েছি মহাবতকে, বাপ মার কোল থেকে ছেলেগুলোকে কেড়ে আনতে ! সে শপথ করেছে,—মানবে না কারো বাধা,—শুনবে না কোনো কথা,—আনবে, আনবে, আনবে ! আমি হুকুম করেছি, মানতেই হবে ! তারপর ? তারপর ?

### নূরজাঁহানের প্রবেশ ।

( স্বর সহসা সহজ করিয়া সরলভাবে ) এই যে সম্রাজ্ঞী !—এসো ;—ওকি, অবাক হয়ে একদৃষ্টে আমার মুখের দিকে তাকিয়ে রইলে যে !

নূরজাঁহান । সম্রাটের বুকের ভেতর এমন কি ভাধনার ঝড় উঠেছে যার তোড়ে মুখখানা পর্য্যন্ত ফঁ্যাকাসে হয়ে উঠেছে—শুনি ?

জাহাঙ্গীর । সাজাহানের দুর্দশার কাহিনী শুনেছ ত ?

নূরজাঁহান । শুনি—নি ? তবু সে পিতার কাছে মাপ চাইতে হাত বাড়ালে না ! হতভাগ্য !—হাঁ এখন কথা হচ্ছে এই—অনুতপ্ত দরাবখাঁর প্রাণভিক্ষা চেয়ে সাজাদা পারভেজ পত্র লিখেছে—

জাহাঙ্গীর । সে ল্যাটা চুকে গেছে ! তুমি কিছু শোন নি নাকি ?

নূরজাঁহান । কি রকম ?

জাহাঙ্গীর । আমি যে আগেই তার উপর পরোয়ানা পাঠিয়েছি ।

নূরজাঁহান । কিসের পরোয়ানা গো ?

জাহাঙ্গীর । দরাব খাঁর মুণ্ডটা দেখবার বড় লাগসা হয়েছিল, তাই চেয়ে পাঠিয়েছি ।

মুরজাঁহান । সত্ৰাট কি তাহলে দরাব খাঁর প্রাণদণ্ডের আদেশ দিয়াছেন ?

জাহাঙ্গীর । হঠাৎ রাগের বশে এই রকম আদেশই দিয়ে ফেলেছি মনে হচ্ছে ।

মুরজাঁহান । হঠাৎ এ রকম রাগটা হবার কারণ ?

জাহাঙ্গীর । হবে না ? সে বেইমান, সে বিশ্বাসঘাতক, সে রাজদ্রোহী ! বাদশাহের ঘোষণা শুনেও সে বিদ্রোহী সাজাহানের পক্ষে যোগ দিয়েছিল !

মুরজাঁহান । হঁ !—তাই বাদশাহের রোষানল একবারে বিক্ষুব্ধ হয়ে উঠল ! মাড়বারের মহারাজ দরবাব ত্যাগ করে—বীরদর্পে চলে গেছে শুনেও ত সত্ৰাট রোষানল হন নি,—বরং পুলক-বিস্ময়ে চমৎকৃত হয়ে বাহোবা দিয়েছিলেন ! হতভাগা দরাব খাঁর এ শাস্তি কি জন্ত চক্ষুস্থান সত্ৰাট ? বিদ্রোহীকে সাহায্য করার অপরাধে ?—না,—বারাণসীর যুদ্ধস্থলে সত্ৰাটের অতি প্রিয় বিদ্রোহী পুত্র সাজাহানের সঙ্গে যোগ দেয় নি বলেই তার এই শাস্তি ?

জাহাঙ্গীর । ( সপ্রতিভ অথচ প্রশংসমান নয়নে মুরজাঁহানের দিকে চাহিয়া ) আল্লার আদেশ,—বিশ্বাসঘাতক সর্বত্রই দণ্ডাই ! বিশ্বাসহস্তাকে কখনো বিশ্বাস করবে না,—মার্জনা করবে না,—শাস্তি দেবে ।—এও স্থির জেনো—শাস্তি সবাই পাবে ; কেউ বাদ যাবে না—যদি আমি বেঁচে থাকি ।

মুরজাঁহান । দরাব খাঁর মত শাস্তি কিন্তু কেউ পায় নি,—এর চেয়েও বেশী অপরাধ করে অনেকে মার্জনা পেয়ে গেছে, তখন কিন্তু আল্লার আদেশ বাদশাহের মনে জেগে ওঠে নি ! মনে আছে—

সম্রাটের পরম বিশ্বাসভাজন মোজের দুর্গাধীশ রাজা জগৎসিংহের কথা?—যিনি সাজাহানের হয়ে সম্রাটের সঙ্গে যুদ্ধ পর্য্যন্ত করেছিলেন!

জাহাঙ্গীর। ওঃ,—শেষে যিনি পরাস্ত হয়ে সরাসরি ভারতসম্রাজ্ঞীর এজলাসে মার্জনার দরখাস্ত পেম করেছিলেন? মনে নেই, সম্রাজ্ঞীর সোজতেই ভারতসম্রাট তাঁকে ক্ষমা করেছিলেন! দরাব খাঁও যদি আজ সম্রাজ্ঞীর শরণাপন্ন হত, আর সম্রাজ্ঞী যদি তাকে অভয় দিতেন,—বাদশাহের সাধ্য হত কি তার শির চেয়ে পরোয়ানা পাঠাতে?—দুর্ভাগ্য দরাব খাঁ!

( উভয়ে উভয়ের প্রতি উভয়েরই দুর্কলতা এবং আত্মপ্রবঞ্চনার ভাব বুঝিয়া তাকাইয়া রহিলেন )

আসফ খাঁর সহিত দারা ও আওরঙ্গজেবের প্রবেশ।

জাহাঙ্গীর। কেও, আসফ খাঁ? ওকি! ওরা?—র্যা! সত্য? সত্য? তবে কি—

( এই সময় দারা 'দাছ' বলিয়া ছুটিয়া ঘাইবার চেষ্টা করিল, কিন্তু আওরঙ্গজেব তাহাকে বাধা দিল )

আসফ। রোটসদুর্গের পতন হয়েছে সম্রাট!

জাহাঙ্গীর। পতন হয়েছে!—মহাবত কোথায়?

আসফ। তিনি অত্যন্ত অসুস্থ; সমরাস্তরে সম্রাটের সঙ্গে সাক্ষাৎ করবেন। সাজাহানের দুই পুত্রকে প্রতিলুপ্তরূপ এনেছেন।

জাহাঙ্গীর। শুধু দুটো! আর সব—আর সব? সাজাহানের সেই কন্যা—সেই সন্তজাত শিশু? আমি যে সব কটাকে চেয়েছিলাম। তাদের কোথায় রেখে এলো?

আসফ । তিনি তাঁদের আনতে পারেন নি,—কেন পারেন নি, সাক্ষাতে এসে তার কৈফিয়ৎ দেবেন ।

জাহাঙ্গীর । এখনি আমি কৈফিয়ৎ চাই,—ডেকে আনো—ধরে আনো তাকে—আচ্ছা এখন থাক,—সম্রাজ্ঞী, মহাবতের বিচারভার তোমার হাতে রইল !

মুরজাঁহান । সম্রাট বুঝি সাজাহানকে পরিত্যাগ করে, তার সম্মানদের ধরে আনবার ভার মহাবৎ খাঁর উপর অর্পণ করেছিলেন ! খুব উচ্চ পণে ত এই মহাযুদ্ধের বিজয় ক্রয় করেছেন দেখছি !

জাহাঙ্গীর । ভুল—ভুল—হাঃ হাঃ হাঃ হাঃ—ভুল করেছি সম্রাজ্ঞী ! এখন ত আর সোধরাবার উপায় নেই, তীর হাত থেকে বেরিয়ে গেছে ! আচ্ছা—এখন এই পর্য্যন্ত,—( সিংহাসন হইতে নামিয়া )—এবার আমি আর বাদশা নই—দাদু ! আর—আর—আমার দাদু ভাইরা—

( দারা আওরঙ্গজেবের বাধা অগ্রাহ্য করিয়া ছুটিয়া বুকে আসিয়া পড়িল, আওরঙ্গজেব মুখ ফিরাইয়া দাঁড়াইল )

দারা । দাদু—দাদু—

জাহাঙ্গীর । ( বক্ষে ধরিয়া ) দাদু—দাদু—দাদুভাই !—হাঁ—রে ! তুই এলিনি ভাই, রাগ করে মুখ ফিরিয়ে দাঁড়িয়ে রইলি ! এতদিন পরে বুড়ো দাদুকে দেখে—কাছে ছুটে এলি নি ? আর—আর—আর—( হাত ধরিলেন )

আওরঙ্গজেব । ছাড়—ছাড়—ছেড়ে দাও,—আমি এ আদর চাই না ! এ ভালবাসা,—জবাই করবার আগে পোষা বগরীকে তোয়াজ করা !

জাহাঙ্গীর । য্যাঁ !—সম্রাজ্ঞী শুনছ ? আসফ—আসফ,—তোমারও



পোষা ত হে, শুনছ!—ওরে শালা—তোর এই ঝাঁজই যে  
আমার আরো মিষ্টি লাগে,—আর তোর সেই বোনটি—

আওরঙ্গজেব। তারো চুলের মুঠোটা ধরে টেনে আনলেই ত কাজের  
খতম হত! আদর করছ আমাদের,—আর সেখানে তাদের  
কি কদর হয়েছে তা যদি বুঝতে—যদি একবার মনেও ভাবতে,  
কি করে আমাদের ছিনিয়ে এনেছ—

জাহাঙ্গীর। ছিনিয়ে এনেছে? ছিনিয়ে এনেছে?—তোর বাপ—  
তোর মা—হাঁরে—হাঁরে—তোদের মা—

দারা। মার বড় অসুখ দাছ—মরণাপন্ন,—সেই অবস্থায়—


জাহাঙ্গীর। র্যা—র্যা—ওঃ—

আওরঙ্গজেব। সন্ধিতে ধোঁকা দিয়ে আমাদের ছিনিয়ে এনেছে ;—বাবাও  
পাগল হয়েছিল, তাই আমাদের কবর না দিয়ে তোমার কাছে  
আদর নিতে পাঠিয়েছে—

নূরজাঁহান। সাজাহানের এই ছেলোটি বেশ পাকা পাকা কথা  
শিখেছে তো?

জাহাঙ্গীর। ওরে শালা—( টানিয়া কাছে আনিয়া ) তোর এই পাকা  
পাকা কথা আমার যে শুনতে বড় মিষ্টি লাগে! আয়—  
আয়—রাগ করিস নি দাছভাই,—রাগ করিস নি! আয়—  
আয়—আয়—বুকে আয়—দুজনে আমার এই বুকে আয়,—  
( দুজনকে বক্ষে ধরিয়া ) দাছভাই—দাছভাই!—ওরে—ওরে!  
আজ যেমন আনন্দ পাচ্ছি—তোদের বুকে ধরে,—ভেগনই  
তোদের অভাবে সেখানে—আর একটা ছবি চোখের উপর  
ফুটে উঠে আমাকে যে কাঁদিয়ে দিচ্ছে রে!—আঃ—তবু আমি

আজ কত সুখী! ঈশ্বর—ঈশ্বর! আমি যে পিতা,—  
বাহশাহ হলেও আমি পিতা,—পিতার সুখ—কোথায়—  
কোনখানে? সিংহাসনে নয়—বেহেস্তেও নয়—তার সুখ—  
তার সুখ—এইখানে! (দুজনকে বক্ষে চাপিয়া ধরিয়া)  
আঃ—



## পঞ্চম অঙ্ক ।

### প্রথম দৃশ্য ।

নর্সাদা তীরবর্তী মর্শ্বর গিরি ।

সাজাহান। সত্য তাজ, মেবার থেকে আমাদের সহসা চলে আসাটা, পালিয়ে আসার মতই হয়েছে। রাণা এতে ক্ষুণ্ণ হয়েছেন জানি; কিন্তু আর অন্য উপায় ছিল না। নিয়তির নির্বন্ধেই বল আর খাঁজাহানের নিমন্ত্রণেই বল, এইখানে আসতে হয়েছে।  
মমতাজ। নিয়তির নির্বন্ধেই আমাদের মাগবে আসা, এ বেশ বোঝা যাচ্ছে। খাঁজাহানের ভাবগতিক দেখে তার নিমন্ত্রণে বিশ্বাস করতে প্রবৃত্তি হয় না।

সাজাহান। তাকে অবিশ্বাস করেই আমি তার নিমন্ত্রণ নিয়েছি তাজ! মেবারের মহামানী রাণা, আমি তাঁর রাজ্যে আশ্রয়প্রার্থী শুনে, তিনি নিজে রাজ্যের বাইরে এসে, আমাদের আদর করে নিয়ে গিয়েছিলেন—সমস্ত মেবার সেদিন উৎসবে মেতেছিল! আর এই অকৃতজ্ঞ বেইমান একবার দেখা পর্যন্ত করতে এল না—প্রকটা চাকর পাঠালে তার দুর্গের মধ্যে নিয়ে যাবার জন্ত!

মমতাজ। রাণার মনে ব্যথা দিয়েছি, অহুরোধ রাখিনি, এ বুঝি তারই প্রতিফল! এখনও—এখনও বুঝি উপায় হতে পারে—কেউ যদি দ্রুতগামী অশ্বে বিদ্যাতের বেগে ছুটে গিয়ে—মেবারের রাণাকে—

সাজাহান। সাহায্য করতে বলে! না তাজ,—মিনেও আর ও চিন্তা এন না; আর কারুর কাছে সাহায্য চাইব না; পরের সাহায্য

নিয়ে আর বাঁচতে চাই না!—এখন কি চাই শুনবে? শুনবে তাজ? আমার এ অশান্ত ধৈর্যশূন্য অন্তর—এখন শুধু চায়—একমাত্র পিতার সান্নিধ্য!—হাঁ, সত্য, সত্য, সত্য, তাজ! তোমায় সত্য বলছি—আমি এই চাই, অশান্ত অবাধ্য বিদ্রোহী পুত্রের বিরূপ আকাজকা আজ পিতৃস্নেহে তুবারের মত বিগলিত হয়ে তটিনীর তেজে ছুটে মিশে যেতে চায় সেই বিশাল স্নেহ সিদ্ধুর উদার বক্ষে!—মনে হচ্ছে সেই মুখ—আম-দরবারের সেই বাদশাহী মুখোস পরা ক্রকুটি কুটিল মুখ নয় তাজ—স্নেহময় পিতার সেই হাস্যমধুর প্রসন্ন মুখ—একদিন যা জীবনের সর্বশ্রেষ্ঠ কাম্য ছিল!—ইচ্ছা করছে আজ ছুটে গিয়ে আছাড় খেয়ে বলি—যাক ও কথা—

মমতাজ। মেবারে আসার পর থেকেই আমি তোমার এই ভাবান্তর দেখে আসছি। স্বপ্নে তোমার মুখে অনেক সময় এ সব কথা শুনেছি। কিন্তু এ হবার নয়,—সত্যই উপায় নেই, যাবার পথ নেই। যদি তুমি পণ ভুলে, শিশুর মত ছুটে গিয়ে তাঁর পা দুখানি জড়িয়ে ধর, তিনি তোমাকে পদাঘাত করে মুখ ফিরিয়ে নেবেন। আর যদি তুমি যথার্থই সাম্রাজ্যের বিজয়-মুকুট মাথায় পরে উদ্ধত বিজয়ী পুত্রের মত তাঁর সামনে গিয়ে দাঁড়াও, তিনি তোমাকে আপনি বুকে জড়িয়ে ধরবেন। আর আমার খুবই বিশ্বাস আছে, বিজয়ী পুত্র কখনই বিজিত পিতাকে সিংহাসন থেকে নামিয়ে দিয়ে নিজে তাতে বসবে না—পিতার পদতলেই তখন তার স্থান—

সাজাহান। এ বিশ্বাস তোমার আছে তাজ?

মমতাজ। নেই? আমার মনের যিনি ঈশ্বর, তাঁর হৃদয়টি যে এই নথ-দর্পনে আমি দেখতে পাই।

সাজাহান । বটে ! তাহলে কি সঙ্কল্প নিয়ে আমি মেবার থেকে মাগবে এসেছিলাম, তাও তুমি জেনেছিলে বল !

মমতাজ । তুমি সঙ্কল্প করেছিলে—স্বৈচ্ছার ধরা দেবে ।

সাজাহান । ঠিক বলেছ, এই সঙ্কল্পই আমার মনে ছিল ! আচ্ছা তাজ, এই সঙ্কল্পই যদি সিদ্ধ করি, বন্দী হয়েই যদি যাই ?

মমতাজ । তাহলে ক্ষমা পাবে বোধ হয় ; কিন্তু—

সাজাহান । বুঝেছি, সেই স্নেহময় হৃদয় স্পর্শ করতেও পারব না—  
যা আমার প্রধান কাম্য । তাহলে মৃত্যু পণ করে যুদ্ধই করতে হবে,—হয় মুক্তি, নয় মৃত্যু ।

### সুন্দরলালের প্রবেশ

সুন্দরলাল । মা ! মা !—এদিকে আপনারা আর এভাবে এগোবেন না, আমার মনে বিষম সংশয় হয়েছে ! আমি এই পাহাড়ের পথেই দূর থেকে খাঁজাহানের সঙ্গে সাজাদা পারভেজকেও দেখেছি ।

সাজাহান । পারভেজ ! এখানেও সাজাদা পারভেজ !

মমতাজ । তুমি ঠিক দেখেছ সুন্দরলাল ?

সুন্দরলাল । আমার ভুল হয় নি মা, আমি তাঁকে চিনেছি । তারা আমাকে কেউ দেখতে পার নি,—আমি খুব সস্তূর্ণনে তাদের সন্ধান করে, এখনি সব জানাব,—আপনারা শিবিরে যান ।—

[ প্রস্থান ।

সাজাহান । সুন্দরলালের কথা উপেক্ষা করবার নয় ) তাহলে রীতিমত চক্রান্তই সৃষ্টি হয়েছে । চল তাজ, মৃত্যুর জগৎ প্রস্তুত হই ।

[ সাজাহান ও মমতাজের প্রস্থান ।

( পাহাড়ের রক্ত মধ্য দিয়া খাঁজাহান ও  
পারভেজের প্রবেশ )

খাঁজাহান । দেখলে সাজাদা, কেমন চমৎকার আশ্রয় স্থান !

পারভেজ । সত্যই এ যে গোলকধাঁধার ব্যাপার !

খাঁজাহান । বিদেশী বারা মালবের সঙ্গে যুদ্ধ করতে আসেন, এসেই এই স্থানটি মনোনীত করেন । তারপর, ইঁদুর যেমন জাঁতিকলে চাপা পড়ে, তাদেরও সেই অবস্থা হয় । রণী দুর্গাঘাতীর সঙ্গে যুদ্ধ করতে এসে মোগল-মুঘিকরাও এইখানে প্রথমে কাবু হয়েছিল ।

পারভেজ । হঁ !

খাঁজাহান । সাজাদাকে আজ এমন নিরুৎসাহ দেখছি কেন ? তখন সাম্রাজ্যের এক প্রান্ত থেকে আর এক প্রান্ত পর্য্যন্ত যাকে ধরবার জন্য মহা উৎসাহে তাড়া করে বেড়িয়েছিলেন,—আজ সেই শিকার হাতের কাছে পেয়েও আপনার মনে উৎসাহ নেই, ব্যাপার কি সাজাদা ! তবিরৎ ভাল আছে ত ?

পারভেজ । তবিরৎ ভালই আছে খাঁ সাহেব, কিন্তু দিল্ মোটেই ভাল নেই । সাজাহানকে আজ অনেকদিন পরে দেখেই আমার মনোরাজ্য ওলট পালট হয়ে গেছে ! সে যখন যুদ্ধের পর যুদ্ধে হেরে প্রদেশের পর প্রদেশে পালাচ্ছিল—আমিও তখন কি এক অদ্ভুত উন্মাদনার মেতে উঠে তার পেছু পেছু ছুটেছি ; এই উন্মাদনার উত্তেজনার মসৃণ হলে হয়েছিলেম ! সম্রাট কাবুলে বিপন্ন জেনেও, যেতে পারিনি তাঁর কাছে,—পাছে সাজাহান ফাঁক পেয়ে সিংহাসনে গিয়ে বসে ! কিন্তু খাঁ সাহেব, আজ তোমার মেহেরবানীতে এই গুপ্ত গুহার বসে—সাজাহানকে দেখে, আমি

আমার সঙ্কল্পের খেই হারিয়ে কেলোছি ! কি জানি, কেন, বলতে পারি না—বুকের এইখানটায় বেদনার টন্টন্ করছে—ছেলেবেলাকার সেই মেহমাধা স্মৃতি—আম-দরবারের সামনে মুক্ত প্রাঙ্গনে সেই ভায়ে ভায়ে আনন্দের ছুটোছুটি মনে পড়েছে,—এই তরবারি—যাকে নিয়ে সাজাহানের পেছনে পেছনে এতদিন ছুটেছি—কসায়ের ছুরি বলে স্বপ্ন হচ্ছে ।

খাঁজাহান । সাজাদার হঠাৎ আজ এ মনের গতি পরিবর্তনের কারণ কি ?  
পারভেজ । চিরদিন কিছু সমান থাকে না খাঁ সাহেব ! পলকে যেমন নসীবের উত্থান পতন হতে পারে, তেমনই মানুষের মনের গতিও ফিরতে পারে ।

খাঁজাহান । তাহলে এখন কি করবেন সাজাদা ?

পারভেজ । কি করলেম দুনিয়ার এসে ? সাজাহানের এই বিরাট বিদ্রোহও একটা মহান কীর্তি ! পারভেজ শুধু কুকুরের মত তার পেছু পেছু ছুটেছে ; শেষে মালবের বিল্লীর সঙ্গে চক্রান্ত করে তাঁকে বাঁধবার জন্ত ফাঁদ পেতেছে ! এমন কীর্তিমান যে,—তার লক্ষ্য মহান আকবর সার সিংহাসন ! ধৃষ্টতা, গোস্তাকী, বেরাদপী ! সাজাহান ! ভাই ! তুমিই ভাগ্যবান ! ভারতের সিংহাসন তোমার,—আমি পথ ছেড়ে দিয়ে, কুর্নিশ করছি । শোনো খাঁ, আমি তোমাকে হুকুম করছি—এ চক্রান্তের জাল এখনি গুটিয়ে নাও ; আর, তোমার এই গোলক-ধাঁধার ভিতর থেকে আমাকে এখনি দুর্গে নিয়ে চল ; আমি আমার সৈন্যদের নিয়ে সাজাহানের সঙ্গে যোগ দেব,—সাম্রাজ্যের বিজয় মুকুট মাথায় পরে সাজাহান সম্রাটের সঙ্গে দেখা করতে যাবে—পার্শ্ব থাকবে তার দেহরক্ষী ভাই পারভেজ !

খাঁজাহান । যোহকুম খোদাবন্দ ! বান্দা সাম্রাজ্যের তাঁবেদার, হুকুম

তামিল করতেই সর্বদা প্রস্তুত। হাঁ, একটা কথা,—সতী-  
উম্মিসার উপর সাজাদার অশ্রুগের স্পৃহাটা—

পারভেজ। সমস্ত স্পৃহা আজ ঐ নরনার জলে ঢেলে দিয়েছি খাঁ সাহেব!—  
চলে এস—

[ প্রস্থান।

খাঁজাহান। মূর্খ সাজাদা!—মনে করেছ, তোমার খেরালের তালে  
তালে আমাকেও পা ফেলতে হবে! তোমার ধারণা, দক্ষিণে  
যুদ্ধ চালাবার একমাত্র মালিক তুমি! কিন্তু জাননা যে,  
সম্রাজ্ঞী মুরজাঁহান তোমার ওপরও চাল চালবার ক্ষমতা দিয়ে  
রেখেছেন খাঁজাহানের হাতে। তাই না সামান্য সেনানী  
আজ—মালবের নবাব! নবাবীর বোড়ের চালে দুই ভাইই  
আজ মাত হয়ে যাবে। তখন বুঝবে—মালবের বিলী উপহাসের  
চীজ নয়! ( বংশীধ্বনী )—

দুইজন বন্দুকধারী সৈন্যের প্রবেশ।

আমেদ খাঁ,—এইমাত্র সাজাদা পারভেজকে বেতে দেখেছ—  
আবদুল্লার সঙ্গে?

আমেদ। জী—জনাব!

খাঁজাহান। আমি জানি, তোমার লক্ষ্য অব্যর্থ; যেই দেখবে, সাজাদা  
তিন চার রসি পথ গিয়েছে অমনি—( লক্ষ্যাভিনয় ) বুকেছ?

আমেদ। জী—জনাব! একদম কাবার ত?

খাঁজাহান। বেসক!—তুমি বাহাদুর ছেলে। কিন্তু খুব হুঁসিয়ার!—  
যাও—

[ আমেদের প্রস্থান।

পীর খাঁ!



পীর । জাঁহাপনা !

সাজাহান । খানিকক্ষণ আগে সাজাহানের সেই বাঙ্গালী সৈনিকটি  
পাহাড়ের ওপর উঠেছে দেখেছ ?

পীর । খোদাবন্দ !

সাজাহান । পাঁচজন তীরেন্দাজ তার পেছ নিরেছে । এখন তোমার কি  
কায তা শোন,—তুমিও বন্দুক তৈরী করে আমদের পাশে  
থাকবে । যদি কোন রকমে তার গুলি ব্যর্থ হয়, তুমি তা সার্থক  
করবে । আর সাজাদা যেই পড়বে,—অমনি তোমরা চীৎকার  
করে বলবে,—সাজাহানের গুপ্তঘাতক সাজাদা পারভেজকে খুন  
করেছে ।—তারপর সকলে মিলে সেই বাঙ্গালী সৈনিককে  
পাকড়াও করে আমার কাছে আনবে ।—যাও—

[ পীর খাঁর প্রস্থান ।

( পুনরায় বংশীধ্বনী )

৩য় সৈনিকের প্রবেশ ।

তোমার ঘোড়া তৈরী আছে আব্দুল হক ?

আব্দুল । জী, হজুর !

সাজাহান । আমি জানি, তোমার মত দক্ষ সওয়ার মালবে দিতীয় নেই ।  
বাদশার পাঞ্জা-ছাপা বেগম-বাদশার এই ছাড়পত্র তোমার  
দিচ্ছি । এই নিয়ে তোমাকে লাহোরে এখনই ছুটতে হবে ।  
কেউ তোমায় রুখবে না, প্রত্যেক সদরে ডাক বদল পাবে ।  
সরাসরি বেগম-বাদশার কাছে গিয়ে এতেনা দেবে—সাজাহান  
পারভেজকে খুন করেছে ! যাও—

[ আব্দুলের প্রস্থান ।

হঁ ! মালবের বিলীর বিদঘুতে চাল !—হঁ ! চমৎকার ! পথ

একদম খোলসা, পরিষ্কার !—গুলিতে মরবে সাজাদা পারভেজ,—আর তার আওয়াজের সঙ্গে সঙ্গে সাজাহানের হাতে পায়ে লোহার শিকল জড়িয়ে ধরবে—তখন খাঁজাহান হবে সর্বের সর্বা ।

( নেপথ্যে—বন্দুকের আওয়াজ,—পারভেজ-কণ্ঠে ) ওঃ—গুপ্তঘাতক—  
শ-র-তা-ন—( বহুকণ্ঠে ) খুন—খুন—খুন—সাজাহানের চর—  
সাজাদা পারভেজকে খুন করেছে—ধর—ধর—ধর—  
ঐ পালার—ঐ—ঐ—ঐ—( পুনরায় বন্দুকের  
আওয়াজ )

সাবাস !—একটা সাবাড় ! সাজাহানের খেলাঘরে এইবার  
বাজ পড়ল !—

[ বেগে প্রস্থান ।

( নেপথ্যে পতন শব্দ—পরক্ষণে—তীরবিদ্ধ, গুলির আঘাতে আহত,  
রক্তাক্ত দীর্ঘদেহ, ভগ্নপদ সুন্দরলালের জাহুতে ভর দিয়া এক  
প্রকার গড়াইতে গড়াইতে আবির্ভাব )

সুন্দরলাল । ঈশ্বর ! এ শাস্তিতে ভীত নই,—শুধু এই ভিক্ষা চাই—এই  
অন্তিম সময়—হে অসহায়ের সহায় ! শেষ বাসনা পূর্ণ কর !  
পা দুখানি ভেঙ্গে দিয়েছ, শক্তি কেড়ে নিয়েছ, শুধু প্রাণটুকু  
এখনো রেখেছ—দুটো কথা কয়বার জন্ত ! দাও—দাও—দাও  
হে দয়াল !—ভিক্ষা দাও ! দেখাও—দেখাও—দেখাও—  
যা চাইছি প্রাণের সঙ্গে—দেখাও—

সাজাহান, মমতাজ, জাহানারা ও সতীউন্নিসার প্রবেশ ।

সাজাহান । চারিদিকে শত্রু তাজ,—বুঝি শিবিরে পৌছতে পারলুম না !

জাহানারা । বাবা ! বাবা !—দেখ—এখানে কে পড়ে রয়েছে !

সাজাহান । কে—! এখানে ?—একে ?

মমতাজ । য্যা—সুন্দরলাল !

( ছুটিয়া গিয়া তাহার মস্তক ক্রোড়ে লইয়া বসিলেন )

বাবা আমার !

সাজাহান । সুন্দরলাল ! সুন্দরলাল !

সুন্দরলাল । আঃ—( দুই হাত মস্তকে স্পর্শ করিয়া )—তুমি ধন্ত,  
তুমি ধন্ত, সত্যই দয়াল !—মা—মা—মা আমার ! তোমাতেই  
দেখতে চেয়েছিলেম,—জাঁহাপনা ! ছুটো কথা,—সাজাহান  
পারভেজের মত বদলে গিয়েছিল, আপনার সঙ্গে বান্দার মত  
মিশতেন তিনি,—তাইতে, সয়তান খাঁজাহান ঘাতক দিয়ে  
তাঁকে গুলি করে মেরেছে—

সাজাহান । গুলি করে মেরেছে পারভেজকে ?

সুন্দর । হাঁ,—আমি পাহাড়ের ওপরে ছিলাম, বাধা দিতে পারি নি ;  
সয়তান তাঁকে হত্যা করে,—হত্যার দোষ আপনার ঘাড়ে  
চাপিয়ে—আমাকেই হত্যাকারী সাব্যস্ত করেছে ! আমাকে  
ধরবার কি চেষ্টা ! একা পেরে উঠিনি,—তীর খেয়ে, গুলি  
খেয়ে, পাহাড়ের মাথার ওপর থেকে লাফিয়ে পড়ে এইভাবে  
এইখানে এসেছি,—বড় কষ্টে প্রাণটাকে জোর করে ধরে  
রেখেছিলেম !—জাঁহাপনা !—পাহাড়ের এ স্থান—সয়তানের  
গোলকধাঁধা,—পাহাড়ের ওপর দিয়ে পথ,—নীচের পথ চিনতে  
পারবেন না,—চিনি আমি—আর চেনে সেই সয়তানের দল—  
আমায়—আমায় ধরে নিয়ে গেলে—আমি—আমি—আমি—

সাজাহান । চুপ কর—চুপ কর সুন্দরলাল, পথ চিনে আমার কোন

লাভ নেই ! এ পথে বা আজ হারাতে বসেছি,—সারা জীবনেও  
তা আর ফিরে পাব না—

মমতাজ । এই দুঃসাহস নিয়ে ছুনিয়ায় এসে দুদিনের পরিচয়ে মা বলে  
ছেলের বাড়া হয়ে এমনই করে কাঁদিয়ে পালাচ্ছ বাবা !

সুন্দরলাল । আশীর্বাদ কর মা,—জন্মে জন্মে যেন এমনই মা পাই,—  
দৈশের ঘরে ঘরে যেন তোমার মত মা হয় !

নেপথ্যে বহুকণ্ঠে । আল্লা আল্লা হো—আল্লা হো—আল্লা হো—

হর-হর-হর-হর-হর-হো—( বন্দুকের আওয়াজ—তূর্য্যনাদ—

সাজাহান । একি ! একি ! আক্রমণ আরম্ভ করেছে খাঁজাহান !

সুন্দরলাল । জাঁহাপানা ! শিবির—শিবির—

সাজাহান । তাজ । সেই নর্যাদার তীর মনে পড়ে ? এও সেই নর্যাদা—

ঐ বহে চলেছে !—সেদিন সুন্দরের ওপর নির্ভর করেছিলাম,—

আজ ঈশ্বরের দ্বার ওপর নির্ভর করে তোমাদের রেখে চললাম ।

সুন্দরলাল । ইচ্ছা করছে—ইচ্ছা করছে—গড়িয়ে গড়িয়ে—গড়িয়ে  
গড়িয়ে—যাই—আঃ—

মমতাজ । স্থির হও বাবা ! নিয়তি যে আজ সর্বগ্রাসী হয়ে এসেছে !

কি কষ্ট পাচ্ছ তা কি বুঝতে পারছি না ! হা—ঈশ্বর !

( নেপথ্যে—ঘন ঘন তূর্য্যধ্বনি ও কোলাহল )

সতীউন্নিসা । ওঃ—কিও !—কাতারে কাতারে সেনা ছুটেছে—পাহাড়ের

মাথায় হাজার হাজার ঘোড়-সওয়ার ! কি করলে ঈশ্বর—

কি করলে ! কি করলে !

নেপথ্যে—খাঁজাহান ।—সাজাদা পারভেজের হত্যাকারী

বিদ্রোহী সাজাহান ! ধরো—ধরো—ধরো—

জাহানারা । ওহো—কেন গেলে—বাবা ! বাবা ! বাবা !

সতীউন্নিসা । ঈশ্বর রক্ষা করো—রক্ষা করো—

সুন্দরলাল । একবার—একদণ্ডের জন্ত—পা দুটোর উপর ভর দিয়ে

দাঁড়াইবার শক্তি দাও ভগবান—

মমতাজ । এই কি শাস্তির শেষ ! প্রাণগুলো কি এইবার ছিঁড়ে নিয়ে

তৃপ্তি পাবে ! তবে—তবে—তবে—এসো, আমাকে নাও,—

এ প্রাণ ছিঁড়ে নাও—আমার পতিপুত্রদের ফিরে দাও !—

সতী, সতী, প্রাণ নিয়ে—নিজের প্রাণ নিয়ে তিনি পাগলের

মত ছিনিমিনি খেলছেন,—এদের দেখে তুই,—আমি যাই—

সতীউরিসা । দিদি—দিদি—

জাহানারা—মা—মা—

মমতাজ । ছেড়ে দে—ছেড়ে দে—আমার সর্বস্ব যে দরিয়ায় ভেসে

যায়, আমার যেতে দে—

পাহাড়ের উপর মহামায়ার সহসা আবির্ভাব

মহামায়া । কোথায় যাবে আরজ ? আমি এসেছি যে !

মমতাজ । তুমি ?—কে ? কে ?

( মহামায়া নিয়ে নামিয়া আসিলেন )

মহামায়া । আমায় চিনতে পারছ না আরজ ? মনে পড়ছে না ?

মমতাজ । মহামায়া !—যোধপুরের মহারানী ? আজ এ সময়—

কি মনে করে—

মহামায়া । ভুলের শাস্তি নিতে,—ক্রটির প্রায়শ্চিত্ত করতে ! ঠিক

সময়েই এসে পড়েছি বোন,—পাজী সয়তান মাত হয়ে গেছে ।

ঐ দেখো—পাহাড়ের ধাপে ধাপে মাড়বারী সেনা !

নেপথ্যে । হর—হর—হর—হর—হর—হো—সম্রাট সাজাহানের জয় ! জয়

সম্রাট সাজাহান !

নেপথ্যে । ঐ সরতান খাঁজাহান ঘোড়ার চড়ে পালাচ্ছে,—সাজাদা

পারভেজের হত্যাকারী,—ধর—ধর—ধর—

মমতাজ । মহারানী ! মহারানী ! সত্যই তুমি—

মহামায়া । সখি আমি ভাই ! এবার তোমার জিতের পালা, আরজ,—

না—না—তাজ—

মমতাজ । তুমি আমাকে আরজই ব'ল—

জাহানারা । মা, মা,—চেরে দেখো—চেরাগ নিবে যাচ্ছে !

মমতাজ । সুন্দরলাল !

মহামায়া । একি !—কে এ মহাবীর, তাজ ?

মমতাজ । আমার ছেলে—বাল্মীকী ছেলে ! এই আজ প্রাণ ঢেলে  
দিয়ে—তার বিনিময়ে বিধাতার ভাঙার থেকে আনাদের  
বিজয় মেগে এনেছে !

সুন্দরলাল । মা,—এইবার—এইবার সুখে চোখ দুটো বুজুতে পারছি,—  
আমার প্রভু, আমার মা—আজ মা পেয়েছেন.—সঙ্গে সঙ্গে  
জয়লক্ষ্মীও—মা—মা—মা—( মৃত্যু )

মহামায়া । ধন্য ছেলে, ধন্য জাতি ! এর খ্যাতি—আগেই শুনেছি,  
আজ দেখে পুণ্য সঞ্চয় করলেম !

## দ্বিতীয় দৃশ্য ।

## শিবির ।

আসফ । হুরজাঁহান ! মুম্বু বাদশাহের শিবির থেকে উজীর আসফ খাঁকে তফাতে সরিয়ে দিয়ে ভেবেছিলে ছুমি—খুব চাল চলেছ ! তখন বোধ হয় কল্পনাও করনি, তোমার আওতার বাইরে এসে আসফ খাঁর সুপ্ত কুটবুদ্ধি সহসা জাগ্রত হয়ে শুক মস্তিষ্কে পর্যাপ্ত জীবন্ত করে তুলবে । হঁ—শুক মস্তিষ্কই বটে ! তবে, এতদিন এই মস্তিষ্কে চালনা করি নি, এই আশ্চর্য্য ! বাদশাহ জাহাঙ্গীর জানতে চেয়েছিলেন—আমার বুকখানা কি দিয়ে তৈরী ! এত বড় ইঙ্গিতও—আমি—উঃ—আমি—আমি কি তখন—হাঁ, আজ সেই ইঙ্গিত কায়ে লাগিয়েছি—এতে আমার কল্পুর কি ? বেদৌলৎ পুত্রের লাঞ্ছনা শুনে, সেই লাঞ্ছনার মূল সবলে উৎপাটন করতে বাদশাহ যদি উন্মত্ত হতে পারেন—আমারও অভাগিনী কণ্ঠা সেই লাঞ্ছনার মধ্যে—এ শুনে, আমিও—আমিও যদি—বাদশাহের মতই উন্মত্ত হয়ে কিছু করি—দোষ কি ! একই স্নেহের ঘাতপ্রতিঘাত—উদ্দাম নর্তন—দুই বক্ষ তোলপাড় করছে না ? বাদশাহের বুকের মত এ বুকও—যদিও দাসত্বের পাষণে গড়া—তবুও—

## হুসিয়ারের প্রবেশ ।

হুসিয়ার । জনাব ! সম্রাজ্ঞীর কাছ থেকে আবার এক দূত এসেছেন—  
আসফ । ফিরিয়ে দাও হুসিয়ার, ফিরিয়ে দাও ; বল তাকে—মুলাকাৎ হবে না, উজীর সাহেব বড় ব্যস্ত—

হসিয়ার। সেই ভাল জনাব—

[ প্রস্থান।

আসফ। বারবার পাঁচবার! হুঁ—চমৎকার! সম্রাজ্ঞী হুরজাঁহান দুবার কাউকে কখনো অনুরোধ করে না। আজ পাঁচ পাঁচবার হুত পাঠালে—উজীরকে ফেরাতে,—যাকে সে কীটের মত হীন মনে করত;—এতদিন যে ভুলেও ভাবে নি, আমি তার ভাই, একই রক্কে আমাদের সৃষ্টি; ঘোর দুর্দিনে এই ভারতে আসতে পিতামাতার সঙ্গে এই ভাইভগিনী পাশাপাশি ভীষণ মরুভূমি অতিক্রম করেছিল!—মরুনন্দিনী মেহেরউল্লিসা হুরজাঁহান হয়ে, সেই ভয়াবহ মরুভূমির কথা ভুলেছিল, কিন্তু তার ভাই তা ভোলে নি—

হসিয়ারের পুনঃ প্রবেশ।

ফিরিয়ে দিয়েছ—চলে গেছে?

হসিয়ার। হাঁ, জনাব!

আসফ। হসিয়ার, এখনো তুমি বিমর্ষ! প্রভুভক্ত হাবসি, তোমার ভুলের ত প্রায়শ্চিত্ত করেছ—

হসিয়ার। জনাব! আমারই ভুলে আমার হজুর আর হজুরাইন নশ্বদার যুদ্ধে মাত্ হয়েছিলেন, সে আকশোষ যে আমি কিছুতেই ভুলতে পারছি না—

আসফ। হসিয়ার, তোমার সেই ভুলই তোমাকে আজ যশস্বী করেছে— তোমার প্রভুর কাছে। তুমি যা করেছ, আমি শুনে স্তম্ভিত হয়েছি। মেবারে সাজাহানের আশ্রয়লাভের হেতু তুমি, মশ্বর পাহাড়ের ভয়াবহ যুদ্ধে মাড়বারের উপস্থিতির মূলেও তুমি, আর আমি যে আজ সাহস করে এতদূরে এগিয়ে এসেছি—এরও কারণ তুমি! হসিয়ার, জয়টাক না বাজিয়ে নিরবে সবার অগচোরে তুমি যা করেছ, তার তুলনা নেই—



হসিয়ান। জনাব, জনাব, আমাকে অত উচুঁতে তুলবেন না; আমি বান্দা, চিরদিনই আমার হজুর হজুরাইনের নিমকের বান্দা—

আসফ। তাই না তুমি আজ এতদূরে এগিয়ে আসতে পেরেছ হসিয়ান! যদি স্বার্থের বান্দা হতে, পারতে না। মোগলসাম্রাজ্যের মসনদের সম্মুখে তুমিই তোমার ভাগ্যবান প্রভুর অগ্রদূতরূপে উপস্থিত হয়েছ, তা জান?

হসিয়ান। জনাব, জনাব, তাই জানি না; আমার কাণ যেটুকু, তাই কোরে চলছি; কি হচ্ছে—তা ত জানি না; তবে মেহেরবান খোদাকে দিনরাত জানাচ্ছি—আমার প্রভু জয়ী হোন—

আসফ। সৌভাগ্য আজ বিজয়রূপে তোমার প্রভুর প্রতীক্ষা করছে। শুনেছ বোধ হয়—আগরার দুর্গশীরে কত সহজে বিজয়পতাকা উড়িয়ে তোমার প্রভু লাহোরের দিকে ছুটে আসছেন—

হসিয়ান। কিন্তু জনাব! সাজাদা শারিয়ান সম্রাজ্ঞীর আদেশে সমস্ত শক্তি নিয়ে ত লাহোরের মুখে—

আসফ। সত্য। কিন্তু এখানেও সম্রাজ্ঞীর সেই ভুল! নিজে না এসে, সম্রাটকেও সঙ্গে না এনে, মুর্থ—শারিয়ানকে বাধা দিতে পাঠিয়েছেন। আর এই মস্তিষ্ক এই সুযোগটুকু স্বচ্ছন্দে গ্রহণ করেছে। এখানেও যুদ্ধের অভিনয় হবে ভয়ঙ্কর, কিন্তু আকাশভেদী গর্জনের পর পর্বত প্রসব করবে একটি ক্ষুদ্র মুষিক! তুমি ব্যস্ত হয়ো না হসিয়ান, চাকা ঘুরে গেছে, সম্রাজ্ঞীর প্রায়শ্চিত্ত আরম্ভ হয়েছে, শেষ হতেও আর বেশী বিলম্ব নাই।

[ প্রস্থান।

হসিয়ান লোকে যা বলে—মিথ্যা নয়!—‘কভি লা পর গাড়ী, আওর গাড়ী পর লা!’ কিন্তু আমি কার তারিফ করব? আমার

নিজের ? না—উজীর সাহেবের ? কিবা, আমার প্রভু  
নসীবের ? না—না—না—সব ভুলো, ওসব কিছু নয় !—তুমি,  
তুমি,—হে মহিমাময় মেহেরবান খোদা ! তুমি—তুমি—এ  
তারিফ তোমার ! তোমার সেলাম—সেলাম, বারবার—সেলাম ।

সীত ।

আমি চাই—শান্তি, চাই না ক্ষমা, চাই না তোমার দয়া গো !

ভারি বোঝা আমার শিরে

কাঁপছি সদা তারই ভারে

বোঝার ওপর বোঝার মোরে ক'রনা আর বিকল গো ॥

দিয়েছিলে যাহা করিয়া বিশ্বাস

আমি করেছি তাঁর সকলি নাশ

গচ্ছিত সকলি করিয়া আয়ত্ত, তোমার বঞ্চিত করেছি গো ।

আমার কিছু নাই, আর কিছু নাই

আমি রিক্ত আজি ব্যর্থ করে তাই

দিয়ে এ মাথার অপরাধে ঠাই, শান্তি শুধু মাগি গো ॥

[ প্রস্থান ।

তৃতীয় দৃশ্য ।

শিবির ।

শারিয়ার, কাফী খাঁ, আওরঙ্গজেব ও নর্তকীগণ ।

[ নৃত্যগীতের সময় পারিষদ কাফি খাঁর শারিয়ারকে ঘন ঘন মৃত্যু প্রদান,—

দূরে একপার্শ্বে আওরঙ্গজেবের কোরাণ পাঠের অভিনয় ]

( শারিয়ারের মৃত্যুপান মধ্যে বাহোবা প্রদান এবং মধ্যে মধ্যে সতৃষ্ণনয়নে  
একখানি আলেখ্য দর্শন )

( গীত )

প্রাণভয়ে আজ হাস সবাই, ভুলে সকল ভাবনা বলাই,

দিল খুলে সই ঢাল সরাব ।

চুলোয় ঢুকুক বুক লড়াই, জাহান্নমে দাও হত্যা কসাই,

নেশায় ঢাকুক সব অভাব ॥

ভর পিয়লা পরোয়া কি আর, তোয়াক্কা আমরা রাখি বা কার

ঢালাও হুকুম সাজাদার,—ঢাল সিরাজী—খাও কাবাব ।

মুখের উপর রাখলো মুখ, বুকেক উপর বুক

ঢাল সরাব ঢুক ঢুক ঢুক—পায়ে পায়ে সোণার হুপুর ঘুমুর ঘুমুর বাজুক,

জেগে উঠুক প্রেম-দেওয়ানা শুনে সে আরাব ।

দিল ছেপে আজ ভাসে আরাম, নাই ছুটি তার নাই বিরাম

ফুর্তি যেন হয় না হারাম,—ঢালাও পান্নি ;

গ্যাও মুন্সী !—হঠাও দস্তুর, তোল কেতাব ॥

শারিয়ার । কাফি খাঁ !

কাফি । হুজুর !

শারিয়ার। এরা বেশ!—নাচেও বেশ,—গান করেও বেশ,—আর দেখতেও বেশ!—কোথা থেকে জোগাড় করলে এদের?

কাফি। এরা সব এই মুলুকেরই বাছাই মাল ছজুর! সিপাই কর্তা সাহেব যেমন লড়ায়ের জন্তু বাছা বাছা জোরান মরদ খুঁজতে বেরুলেন,—আমিও অমনি ছজুরের মনের মতন সেরা মাল বাছাই করতে লেগে গেলুম!

শারিয়ার। বটে! আচ্ছা—তুমি এর জন্তে এনাম পাবে। তোমার কথা আমার মনে থাকবে। এদের গান শুনে মনে হচ্ছে, এদের প্রাণগুলোও কবিত্বে ভরা। তা তোমরা অত তফাতে গিয়ে দাঁড়ালে কেন? এসো—এগিয়ে এসো—কাছে এসো,—আমার খুরসার নীচে কবিতার মত সুন্দর হয়ে ব'সো—শোননি বুঝি—আমি একজন মস্ত বড় কবি! লাহোরে এসে দিন কতক খুব স্মৃতি করা গিয়েছিল। তারপর যেমন এলেন আমার কাঠখোঁট্টা বিবি, অমনি অমন খোলা স্মৃতি ফ্যাকাসে হয়ে গেল! তারপর—যেই এলেন—বাদশা—বেগম,—অমনি সব স্মৃতি এক দম কোতল! প্রাণ হাঁফিয়ে উঠেছিল!

কাফি। তা আর জানিনা জাঁহাপনা? বান্দাই ত লুকিয়ে লুকিয়ে খুব নিরেলায় ছজুরকে স্মৃতির মসলা যোগান দিত—

শারিয়ার। হাঁ হাঁ মনে আছে—ভুলিনি কাফি খাঁ—লড়াইটার আগে নিষ্পত্তি হোক—তখন তোমাকে স্বরণ করব। বেগম বাদশা বলেছেন, এ যুদ্ধ জয় করতে পারলেই—সিংহাসন আমার। আমিই বা কে,—আর তোমাকেই বা পায় কে? তুমি আমার খুব কায়দা করে সে সব চীজ যুগিয়েছ কাফি খাঁ,—তাদের মধ্যে সেরা চীজ হচ্ছে—এই তসবীর!

কাফি। আমি যখন সাজাদা সাজাহানের খাস বান্দা ছিলাম, তখন

ঠাঁর বেগমের ঐ তসবীরখানা চুরী করেছিলেম। হুজুর  
আওরতদের তসবীর দেখতে ভালবাসেন বলে, হুজুরের সামনে  
হাজির করেছি।

( আওরঙ্গজেবের চাঞ্চল্য ও ভীষণ ক্রকুটি )

শারিয়ার। বেশ করেছ—আমিত এই চাই! রূপসীর ছবি চোখের সামনে  
হাজির হলে রূপসীকেও শেষে সূড় সূড় করে, কবি সাজাদার  
পাশে—কি বল কাফি খাঁ?

কাফি। তা আর আমি জানি না, হুজুর! এক এক রূপসীর জন্ত,  
জলের মত হুজুর ঘড়া ঘড়া মোহর ঢেলেছেন!—কিন্তু এ  
রূপসী ত সূড় সূড় করে মোহরের লালসে আসবার—

আওরঙ্গজেব। ( সহসা উত্তেজিত ভাবে ) শয়তান! শয়তান!—

কাফি। ও বাবা—ওকি!—

শারিয়ার। কিরে বেটা—কোরাগওয়াল! অমন করে চেষ্টিয়ে উঠলি যে!

আওরঙ্গজেব। শয়তান শয়তান—চাচা সাহেব!—মাতৃহত্যা করছে,  
ধর্মহত্যা করছে, হজরত রসুলে করিমের হাতে গড়া মদিনার  
মসজিদ ভেঙ্গে ফেলছে! উঃ—শয়তান—শয়তান!—প'ড়ব  
চাচা সাহেব,—শুনবেন?

শারিয়ার। থাম্ বেটা থাম্—চাচা সাহেবের এখন—হজরতি আমলের  
ইতিহাস শোনবার ফুরসুদ নেই!—বাঃ—যাঃ—ভুই নিজে পড়ে  
মসগুল হ,—কিন্তু খবরদার—চেষ্টিয়ে যেন আমাকে মাত করিস  
নি! জানিস্—আমি উচুকথা শুনতে ভালবাসি না,—মিহি  
সুরে কথা কই,—আস্তে আস্তে হাত পা চালাই,—আমার সবই  
কাব্যের মত মিষ্টি!—বেগম-বাদশার সবই বিদ্যুটে ব্যাপার!—  
আমি চলেছি লড়াই করতে, আমার সঙ্গে দিয়েছেন এই কোরণ-  
পড়া পাগলাটাকে! বললেন—ও তোমার মস্ত হাতিয়ার!

কাফি । হাতিয়ার—নর কেন হজুর ! তাঁর হুকুম মনে নেই—লড়ায়ের সময় এই হাতিয়ারখানাকে সাজাহানের চোখের ওপর একবার খাড়া করতে পারলে—লড়াই ফতে ! ছেলের গায়ে খাঁচ লাগবার ভয়ে—ওপক থেকে একটি গুলিও ছুটবে না যে !

শারিয়ার । দেখ কাফি খাঁ,—আমিও বাবার মত কীর্তি রাখব ।—সের আফকানকে মেরে বাবা যেমন তার বিবিকে বেগম করে বিখ্যাত হয়েছেন,—আমিও তেমনি সাজাহানকে জয় করে—তার এই তাজকে সাদী করে দুশো বাহোবা নেব—

আওরঙ্গজেব । বুকের ভেতর—বুকের ভেতর—ঘুমিয়ে থাক শয়তান !—তোমার জাগাব—আমিই জানাবো—হঁ—আমার মায়ের ছবি শয়তানের হাতে !—( পাঠে রত )

শারিয়ার । এই সুন্দর ছবি—কবিরই উপযোগী ! আহা—কি মুখ—বেন বসরাই গোলাপ ! চোখ দুটির কি সুন্দর চাহনি—কি সুন্দর, কি সুন্দর—

আওরঙ্গজেব । ওই চোখ দুটো—যা দিয়ে—চুপ্ চুপ্—জাগোনা শয়তান—জাগোনা—এখন না—ঘুমোও !—কোরাণের আয়তে জাগছে শুধু ঐ দুটো চোখ—

কাফি । হজুর, এরা সব চুলছে ! রাত অনেক হয়েছে কিনা !—হুকুম হয় ত—

শারিয়ার । না—না,—ঘুমুলে চলবে না ! আজ সারা রাত আমি এদের নিয়ে স্তুতি করব ! এরা গান গাইবে—নাচবে—হাসবে,—আর আমি দেখবো—স্তুতি ওড়াব—আর আমার এই কল্পনার বেগমকে—( সহসা কামানের আওয়াজ হইল )

নর্তকীগণ । ( সলফে )—মাগো—মা—

শারিয়ার । ওকি !—এত রাত্রে ! কি এ ব্যাপার !—( পুনরায় আওয়াজ )

ওই আবার—আবার—আবার!—কি বিপদ! এরা কি এতই নীরস!

( শিবির প্রান্তে তুর্ঘানা—কোলাহল—আওয়াজ )

কাফি। হুজুর! হুজুর! লড়াই—লড়াই!

নর্তকীগণ। ( আর্ন্তস্বরে )—ও মাগো—কোথা বাই—কি করি—লড়াই—  
লড়াই—

শারিয়ার। ভয় কি—ভয় কি—আমরা পেছনে আছি,—ফৌজ মোতায়েম আছে—তারা লড়াই করবে—

### জনৈক বার্তাবাহের প্রবেশ

বার্তাবাহ। মাজাদা! মাজাহানের ফৌজ উদ্ধার মত এসে পড়েছে,—  
তুমুল যুদ্ধ হচ্ছে,—মীর মবারক, নবাব সরিফ খাঁ—ফৌজ  
চালাচ্ছেন,—মাজাদা! শীগগীর তৈরী হোন—

[ প্রস্থান।

শারিয়ার। কাফি খাঁ,—আমি যে উঠতে পারছি না, মাথা ঘুরছে; লড়াই  
যদি হবে—তাহলে অত করে সরাব দিলে কেন!—কবিতা  
বাঁধবার এই ঠিক সময়,—কিন্তু লড়াই করার ত নয়! উপায়  
কি?—হাঁ—উপায় হচ্ছে এখন এই হাতিয়ার!—

আওরঙ্গজেব। সত্যি চাচা সাহেব,—সত্যিই আমি এখন আপনার  
হাতিয়ার!—আপনি আমাকে সঙ্গে নিন,—আমি নিরাপদ  
স্থানে নিয়ে যাব।—আমার কোরাণ দেখছেন ত! ঢালের  
মত আমি এই দিয়ে আপনাকে আগলে নিয়ে যাব,—কোরাণের  
উপর কেউ হাতিয়ার তুলবে না—

শারিয়ার। ঠিক—ঠিক—সাবাস বাচ্ছা! লড়াই কতে হলে, আমি তোকে

সোণার কোরাণ তৈরী করিয়ে দেব!—এস, তোমরা এস, ভয়  
নেই—এস, দেখছ না, বেগম-বাদশা কেমন জ্যান্ত হাতিয়ার  
সঙ্গে দিয়েছেন—চলো—

আওরঙ্গজেব। আমি আপনাকে কিছুতেই ছাড়ব না চাচা সাহেব,—  
লড়াই ফতে না হওয়া পর্যন্ত এমনই করে আপনাকে আগলে  
থাকবো!

[ সকলের প্রশ্নান। ]



## চতুর্থ দৃশ্য ।

শিবির-প্রাঙ্গন ।

নেপথ্যে বহুকণ্ঠে ।—জয়—সাজাদা সাজাহান—আল্লাহো আকবর !

আসফ খাঁর প্রবেশ

আসফ । লাহোর-দ্বারে সুসজ্জিত শিবিরে বসে এই জয়ধ্বনি শোন  
 মুরজাঁহান ! তবু বিজয়ী সাজাহান—সাজাদা ! বিজয়-গর্কে  
 তবু সে মহিমাময় সম্রাটের মর্যাদা লঙ্ঘন করেনি । আর  
 স্নেহাক্ত সম্রাট ! এই চিরপরিচিত স্বর—স্নেহের ঘাত-প্রতিঘাতে  
 তোমার জীর্ণ হৃদয়-দুর্গ ভেদ করে—যখন অন্তরের অন্তস্থল  
 স্পর্শ করবে—তখন তোমার মুমূর্ষু মুখখানির উপর ভাবের ষে  
 অভিব্যক্তি ফুটে উঠবে—তা এবার সম্রাজ্ঞী একাই উপভোগ  
 করে চমৎকৃত হবেন সন্দেহ নাই !—ঐ—ঐ আমার কন্ঠা  
 আরজ,—ঐ সাজাহান—এস এস মোগল-সাম্রাজ্যের গৌরব—

মমতাজ, জাহানারা, সতীউন্নিসা প্রভৃতির প্রবেশ

মমতাজ । বাবা—বাবা—কত দিন পরে দেখা হল,—দেখা যে হবে সে  
 আশা আর ছিল না—

আসফ । মা,—ঈশ্বর করুণাময়,—সত্যের বিচারপতি !

জাহানারা । দাছ—দাছ,—আমার বাদশা দাছ কোথায় ? কতদূরে ?

আসফ । আর বেশী দূরে নয় দিদি !

সাজাহানের প্রবেশ

সাজাহান । সম্রাটের সংবাদ ?—কেমন আছেন ?

আসফ । দীপ নির্বাণোগুথ বৎস,—বুঝি তোমাদের দেখবার আশাতেই—  
সাজাহান । জয়ের চেয়েও আমার শ্রেষ্ঠ কাম্য—ঠাঁকে দর্শন—

( উৎপাটিত চক্ষু শারিয়্যারের হস্ত ধরিয়া  
লয়লীর প্রবেশ )

লয়লী । তার আগে—ভাইকে দর্শন কর সাজাহান !  
সকলে । এ—কি !  
সাজাহান । কে এ কাজ করেছে ?

( আওরঙ্গজেবের প্রবেশ )

আওরঙ্গ । আমি করেছি ।  
মমতাজ । যাঁ—ভূমি,—আওরঙ্গজেব !

( শূজার প্রবেশ )

শূজা । আমি বারণ করেছিলাম—বাধা দিয়েছিলাম—ও তা শুনলে  
না,—উঃ—কসায়ের মত—

শারিয়্যার । উঃ—বড় যন্ত্রণা, বড় যন্ত্রণা,—তার চেয়ে আরো যন্ত্রণা—  
ছনিয়ার কিছু দেখতে পাচ্ছি না—সব অন্ধকার !

সাজাহান । আওরঙ্গজেব !—

আওরঙ্গ । আমার কৈফিয়ৎ আছে ! বাপ মার কাছ থেকে বুড়ো  
বাদশা একদিন দুটো ছেলে ছিনিয়ে এনেছিল ; একটা ছেলে  
বাদশার কোলে বসল,—আর একটা কোরাণ নিয়েছিল । সেই  
কোরাণ পড়তে পড়তে সে দেখতে পেলে—এই চাচা সাহেব  
আসমানে বাদশাহী ফেঁদে আমার মাকে—আমার—আমার—ঐ  
মহীয়সী মাকে—বেগম করতে চায় ! নাচনাওয়ালীদের সামনে

তাঁর ছবি নিয়ে—আর বলতে পারব না—তাই দেখে—সেই পাপ  
চোখ দুটো তুলে নিয়েছি। এর যা শাস্তি, তা নিতে আমি  
প্রস্তুত পিতা !

সাজাহান । সত্য শারিয়ার ?

শারিয়ার । ওঃ—চোখ গেলো,—চোখ গেলো ! লয়লী—লয়লী—  
কিছু যে দেখতে পাচ্ছি না !—ওঃ—আরও ত অনেক শাস্তি  
ছিল,—বড় যন্ত্রণা,—ওঃ—লয়লী !—চোখ থাকতে তোমাকে  
চিনতে পারিনি,—আজ চোখ হারিয়ে—তোমাকে—ওঃ—  
বড় যন্ত্রণা বে লয়লী—

লয়লী । সাজাদা !—না—না—এখন হয় ত সম্রাট তুমি !—আমার স্বামী  
তোমারই ভাই—তাঁর এই মূর্তি দেখ ! দেখে শিউরে ওঠ,  
আর ভাব—একদিন ইনি তোমারই মত ভাগ্যবান—তোমারই  
মত প্রিয়দর্শন ছিলেন ! আর এঁর চোখ দুটোর দিকে চেয়ে  
দেখো—এই চোখ যেন তোমার চোখে—আর ঐ শিশু  
জহ্লাদ—

মমতাজ । ঈশ্বর—ঈশ্বর !—দয়া কর—ক্ষমা কর—রক্ষা কর—

লয়লী । না—না—আমি অভিশাপ দোব না,—আমি সহ্য করব,—  
আমায় ক্ষমা কর মমতাজ—আমার হতভাগ্য স্বামীকে ক্ষমা  
কর,—চল প্রভু—মোগল-সাম্রাজ্যের ইজারাদারী ফুরিয়ে  
গেছে—বিশ্বের সঙ্গে সম্পর্ক যুচে গেছে—এস—এস—আমার  
হাত ধরো—এস দুজনে মোগল-সাম্রাজ্যকে সেলাম করে—  
দিগন্তের কোলে নিশে যাই—

শারিয়ার । চলো—তাই চলো—বড় যন্ত্রণা—

[ উভয়ের প্রস্থান ।

মমতাজ । বাবা—বাবা—আমার বলবার মুখ নেই আর,—আপনি  
দেখুন—ওদের উপায় করুন—

আসফ । বেশ, তাই হবে মা, ওরা দুজনে আমার আখিরির অবলম্বন  
হোক—

✓সাজাহান । পারভেজ—হত ! শারিয়ার—অন্ধ !—সত্রাট—সত্রাট !  
পিতা—পিতা ! কোন্ মুখে তোমার সামনে গিয়ে দাঁড়াব !—  
[ সকলের প্রস্থান ।

## সপ্তম দৃশ্য ।

লাহোর-সীমান্ত,—মুসজ্জিত শিবির ।

জাহাঙ্গীর

জাহাঙ্গীর । আসবে, আসবে, সে আসবে ! তাই না তার আসবার পথে—বাদশাহী-শিবির আজ দরবারের সাজে সজ্জিত হয়েছে ! সে আসবে, আসবে ;—উদ্ধত বেয়াদপ পুত্র—উন্মত্ত কঠোর পিতার সঙ্গে সাক্ষাৎ করবে আজ—(সহসা শোফার উপর অর্দ্ধোখিত অবস্থায় আবেগ ভরে )

## নূরজাঁহানের প্রবেশ

এসো—এসো সম্রাজ্ঞী—দেখবে এসো,—সাজাহান আসছে !  
ঐ শোনো তার রণবাণ ;—ঐ দেখ রক্ত পতাকা উড়িয়ে বিজয়ী  
পুত্র আমার বিজয়-গর্বে ছুটে আসছে—

নূরজাঁহান । সম্রাট কি সত্য সত্যই উন্মত্ত হলেন ? শরীরের অবস্থা বুঝেও ত  
চুপ করে থাকা উচিত । হকীম আপনাকে কথা কইতে  
একবারে বারণ করেছেন ।

জাহাঙ্গীর । তাহলে সাজাহান আসছে না ? আমার এত ডাকেও তার  
প্রাণে সাড়া দিলে না !

নূরজাঁহান । কাল সারা রাত,—সাজাহান—সাজাহান—করে অস্থির  
হয়েছেন । দিনেও নিবৃত্তি নেই । চুপ করুন ।

জাহাঙ্গীর । চুপ করে থাকতে পারব না, যাই বল তুমি ! সব—সব চিন্তা—  
অসম্পূর্ণ কল্পনা—সব—সব—এইখানে এসে হটপাট করছে ?  
কাল সারারাত ধরে কত লোকের সঙ্গে কথা কইছি—জান ?

কিন্তু মজা এই—তাদের অনেকেই অনেক দিন আগে দুনিয়া থেকে পালিয়েছে!—পিতামহ হুমায়ুন শাকে দেখলেম, পিতা আকবর শাকে দেখলেম,—খসরুকেও দেখলেম সম্রাজ্ঞী! সবাই একসঙ্গে দিব্যি বসে আছে, খানা খাচ্ছে,—আমাকেও ডাকলে,—দেখলেম, তাঁদের পাশে একখানি খুরসী খালি পড়ে রয়েছে—সেই খুরসী দেখিয়ে দিলে!—তারপর, এক আশ্চর্যের কথা শোনো বলি—দেখতে দেখতে হঠাৎ পারভেজ তাদের পেছনে এসে দাঁড়াল!—উঃ—কি তার চেহারা! কপাল দিয়ে দর দর করে রক্ত পড়ছে, মুখের দুই কস বেয়ে রক্তের ধারা!—আমি চীৎকার করে উঠলেম—পারভেজ বলে! যুম ভেঙ্গে গেল।

সুরজাঁহান। সম্রাট স্বপ্নে যা দেখেছেন সত্য;—দুর্ভাগ্য পারভেজ ঐ ভাবেই মৃত্যুকে বরণ করেছে, এইমাত্র সংবাদ পেয়েছি।

জাহাঙ্গীর। য়্যা—য়্যা—য়্যা!—পারভেজ! পারভেজ!—সত্য?

সুরজাঁহান। আপনাকে এ সংবাদ জানাতেম না; কিন্তু সাজাহানের জন্ম সম্রাট যে রকম উত্তেজিত হয়ে উঠেছেন, তাতে এ সংবাদ না দিয়ে থাকতে পারলেম না।—শুনুন সম্রাট, পারভেজ সত্যই হত হয়েছে, আর তার হত্যাকারী—সাজাহান! আপনার এই প্রিয় পুত্র দুর্ভাগ্য পারভেজকে গুপ্তহত্যা করেছে।

জাহাঙ্গীর। গুপ্ত হত্যা করেছে!—সাজাহান?—ঝুট—ঝুট—ঝুট! নাঃ—এ হতে পারে না! এ হতে পারে না!—সে ভালবাসে—সে ভালবাসতে জানে; ভালবাসা তার বুকে—প্রাণে—মনে! সে হত্যা করতে পারে না।—

( শোফা হইতে উঠিয়া কক্ষমধ্যে উন্নতভাবে  
যুরিয়া বেড়াইতে বেড়াইতে )

পারভেজ—পারভেজ—পারভেজ !—নেই ! নেই ! মেই ?—  
ঐ—ঐ—ঐ থসক,—ঐ তার পাশে—পারভেজ ! থসকর  
কাছে আমি অপরাধী, তাই সে পালিয়েছে !—আমি ত  
তোমাকে কখনও কিছু বলিনি বৎস !—তবে কেন—তবে কেন  
তবে—তবে—তুমি কেন—চলে গেলে ?—

( পুনরায় শোফায় বনিয়া পড়িলেন )

বল—বল—বল তুমি সম্রাজ্ঞী ! আর কি বলবার আছে ?  
বল—সব বল,—মন খুলে বলে ফেল—কিছু লুকিও না,—আর  
শোনা হবে না—এই শেষ !—বল—আমার শপথ—সত্য বল—  
নূরজাঁহান । সেই ভাল সম্রাট ! এবার আপনিই শ্রোতা হোন ;  
আমি তাহলে বাঁচি । বলুন—কি বলব ? কি শুনতে চান ?  
জাহাঙ্গীর । তোমার চাকা এখন কোন্ পথে চলেছে ? কাকে পিষে  
চূর্ণ করতে ছুটেছে ? কি তোমার উদ্দেশ্য ? কি তোমার  
লক্ষ্য ? বল—বল—আমার শপথ—সত্য বল—

নূরজাঁহান । সত্যই বলছি শুনুন !—আমার একটা চাকা লাহোর থেকে  
দিল্লীর পথে ছুটেছে—সাম্রাজ্যের সমস্ত শক্তি নিয়ে সাজাদা  
শারিয়ার—সাজাহানকে চূর্ণ করতে সেই চাকা চালাচ্ছে !  
আর এক চাকা—আগরার মুখে ঘুবছে—আমার অনুগত  
রাজপ্রতিনিধি ইরাদৎ খাঁর হাতে ! সেখানেও বিজরীর আসন  
পাতা ! আমার উদ্দেশ্য—আগে যাই থাক—এখন—বিজরী  
শক্তিমানের হাতে মোগল সাম্রাজ্যের ভার সমর্পণ করা ।  
আর, সাজাহানকে এবার আমার চরম পরীক্ষা ; এই পরীক্ষায়  
জয়ী হয়ে, জয়পতাকা উড়িয়ে যদি সে সম্রাট-সকাশে উপস্থিত  
হতে পারে—তার পথ সসম্মানে ছেড়ে দেওয়া ।—শুনলেন ?  
আর কিছু জিজ্ঞাস্য আছে ?

জাহাঙ্গীর । আছে—আছে ।—কিন্তু যা শুনলেম,—তাতে—তাতে—  
 স্তম্ভিত হতে হচ্ছে আমাকে ! সত্য ?—সত্য ত ?—হাঁ—  
 তোমার মুখ দেখে বুঝতে পারছি—প্রাণের কথা আজ টেনে  
 বলেছ !—আচ্ছা,—যদি সাজাহান আমার এই অবস্থার কথা  
 শুনে পিতৃস্নেহে বিগলিত হয়ে—পাগলের মত ক্ষমাভিক্ষার  
 অঞ্জলি পেতে ছুটে আসে—তাহলে—তাহলে—

মুরজাঁহান । তাহলে ঐ ভিক্ষাই তার ভবিষ্যৎ জীবনের অবলম্বন হবে—  
 এটা কি প্রকাশ করে বলতে হবে সম্রাট !

জাহাঙ্গীর । আর যদি—আর যদি—হাঁ—হাঁ—যদি সে—( উল্লাসভরে )  
 জয়বাণী বাজিয়ে—অস্ত্রের ঝঙ্কারে দশদিক মুখর করে—শিবিরে  
 আসে তার বিজিত পিতার সঙ্গে সাক্ষাৎ করতে ?—

মুরজাঁহান । তখন সেই বিজয়ী পুত্র পিতার স্নেহের সঙ্গে সাম্রাজ্যের  
 হৃদয় অধিকার করবে ।

জাহাঙ্গীর । আর—আর—তুমি ?

মুরজাঁহান । সম্রাটের শক্তিতে শক্তিময়ী আমি—সম্রাটের সঙ্গে সঙ্গে  
 সম্রাজ্ঞীর সমস্ত শক্তি পুত্রস্নেহেব অমৃতধারায় সিঞ্চিত করে—  
 তাকে আশীর্বাদ করব ।

জাহাঙ্গীর । য্যা ! কি বলছ গো !—আমার যে দেখতে ইচ্ছা করছে !—  
 কিন্তু বুঝি তা হবে না, তা হবে না !—সে আসবে—  
 সত্যই আসবে,—কিন্তু—কিন্তু—আমি তাকে,—হাঁ—হাঁ—মনে  
 হয়েছে—যদি আমার সঙ্গে দেখা হয়,—আমি আগেই জানতে  
 চাইব—পারভেজের মৃত্যুর কথা !—হাঁ—পারভেজ—পারভেজ—  
 পারভেজের কথা !—সে মিথ্যা বলে না জানি । যদি বলে—  
 আমি পারভেজকে মেরেছি,—আমি তাহলে তার—তার—  
 তার—গলা চেপে ধরবো,—বলবো—ভালবাসা তুমি হারিয়ে



এসেছ,—যে ভাইকে মারতে পারে,—সে বাপকেও মারতে পারে!—সে মানুষ নয়—মানুষ নয়—সয়তান! সয়তান!—না—না—না—এ হতে পারে না, সাজাহান—আমি যাকে খেতাব দিয়েছি—সাজাহান; সে সত্যই সাজাহান! সে—সয়তান নয়!—সয়তান নয়!—দারা! দারা!—আমার দাদু ভাই—

### দারার প্রবেশ

দারা । (দ্বাবের নিকট দাঁড়াইয়া) দাদু—দাদু!—ডাকছ আমাকে দাদু? নূরজাহান । এস, দাদুর কাছে এস,—আমি বলছি—এসো—

জাহাঙ্গীর । এস, দাদুভাই এস—(দারা ছুটিয়া বক্ষে আসিয়া পড়িল) সম্রাজ্ঞী আসতে বারণ করে,—না?

দারা । তোমার অসুখ কিনা, কথা কইতে হকীম সাহেব মানা কবেছেন । তাই আসি না ।

জাহাঙ্গীর । দাদুভাই, চোখের কোনে জল দেখছি যে! কাঁদছিলে বুঝি? বাপ-মার জন্তে,—নয়? আমার জন্তে—চোখে জল আসে না—নয় রে?

দারা । তোমাকে আমি কম ভালবাসি দাদু?

জাহাঙ্গীর । তোর বাপের চেয়েও?

দারা । বাদশা হবার আগে তুমি কাকে বেশী ভালবাসতে দাদু,—তোমার বাবাকে, না আমার বাবাকে?

জাহাঙ্গীর । তোমার বাবাকে এ কথা জিজ্ঞাসা কোর দাদু—সেই বলবেরে!—(সহসা চমকিতভাবে)—সম্রাজ্ঞী—সম্রাজ্ঞী—একটা—একটা—আওয়াজ শুনতে পাচ্ছ? বড় মধুর, কিন্তু

বড় গভীর ! শুনছ ? শুনছ ?—আমি শুনতে পাচ্ছি !

ঐ—ঐ—ঐ—বাজছে ! বাঃ বাঃ বাঃ বাঃ—

মুরজাঁহান । একি, একি, সম্রাট ! এ রকম করছেন কেন ? চক্কর  
একি ভাব ? বাঁদী ! বাঁদী !— .

### রঞ্জিলা বাঁদীর প্রবেশ

শীগগীর হকীম সাহেবকে ডেকে নিয়ে আর—

দাঃ । দাঃ ! দাঃ !

জাহাঙ্গীর । গুলজার—গুলজার ! আকাশ বাতাস—সব গুলজার !  
রণবাণ—রণবাণ ! বিজয়ীর বিজয় উল্লাস ! বাজা—বাজা—  
বাজা !—খসরু ! খসরু ! হাসছ ? হাসছ ?—কাঁদবে না ?  
রাগ নেই ?—ভুলে গেছ ?—পারভেজ ?—কি বলছ ?  
মেরেছে ?—মেরেছে ?—কে ?—সাজাহান ? সাজাহান মেরেছে ?  
না ?—সে মারে নি !—হোঃ—হোঃ—হোঃ—হোঃ—সাজাহান  
মারে নি—সাজাহান হত্যা করে নি—খালাস—খালাস !  
সাজাহান—বেকসুর খালাস !—ঐ আবার আওয়াজ উঠছে—  
বাজনা বাজছে—ঐ আমার বিজয়ী সাজাহান—হাঃ হাঃ হাঃ হাঃ

( শিদির দ্বারে রণবাণ ও তূর্য্যধ্বনি )

জাহাঙ্গীর । ওরে—ওরে—ওই—ওই—তার—তার বিজয় বাণ—ওই  
সেই চিরপরিচিত তূর্য্যনাদ—সেই—সেই—সে এসেছে  
এসেছে—( করতালি দিয়া )—সাজাহান—বিজয়ীপুত্র আমার—  
ঐ—ঐ—ঐ—আয়—আয়—আয়—ওরে—ওরে—ওঃ—ওঃ—  
ওঃ—আ—আ—আ—য়—সা—জা—

( সাজাহান, মমতাজ, জাহান্নারা, আসফ খাঁ  
সুজা, আওরঙ্গজেব প্রভৃতির প্রবেশ )

সাজাহান । বিদ্রোহী পুত্র ফিরে এসেছে বাবা !—ক্ষমা—ক্ষমা—ক্ষমা—  
য়্যা—একি !

জাহান্নার । ( দুই হাত প্রসারিত করিয়া উঠিবার প্রয়াস এবং সঙ্গে সঙ্গে  
শোফার উপর পড়িয়া গেলেন ; বাক্য রুদ্ধ হইল,—কিন্তু  
চক্ষু দুইটি সাজাহানের মুখের উপর নিম্পলকভাবে  
নিবদ্ধ হইয়া—অশ্রুবর্ষণ করিতে লাগিল )


মমতাজ । বাবা—বাবা—ক্ষমা চাইবার অবসরটুকু দাও—

জাহান্নারা । দাছ—দাছ ! আমি এসেছি,—তুমি ডেকেছিলে, আনতে  
পাঠিয়েছিলে—আসিনি,—আজ যেচে এসেছি দাছ—তুমি  
ওঠ—কথা কও—

জাহান্নার । সব শেষ হয়ে গেলো—ভারতের সূর্য—মুরজাহানের  
জ্যোতিঃ—( সম্রাটের বক্ষে মুখ রাখিলেন )

সাজাহান । বাবা—বাবা—বাবা—শাহান শা—হজরৎ ! ক্ষমা—ক্ষমা—  
ক্ষমা—

যবনিকা



B209801



সাহায্যের নাটকের  
অতুলনীয় ঐতিহাসিক সাজসজ্জা

নয়নরঞ্জন দৃশ্যপট প্রভৃতি  
সুবিখ্যাত

বি, দাস এণ্ড কোং

সরবরাহ করিয়া থাকেন।

'সৌখীন-সমাজের নিখুঁত অভিনয়োপযোগী যাবতীয় অভিনব উপাদানের  
একমাত্র সমাবেশ এখানেই!

জাহাঙ্গীর নাটকও এইস্থানে পাওয়া যাইবে।

ঠিকানা—৪১নং ব্রাণ্ড রোড ; “ফোন নং ৫৫৪৫ কলিকাতা”

---

সভ্যসমাজের উপযোগী আধুনিক রুচির উচ্চ আদর্শানুযায়ী  
যাবতীয় সার্ট, স্মুট, কোট, কামিজ, পাঞ্জাবী, অলষ্টাব, আফিস-স্মুট,  
পারিবারিক পারচ্ছদ—জ্যাকেট, ব্লাউজ, ফ্রক প্রভৃতি  
নির্দিষ্ট দিনে গ্রাহ্যদবে নিখুঁতভাবে প্রস্তুত কবিবার ভাব লওয়া হয়।  
মাপ ও বায়না পাঠাইলে মফস্বলে সরবরাহেব দায়িত্ব লওয়া হয়।

পরিচালক—বহুদর্শী বিচক্ষণ সিদ্ধহস্ত সীবন্-বিদ্

এন, সি, চ্যাটার্জী

(টেলার্স এণ্ড আউট ফিটার্স)

১৫৪নং ব্রাণ্ড রোড, কলিকাতা।









